





Early European Books. Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL. 1.7.93/a





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.93/a





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.93/a



Early European Books. Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL, 17.93/a

HENRICI MEIBOMII *Book XIII*  
*I-1*  
DE  
DV CVM  
BRVNSVICENS.  
ET  
LYNEBURG.  
CONTRA  
INFIDELÉS SARACENOS  
ET TVRCOS A SEXCENTIS  
AMPLIVS ANNIS EXPEDITIO-  
NIBVS BELLICIS  
NARRATIO.



HELMESTADI,  
Typis & sumptibus GEORG-WOLFGANGI HAMMII,  
Acad. Typogr.  
Anno M DC LXXXV.



Henrici Mercurii  
DE  
D V C V M  
BRVNSVIGENSIS  
LYNEBURG  
INIDILES SALVATORIS  
ET TARGOS  
NARRATIO



THE  
LIBRARY OF THE  
HISTORICAL SOCIETY OF  
NEW YORK



**Q**ui optimè nobis ea, quæ de Majoribus nostris scimus, in suo de Germania libro tradidit *Cornelius Tacitus*, sub Trajano Imperatore, cum jam ad Albim & Visurgim usq; Romani pervenissent, nullo verbo SAXONUM meminit; unde doctissimis viris variæ natæ conjecturæ, quibusdam in Taciti libro quædam à librariis omissa suspicantibus, aliis sub Cattorum aut Foforum aut Svardonum aut Cimbrorum nomine Saxones latere judicantibus. Ego, relicta cuiq; judicii sui libertate, Saxones tum minus adhuc celebres, angustisque suis finibus contentos, Romanis Tacitoq; incognitos fuisse arbitror: nec ad eos bellorum illorum famam pervenisse, quæ cum Danis ante Christum natum *Saxo Grammaticus* memorat, ubi & *Saxonie regnum ad Danos translatum* scribit, l. 4. c. 18. doctissimusq; *Stephanus* in notis regnum fuisse, & verissime à *Saxone Grammatico* ita vocari, & ab Odino rege filio suo Baldo datum, ex *Edda* probare satagit: quamvis longè tutius sit referre illa ad fabulas & incertissimas relationes eorum temporum, quibus, ut ipse *Saxo* fatetur, *illustrum virorum splendorem scriptorum penuria laudi memoriæq; subtraxit*: licet plurimum fidei Annalibus istis Septentrionalium hac in re tribuat *Seringhamus*, l. de orig. gent. Anglor. c. 2. & 3.

Primus omnium *Claudius Ptolemaeus*, qui sub Imperatore Antonino Pio vixit, lib. II. cap. XI. eorum me-



minit, vocatq; Σάξονες per ξ, quomodo & Græci & Romani deinde omnes eos scribunt, & hodieq; Germaniæ Superioris incolæ vocant, cum patria pronuntiatione *de Sassen*, *SAS-SONES* dicendi fuissent. Collocat autem eos *ἐν τῇ ἀρχαίᾳ τῆς κίμβρικῆς χερσονήσου*, ut facile intelligas, tenuisse illos tum eam, quam hodie Holsati occupant, Cimbricæ peninsulæ cervicem, & in littoribus Oceani ad ostia fluviorum *Travæ*, (*Chalusi Ptolemæo*) & *Albis* sedisse, locorum ipsorum situ & ingenio eos invitantibus, ut nauticis exercitiis maritimisq; operibus vitam suam consecrarent, quorum deinde gloria, ut mox dicam, inclaruerunt. Seculo enim tertio sub Diocletiano Imp. *Carausius mare accepisse* tranquillandum, quod *Franci & Saxones* infestabant, memoratur ab *Eutropio* l. IX. in cuius rei memoriam argentum nummum Imp. *Carausii*, qui penes me est, cūsum arbitror, in cuius aversa Triremis prætoria, felicitatem ejus maritimamq; victoriam indicat, nisi quis referre velit ad alteram, quam, classe Maximiniani Herculei victa, reportavit. Seculo deinde quarto non infrequens occurrit Saxonum mentio, videnturq; tum Holsatia egressi Visurgis ostia ad Rheni usq; in mare influxum & *Chaucorum* littora occupasse. Nam sub *Juliano* Imp. *Batavorum* insulam, pulsos *Francis Saliis*, suam eos fecisse, *Zosimus* narrat: in cuius verbis l. 3. p. 707. ubi *Quados Saxoniæ* partem facit, *Cluverus* pro *κυάδας* legit *καυχας*, *Chaucosq;* interpretatur, & inde colligit, *Chaucos* tum à *Saxonibus* jam subactos fuisse, idcircoq; partem ipsius vocari; nimiâ tamen, & *Grotio* jam olim in *Epist. ad Pontanum* notata in *Cluvero* voces contra *MStorum* fidem mutandi licentiâ, cum sæpius repetatur apud *Zosimum* *Quadorum* vox, constanti ubiq; lectione, nec toties describentis errorem intervenisse credibile sit, potiusq; hic ipse *Zosimus* hallucinetur. Sequitur quidem *Cluverum* Vir longe doctissimus,

stiffimus, qui de antiquissimo horum locorum statu commentatus est p. 54. sed intelligi debere Chamavos satis apparet ex iis, quæ *Julianus* Imp. ipse in Epist. ad S. P. Q. Atheniensem de suis contra Salios Chamavosq; felicibus victoriis narrat, quæque in hanc rem scribit *Ammianus Marcellinus Histor.* l. XVII. p. 170. Quicquid autem hac de re sit, jam tum eo tempore *Hieronymus in vita S. Hilarionis*, noto satis loco, *Francis vicinos* facit, & *Ammianus Marcellinus* l. XXVII. *Francos & Saxones* confines nominat, unde facile, quousq; progressi fuerint, colligere est. Hinc fortassis illud est, quod Auctor Chronici Rythmici ante trecentos amplius annos lingua Belgica scripti, antiquorum librorum fide asserit, totam regionem infra Neomagum olim Saxoniam Inferiorem dictam, Scaldimq; ejus terminum occidentalem fuisse. Merentur ipsa ejus verba audiri.

Dude bocken hoor icke gewagen  
Dat al t' land beneden Ryemagen  
Wilen neder Sassen hiet  
Al soo als die Stroom verschiet  
Van der Mase ende van den Rhynt  
Die Schelt was dat west ende syn.

Et tum quidem maritimam gloriam sibi acquirere, invasionibusque suis & piratica, etiam in longinquiora loca, institutis formidabiles esse ceperunt. Ubi enim de *Valentiniano* Imp. agit *Paullus Orosius Historiar.* adversus *Pagan.* l. 7. c. 32. Saxones vocat gentem in Oceani littoribus & paludibus in viis sitam, virtute atq; agilitate terribilem, & notanter, periculosam Romanis sinibus; quibus se opposuisse *Valentinianum*, & eruptionem magna mole meditantem in ipsis *Francorum sinibus oppressisse*, iterum *Orosius* scribit. Ir-



ruptionis illorum in Galliæ littora sub Valentiniano, Valente & Gratiano meminit *Ammianus Marcellinus* l. 27. c. 8. & l. 28. c. 5. Sub Theodosio Seniore Romanos contra Saxones maritimis præliis pugnasse & victoriis inclaruisse, discimus ex *Latini Pacati Panegyrico*, Theodosio dicto, ubi, dum attritam pedestribus præliis Bataviam refert, *Saxonem bellis navalibus consumptum* memorat. Et tum Saxones captivos Romam ductos & spectaculis publicis destinatos ex *Symmacho* discimus Epist. 46. l. 2. Sub Honorio Stiliconis effectum curis, ne *Britannia littore toto*

*Prospiceret dubiis venturum Saxona ventis*, scribit *Claudianus*, sed fortassis poetice nimis, cum ne per ipsum quidem Stiliconem, sed Victorinum Tolosanum, ab eo missum, Saxones repressi sint, ita tamen, ut formidabiles adhuc Romanis manserint. Anno enim Christi post quadringentesimum quadragesimo nono, qui fuit Vortigerni Regis Britannici quartus, Saxones in Britanniam vocati, Virtutis suæ militaris & maritimæ specimen ediderunt, dum post varia bella nova ibi regna condiderunt, Orientales in Essexia, Middelfexia & australi Hertfordiæ parte, Australes in Suffexia & Surrejæ parte, Occidentales in Suthantonia, Bercheria, Viltonia, Sommerfetiæ, Devonia &c. de quibus nunc pluribus agere animus non est, legi autem possunt *Cambdenus* in Britannia, & *Langhornius* in Antiquitatibus Albionensibus sub finem, & in Chronico Regum Anglor. p. 5. Quodvero ex eo tempore non desierint Saxones Romanis in Gallicis littoribus esse molesti, discimus ex *C. Sollio Apollinari Sidonio*, Arvernorum Episcopo, qui sub Leone & Zenone floruit, & l. VIII. Epist. 6. ad Naminatium *Archipiratas* vocat, quos *exerceant naufragia, non terreant: quibus cum discriminibus pelagi non notitia tantum, sed familiaritas sit*: & in Epist. 9. ad Lampridium, non inelegantibus phaleucis, *assuetos salo & cerulos* appellat,

9  
appellat, id est, coloris cærulei & quasi marini, à mora in mari contracti. Et propter has piraticas irruptiones Littorum Præfectos Romani habebant, qui etiam Comites vocabantur, uti *Amm. Marcellinus* l. 28. c. 5. Nannetem Comitem *Saxonica eruptionis procellam* sustinuisse scribit, & *maritimi tractus comitem* nominat l. 27. c. 8. Quod officium durasse ad Caroli M. tempora discimus ex *Eginhardo* in vita Caroli c. 8. ubi *Rutlandus Britannici littoris præfectus*, & in *Annalibus Francisci Adelmi* ad An. 799. Wido Britannici littoris comes ac præfectus nominatur. Disertè vero in *Notitia Imperii* mentio fit *Comitis littoris Saxonici per Britanniam* p. 110. & *Tribuni cohortis primæ novæ Aremoricæ in littore Saxonico* p. 137. qui ad Saxonum deprædationes impediendas erant constituti, quando scilicet

— *Aremoricus piratam Saxona tractus*  
*Sperabat* ( id est metuebat, ) *cui pelle salum sulcare Britannum*

*Ludus, Cassuto glaucum mare findere lembo.*  
Videtur autem totus ille tractus à Ligeri ad Albim usque Saxonicum littus vocari, quod scilicet respiceret Saxones, & ab illis advenientibus infestaretur, Romanique Cæsares posteriores ibi præsidium perpetuum adversus piratas Saxones haberent: quamvis aliquando Saxones in ea ora Galliæ, quæ ostiis Sequanæ alluitur, habitasse, ex hoc ipso nomine Littoris Saxonici colligat doctissimus *Jacobus Sirmondus* not. ad Capitularia Francor. p. 771. edit. Baluz. putetque locum ipsum propius indicari à *Gregorio Turonensi*, quando *Saxones Bajocasinos* nominat l. V. histor. c. 27. Quomodocunque autem hæc sese habeant, possent adhuc longè plura à me adduci, Saxonum antiquorum nauticæ rei peritiam & maritimas excursiones testantia, nisi res clara esset. *Philippus Cluverius* in *Germ. Antiq.* illam artis nauticæ peritiam, à præscis Saxonibus ortam, hodieque in *Fri-*  
*siæ,*



fiæ, Bataviæ & Angliæ incolis observari, Gallos quoque atque Hispanos, qui Oceanum magnum navigant, ab his didicisse scribit, cujus documentum certum præbeant pleraque vocabula nautica, quæ in hunc usque diem apud illos quoque sint merè Germanica.

Sicut autem Saxones primò Chaucorum, & ad mare, fluminumque ostia sitas terras occupaverant, ita deinde magnam inferioris Germaniæ partem & illa mediterranea loca invaserunt, quæ Sicambri, Ampsivarii, Cherusci, Marfi olim tenuerant, Francis expulsi: quamvis certo asserere nequeam, armisne populos modo dictos subegerint, an illi ultro in fædus cum ipsis, unamque rempublicam cojerint? Nomen tùm certè Saxonum, reliquis abolitis, prævaluit. Non referam autem nunc, quomodo Saxones Francorum fines populati ab illisque repulsi, interdum etiam victores, ut *Aimoinus* refert l. 2. c. 27. extiterint: quomodo tamen sæculo sexto terminos suos per Thuringiam promoverint, data per ipsos Francos occasione, qui Rege Theodorico, Clodovæi Magni filio, contra Ermenfridum Thuringorum Regem eos in auxilium vocaverunt, tacendo prætereire nequeo, cum ex solis ferè *Eginhardi* libris deperditis, quorum aliquod Excerptum nobis conservavit *Adamus Bremensis*, & *Widichindi* Monachi lib. 1. historiam illam haurire liceat, dum Gallici scriptores tacent, & *Aimoinus* l. 2. c. 9. hanc quidem Francorum in Thuringos expeditionem narrat, nullam tamen, vel uno verbulo, Saxonum mentionem facit. Quinam Saxones illi fuerint, quibusque in sedibus tum hæserint, nec *Eginhardus*, nec *Widichindus* distinctè narrant, non longis tamen itineribus ad Francos accessisse, sed in vicinia fuisse, ex tota narrationis serie patet, ut mirer Virum doctissimum Saxones ex Anglia hîc velle repetere, & ea occasione in loco *Procopii* constantem lectionem tollere, & pro *Phrygiæ* intrudere



dere *Σάξονες*, & non observasse, Procopium ibi à *Βερνία* distinguere *Βερνίαν*. Quanquam autem terram Thuringorum Saxonibus, si vincerent, permiserat Theodoricus, non tamen, victoria licet cruenta, sexmillibus suorum amissis, reportata, statim eam adepti sunt, sed odio Herminfridi erga eos, qui se dedere Francis quàm Saxonibus malebat, spe penè omni excidissent; compertis tamen machinationibus hostilibus & Regis Erminfridi, constantia & virtute Ducis sui (quem Hadagatum *Eginhardus*, Hathagast *Witichindus*, Hatugato *Urspergensis* nominant, & solum quidem illum, nulla facta mentione Bernthowaldi vel Bernwaldi, quem, Ascaniæ dominum, recentiores *Brotruffius* alii huc adducunt, cuique Scheidingam cecidisse volunt) urbem Scheidingam ad Unstrutum fluvium, in qua hærebat Herminfridus, expugnarunt, cæsis, qui aderant, Thuringis, Rege licet cum uxore & liberis elapso. Cum igitur ita victores ad Theodericum rediissent, simul in possessionem terræ promissæ venerunt, *socii, Francorum & amici appellati* sunt. Non omnem tamen Thuringiam acceperunt Saxones, sed facta divisione (à qua ipsi urbi Scheidingæ nomen obtigisse suspicatur celeberrimus *Sagittarius*, amicus noster, antiquit. regni Thuringici l. 2. c. 12.) illam tantum, quæ est nobis cis Unstrutum fluvium, ceu notat *Eginhardus*: De qua divisione multa etiam præclara observat nobilissimus *Conringius* noster in dissertatione de antiquo Helmæstadii statu, & illud imprimis, quod inde hodieq; Imperiales illæ urbes Mulhusum & Northusum, Thuringicæ licet, Saxoniam tamen tribuantur, Circulo scilicet Saxonico inferiore comprehensæ. *Auctor* quoq; *Historiæ de Landgraviis Thuringiæ* (recentior licet) c. V. à Duce tum Saxonum ad defensionem terrarum acceptarum castrum extructum scribit, quod *nomina verint secundum suum nomen* (intellige gentis Saxonum) *Sachsenburg*,

B

burg,

burg / cujus hodieq; rudera supersunt. Meretur igitur tempus hujus Saxonicae victoriae, & secutae inde in his terris mutationis, diligenter notari, anni scilicet post natum Christum DXXXIV. primus Octobris dies, quam propter victoriam reportatam Saxones non tantum, quemdiu pagani fuerunt, sed postea quoque, Christiani facti, jejuniis, orationibus, oblationibusq; coluerunt, ut refert *Witichindus*. Tunc igitur terminos illos accepit Saxonia, quos in suo de ea carmine, à Patre meo primum publicato, exponit *Theodorus Lange* seu *Longus* Eimbeccensis:

*Objicibus vastis includitur & spatiosis*

*Limitibus, cujus etiam Westphalia pars est.*

*Rhenus ab Occasu, simul Odera solis ab ortu,*

*Oceanus Borea, qua terminat Unstrot ab ortu.*

Ab eo enim tempore à Saxonibus possideri ceperunt hæc ipsa, quæ nos incolimus, loca, quæ olim quidem ad Nort-Thuringiam pertinuerunt. Neque tamen, Saxonibus licet dominis, statim nomen ipsum Thuringiæ evanuit, sed diu post hæc tempora mentionem adhuc fieri Pagi Nort-Thuringici (Procinciam Nort-Thuringicam vocat *Dithmarus Mersburg*. l. VIII.) observamus, non tantum Caroli M. & Ludovici Pii ævo, sed Ottonis quoq; primi & secundi, ut ex illorum tabulis superstitis patet, complexusq; ille est omnem terram illam, quæ jacet inter Hartzicam sylvam, Salam & Albim ad Haveli ripas & Alarim amnem usque, ut pluribus docuit Avus meus *Henricus Meibomius* dissertatione de Pagis Saxoniae: cujus quidem rei causam ex *Einhardo Witichindo*q; petendam arbitror, qui narrant, Saxones, cum multis millibus suorum amissis, totam terram occupare non possent, colonis tradidisse exercendam, sed sub tributis, unde factum, ut, cum non possiderent ipsi, sed tributariam tantum haberent terram, vetus Thuringiæ nomen tanto retinuerit diutius.

Et



Et ita quidem Saxones *possessa terra summa pace quieverunt, societate Francorum & amicitia usi*, ut loquitur Witichindus : fuit tamen Saxonica gens inter illas, quæ bona pacis ignorarent, & quiescere nescia hoc ipso seculo sexto multos suorum magno numero Longobardis in Italiam euntibus junxit. Alboinus scilicet Longobardorum Rex cum à Narsete ex Pannonia in Italiam vocaretur, non contentus multos secum ex diversis, quas vel alii Reges, vel ipse ceperat, gentibus, Gepidis, Bulgaris, Sarmatis, Pannoniis, Suavis, Noricis tantæ expeditioni suscipiendæ adduxisse, etiam à *vetulis suis amicis Saxonibus auxilium petiit*, quorum plusquam viginti millia virorum cum uxoribus simul & parvulis venerunt in Italiam ituri, (verba *Paulli Diaconi* de gest. Longob. l. 2. c. 6.) quique dein in Galliam quoque irruerunt, prædasque magnas egerunt. Repressi tamen ibi, cum & Longobardi proprio eos jure subsistere pati nollent, & Saxones illorum imperiis se subicere refragarentur, de patria rependa consilia inierunt, cumq; uxoribus & liberis itinere per Gallias, permittente Rege Sigisberto, ut explicat *Aimoinus* l. 3. c. 7. instituto, domum redierunt. Illa tamen patria loca, statim ac Saxones ex iis exierant, Reges Francorum Chlotarius & Sigisbertus Svavis aliisq; gentibus dederant, unde redeuntibus post sextum decimum annum cum his pugnandum fuit. Obtulerunt tamen novi possessores antiquis incolis tertiam partem regionis, dein mediam, deniq; duas, sibi servata tantum tertia, & pecora quoque, obtinere tamen pacem non potuerunt & ad bellum res devenit : in quo tamen, cum Saxones primo infelici prælio viginti millia suorum amisissent, & altero iterum graviter attiti essent, quiescere tandem coacti sunt, uti omnia illa nobis narrat *Warnefridus* seu *Paulus Diaconus* supra citatæ historiæ l. 3. c. 7. De suorum Saxonum in



Italiam excursionibus loquitur etiam Pœtaſter *Theodoricus Longus* in Saxonia ſua.

*Junctus Saxo Rugis (Herulis) Romanam ſubdidit urbem,  
In qua bis ſeptem regnavit Odocarus annis.*

*Tunc Longobardis alleſtus opem tulit idem.*

*Igniferi cunei tunc cælo currere viſi.*

De quibus haſtis atque aciebus igneis aſidue à Septentrionis partibus apparentibus, & ex mente S. Gregorii ingentem mortalium ſtragem ab eâ parte denunciantibus refert *Car. Sigonius* l. i. de regn. Ital. ad An. DLXVII.

Hinc jam ad Seculum VII. & Carolo M. proxima tempora dilabimur, quando Saxonum per bella cum Francis geſta major & accurrior cæpit eſſe notitia. Tum etiam diſiſionem illam Saxonum in tres Gentes, in *Oſt-walos*, qui aliàs *Oſterlingi*, & *Auſterlandi* apud *Auctorem vitæ Caroli M.* à *Pythæo* editum, & *Orientalis* vocantur: *Westphalos* & *Angarios*. Apud *Eginhartum* quidem, in vita Caroli accuratè ſatis ſcripta, nulla, quod mireris, hujus diſtinctionis fit mentio: in Annalibus Francis *Adelmi* Benedictini monachi, *Angariis* ſilentio præteritis, *Westphalabi* & *Orientalis Saxones* tantum nominantur ad An. 784. In ipſis tamen Caroli M. Capitularibus ſcribuntur *congregati Saxones de di-verſis pagis tam de Westfalabis & Angrariis, quam & de Oſfalabis*. Nominant quoque illos Leges Saxonum à *Frider. Lindenbrogio* editæ. Meminit quoque illorum *Pœta Anonymus*, qui de geſtis Caroli M. Annalium libros quinque ſcripſit, cujus Mſtum (unicum, ni fallor, quod extat) in noſtræ Academiæ Juliæ Bibliotheca publica ſervatur, ex quo ante octoginta annos edidit V. CL. *Reinerus Reineccius*. Vixit quidem ille aliquanto poſt Carolum temporis ſpatio ſub Arnolpho Imperatore, non tamen nomina tantum horum populorum, jam aliàs nota, ex eo diſcimus, ſed terminos quoque, quales in genere fuerint, mereturque in his tanto majorem fidem, quoniam ipſe



ipse Saxo, fuit, patriarum rerum peritus. Ipsa proinde  
ejus verba, qualia habentur l. 1. p. 2. adducam:

*Sed generalis habet populos divisio ternos.*

*Insignita quibus Saxonia floruit olim.*

*Nomina nunc remanent, virtus antiqua recessit,*

*Denique Westfalos vocitant in parte manentes*

*Occidua, quorum non longè terminus amne*

*A Rheno distat. Regionem Solis ad ortum*

*Inhabitans Osterlingi, quos nomine quidam,*

*Ostvalos alii vocitant: consinia quorum*

*Infestant conjuncta suis gens perfida Slavus.*

*Inter prædictos media regione morantur*

*Angarii, populus Saxonum tertius. Horum*

*Patria Francorum terris sociatur ab Austro,*

*Oceanogæ eadem conjungitur ex Aquilone.*

Hujus divisionis in tres gentes meminit deinde adhuc, circa Ottonum Imperatorum tempora, *Witichindus* Monachus l. 1. Nec facile asserueris, quando primum Westfalia Saxoniarum nomen amittere, & Ostfalia illo κατ' ἰξοχήν gaudere cæperit. *Reinerus Reineccius* libello de Saxonum origine prius factum esse putat, quando Ludolfus, Waltperti filius, Widechindi magni pronepos, sedem suam ex Westfalia, ubi hætenus fuerat, in Ostfaliam transtulit, dependente ita nominis Saxoniarum usu ab Aulæ sede. *Cl. Conringius* non multum diversus tum factum illud existimat, quando à Francorum Regibus, & postea Imperatoribus Germanicis universæ Saxoniarum Ducatus Principibus in Ostfalia degentibus commissus est. Sanè, diu satis pro una quasi gente habebantur, unoque duce, Saxoniarum dicto, gaudebant Westfali, Angrarii & Ostfali, quod ex historia Lotharii, Henrici Superbi & Henrici Leonis manifestum est, nulla tum ducis Westfaliæ aut Angrariæ extante memoria.. Post Henrici Leonis vero à Friderico I. factam



exauktionem, uti peculiaris & priori longe minor Saxoniae Ducatus constitutus, ita tum quoque non amplius Westfaliam Saxoniae nomine comprehensam, sed suo proprio appellatam censeo. In Diplomatis, Friderici I. quo A. 1180. Friderico Archiepiscopo Coloniensi, & Philippi Caesaris, quo Adolpho Coloniensi Archiepiscopo A. 1204. eundem conferunt, & confirmant, Ducatus Westfaliae & Angariae prima mentio, quod sciam, occurrit. Tum enim Ducatus ille magnus Saxoniae totius, quem hactenus majorum suorum exemplo habuerat Henricus Leo, divisus est, & pars Archiepiscopo Coloniensi, pars Bernhardo Balenstedio ex Anhaltinis data est, habentque hoc nomine Colonienses adhuc equum candidum, antiquum Saxoniae insigne, in clypeo, quem pari jure Saxo-Lauenburgici sibi sumere potuissent, cum ducatus illius altera pars, Rescripto Caesareo, ipsis data sit, nec alio nomine equum illum habeant Colonienses. Hinc *Guntherus* in Ligurino l. i. v. 200. *Westvaliae* urbes separatim locat, & à *Saxonibus* distinguit. Sed redeo ad antiquos Saxones, qui postquam semel in terris modo dictis pedem figere ceperunt, non pari quidem semper fortuna usi sunt, nunquam tamen ex illis iterum expelli potuerunt. A Slavis Ostvalos fuisse infestatos, jam tum ex Poeta sub Arnulpho audivimus, alii cum aliis finitimis suis, ortis, ut fieri solet, litibus, interdum cum Cattis sive Hasfis, frequentissime cum Francis bella gesserunt, memoratu digna. Et Franci quidem sub Clothario, Dagoberto, Carolo Martello, Carolomanno, Pipino magnas Saxonibus intulerunt clades, terrasque eorum late vastarunt & tributarias fecerunt. Non credo tamen *Aimoino* monacho, qui lib. 4. cap. 18. p. 366. Clotharium post Berthoaldi Saxonum ducis caedem ingressum in Saxoniam & ita eam depopulatum scribit, ut *nullum in ea hominem viventem relinqueret, qui longitudinem spathae excessisset*. Nimiam

mia sanè hyperbole, & vix in poeta toleranda, nisi demodica aliqua parte Saxoniae id intelligas. Elevavit vero jam tum narrationis hujus fidem *Adrianus Vallesius* lib. XIIX. Rerum Francicarum. Tributum tamen pendere Francis, sub Clothario quidem vaccarum certum numerum regiae mensae inferre, illo autem sub specie parandi in Slavos pro Francis belli, soluti, à Pipino nova victoria subacti, annis singulis honoris causa ad generalem conventum trecentos Equos mittere coacti sunt: quae Pipini in Saxoniam irruptioni maximè notabilis fuit. Quamvis enim Saxones munitiones fecissent, easque fortissimè tuerentur, tamen Franci, pulsus praelio propugnatoribus, *per ipsum, quo patriam defendere conabantur, vallum, intra-verunt*, ut habent Annales Rer. Francic. ad annum modo dictum.

Appropinquabat tandem tempus, quo gens *natura ferox & cultui demonum dedita*, ut loquitur Eginhardus, miresceret, & Christianam quoque religionem susciperet, quod sub Carolo M. factum, sed non nisi post XXXII. annorum acerrimum bellum, *quo nullum neque prolixius, neque atrocius, Francorumque populo laboriosius susceptum est*, ut iterum Eginhardus,

*Carole, qui Frisones, Ligures, Italos, Aquitanos,*

*Hunnos, Illyricum vicisti tempore parvo,*

*In sex Saxones lustris vix perdomuisti*

inquit iterum *Longus* in Poemate de Saxonia.

Causam belli illius repetit *Eginhardus* à terminis Saxonici & Francici pene ubique in plano contiguus, unde caedes & rapinae & incendia, quibus Franci irritati, non vices reddere, sed apertum contra eos bellum suscipere decreverunt. Taxat ibi *Eginhardus* & *ferocitatem Saxonum & perfidiam*, & hinc factum, quod non citius finitum fuerit id bellum, scribit. Et de feritate quidem Saxonum nota res ex iis, quae supra diximus, & ex *Sidonio* lib. 8. Epist. 6. *Salvianus*  
tamen



tamen Episcopus Massiliensis l. VII. de gubernat Dei. p. 263. cum Gothos perfidos, Francos mendaces dixisset, *Saxones crudelitate efferos, sed minus perfidos*, scribit. Interim certum est in bello illo cum Carolo sæpe Saxones superatos ac supplices sese dedidisse, & imperata facturos se pollicitos, obsidesque etiam imperatos dedisse, (quorum quindecim illustres in Galliam missos, & Wulfario Episcopo à Carolo custodiendos traditos, refert in Chron. Eccles. Rem. l. 2. c. 18. *Flodoardus*) & aliquoties ita emollitos, ut etiam dæmonum cultum dimittere, & Christianæ religioni subdere se colla velle promitterent, tamen deinde pacta non servasse, *indomita nimium feritate rebelles*, ut de iis canit *Gunterus* in Ligurino l. 1. Sæpius hoc tempore per duces suos, bis ipse Carolus cum Saxonibus conflixit, & cum suo exercitu victore, ad hæc usque quæ nos incolimus, loca progressus, ad Oræ & Albis confluxum castra sua locavit, & in vico *Orhem* vel *Horem*, sito in ripa fluminis Ocri, in præfectura Slademenfi, maximam Orientalium Saxonum multitudinem baptizari fecit anno 780. ut narrant Francorum Annales. Consumpti sunt in eo bello plures ex nobilitate Saxonum, aliquot millia Verdæ ad Allarim fluvium cæsa, plura millia eorum in alias terras translata. *Eginhardus* c. 7. refert Carolum decem millia hominum, ex iis, qui utrasque ripas Albis fluminis incolebant, cum uxoribus & liberis sublata transtulisse, & huc atque illuc per Galliam atque Germaniam multimoda divisione distribuissè, quem sequitur *Adamus Bremensis* in Historia Ecclesiast. l. 1. Alii tamen de Transalbinis Saxonibus tantum id scribunt, & disertè *Regino* ad An. 814. notat, omnes, qui trans Albiam in Wihmodi habitabant Saxones, cum mulieribus & parvulis translatos in Franciam, & pagos Transalbianos Obotritis datos esse. Sive autem Transalbiani soli, sive Cis-Albiani, & alii, & alio tempore quoque, translati sint (id quod



quod mihi verosimilius videtur, cum *Annales* quoque *Fuldenses*, postquam Saxones ad prælium in pago Sintfelt parati Carolo sese dedidissent, *tertium ex iis hominem translatum esse*, memorent) Transalbianos tamen post septennium restitutos patriis locis, ex verbis Ludovici Pii in Privilegio Hammenburgensi Ecclesiæ dato, discimus; quæ, cum causam quoque translationis indicent, & à nemine aliâs id memorari sciam, integra recitabo, uti à diligentissimo *Erpoldo Lindenbrogio* in Append. ad Historiam Archiepiscoporum Bremensium primum edita sunt p. 143. Progenitor noster gloriøsæ memoriæ *Karulus* omnem Saxoniam Ecclesiasticæ religioni subdidit, jugumq; Christi ad usque terminos Danorum atque Slavorum corda ferociâ ferro perdomans docuit, ubi inter has utraq; gentes Danorum sive *Winedorum* ultimam Saxonie partem sitam, & diversis periculis, temporalibus videlicet, & spiritualibus, interjacentem perspicuens Pontificalem ibidem sedem fieri decrevit trans Albiam. Unde postquam terram Transalbianorum, laxata captivitate, quam ob multam perfidiam in ipsis Christianitatis initiis patratam per septennium passi sunt, ne locus ille à Barbaris invaderetur, *Ekeberto* Comiti restituere præceperat, non jam vicinis Episcopis committere voluit. Et paullo post scribitur, captivos optatam in patriam undiq; confluisse. Disputat autem de priscis illis Saxonie Transalbianæ limitibus egregiè *Conringius* l. 1. c. 4. Operis sui de finibus Imperii. *Dithmarus* l. 2. dividit illos in *Thietmarsgojos*, id est, *Dithmarsos*, *Olcetas* sive *Holtzatos*, *Sturmarios* sive *Stormarios*, quibus *Helmoldus* l. 1. c. 25. proximè adjungit *Bardos*. *Crantzius* Saxon. l. 2. c. 19. ab hac Trans-Albianorum Saxonum translatione esse originem illam Germanicæ nationis per rura Galliarum disseminatam scribit: inde

C

esse

esse Brabantinos, inde Flandrenses, in solo Gallico manentes, origine Germana. Verum, an in illa septenniū captivitate istis in locis multum se propagarint, cum illa soluta rediisse in priscas sedes memoret Ludovicus Pius, valde dubito. Suffragatur quidem *Crantzio* nobilissimus *Janus Doufa* l. 2. Annalium Hollandiæ p. 86. docetque superesse Saxonici nominis vestigia in municipio Bataviæ non incelebri, *Saxheimio*, quod interpretatur Saxoniciæ gentis coloniam pomæriis suis circumscriptam, deprehensâ sibi vocabuli illius significatione in antiquis tabulis. Inde tamen non constat, Saxones, qui à Carolo translati sunt, illa sui nominis vestigia reliquisse, cum jam diu ante ad maritima Bataviæ Saxones migrasse, superius ostenderim, & Engisto Saxonum Duce, superata Britannia ad ea loca reduce, in Urbe Lugduno Burgum, celebre olim munimentum, & hodieque in rudibus suis notabile, extructum esse, constans fama sit. Quomocunq; autem hæc sese habeant, unius Caroli M. felicitas & fortitudo Saxones omnes demum domuit, majorq; fuit, quàm omnium antecessorum suorum. Equidem jam tum Romani, ut ex præcedentibus patuit, contra illos non infelici-ter pugnaverant, & Honorii Stiliconisque virtuti adscribit *Claudianus*,

*domito quod Saxone Thetis*

*Mitior.*

Et de Juliani Cæsaris expeditione jam tum dixi. Fuerunt tamen magis solliciti Romani de defensione limitum suorum contra Saxones, quam de illorum in propriis sedibus oppugnatione. De Saxonia in Provinciam redacta nullibi verbum ullum legere est. Et hinc factum arbitror, ut, cum Romani Imperatores non ab aliis tantum gentibus devictis nomina sibi adsciscerent, sed Germanicis quoque, & inde Germanici, Alemannicique, ut Vitellius, Domitianus,



nus, Trajanus, M. Antoninus, Caracalla, Commodus,  
 aliiq; vocarentur, ceu ex inscriptionibus, nummis, aliisq;  
 monumentis, discere licet, nemo tamen se Saxonicum  
 scripserit. Crevit sub sequentibus Imperatoribus titulo-  
 rum illorum numerus, & Constantinus M. ipse Gothi-  
 cum, Sarmaticum, Britannicum, Hunnicum se in Edictis  
 vocavit, Justinianus Francicum præterea, Anticum, Ala-  
 nicum, Vandalicum, ut vel ex fronte *Institutionum Juris*  
*civilis* apparet, alii Longobardicos, Herulicos præterea &  
 Gepidicos; frustra tamen Saxonici titulum quæras. An  
 forte à contempta natione Saxonum titulum sibi arrogare  
 noluerunt, uti à Judaica gente, devicta licet & triumphata,  
 Vespasianos tamen nomen sibi sumsisse non legas?  
 Non crediderim. Sub Germanici titulo comprehensum  
 illum voluerunt. De Theodosio tamen scribit *Pacatus* in  
*Panegyrico*: *Pauciora in Annalium scriniis, quàm in ve-*  
*stræ domus titulis cognomenta legerentur.* Cum ipse *Saxo-*  
*nicus*, ipse *Sarmaticus*, ipse *Alemannicus* diceretur. Et jam  
 tum antea, sub Theodosio victos à Romanis Saxones, & spe-  
 ctaculis in ipsa urbe Roma captivos destinatos, ex *Symma-*  
*cho* ostendi. Nulla tamen Inscripção, nullus mihi Nummus,  
 inter tot Theodosianos, visus, qui Saxonici titulum præfer-  
 ret: quamvis fortassis in illis non usurparit, uti de Probo  
*Vopiscus* quidem scribit: *Tu Francicus, tu Gothicus, tu Sar-*  
*maticus*, in nulla tamen inscriptione aut nummo titulus  
 hic ejus apparet. Neque vero à Saxonibus, præliis levi-  
 bus superatis, & repressis tantum, non victis, jure sibi ar-  
 rogare titulum, redactæ sub jugum gentis testem, potuis-  
 sent, meruissentque exprobrationem generosi Francorum  
 Regis Theodeberti, qui non tolerandum putabat, Justi-  
 nianum in Edictis se Francicum, Alemannicum, Gepidi-  
 cum, Longobardicum nominare, quasi eas gentes in ser-



vitutem redeget *ὡς δὲ αὐτῶν ἀπάντων ἔθινον δεδωλωμένων*, ut scribit *Agathias* l. 1. At Carolus M. summo jure, post illud XXXII. annorum gravissimum bellum finitum, adscribere titulis suis *Saxonicum* potuisset, si pari cum Romanis Imperatoribus ambitione, victis gentibus illudere voluisset. Dubites tamen, an unquam ita se scripserit? In Diplomatis enim, Francorum & Longobardorum se Regem, Augustum à Deo coronatum, Romanorum gubernantem Imperium (nullo de Saxonia verbo addito) se scribit, uti testantur omnes ejus genuinæ & nullo nomine suspectæ tabulæ, pluribusque ostendit eruditissimus *Mabillonius* l. 2. de Re Diplomatica veterum, c. 3. In unico tamen Privilegio, dato Osnaburgensi Ecclesiæ A. C. DCCCIV. qui est quartus Imperii Carolini, talis extat insolitus ejus in fronte titulus: *Carolus Imperator Augustus Romanum gubernans imperium, qui & Rex Francorum & Longobardorum, nec non modo Dominator & Saxonum*. Non possum tamen silentio præterire, hoc Diploma, postquam à *Crantzio* aliisque productum est, suspectum esse cæpisse Viris eruditissimis: imo, quamvis deinde ex ipso, ceu credidit, Autographo, in Tabulario Osnaburgensi Ecclesiæ asservato & vetustate obsoleto, adhibitis testibus viris eruditissimis, prisco ævi charactere diligenter observato, produxerit Reverendissimus Episcopus Paderbornensis & dein Monasteriensis *Ferdinandus* suisque monumentis Paderbornensibus addi fecerit, illudque nativo suo colore & forma scribendi nullam dubitationem suppeditare posse judicet, & aut fidem obtinere, aut nullam humanam fidem ex *Cæsarum* tabulis assertam valere scribat. Tamen hoc ipsum doctissimus *Carolus Cointius* Tom. VI. *Annal. Ecclesiastic. Francor.* p. 825. non uno modo suspectum reddere conatus est, & diligentissimus *Daniel Papæbrochius*, in *Propylæo*, quod *Actis Sanctorum*. Tom. II. Aprilis. præfixit, parte 1. §. 28. acriter illud impugnat, & aliis collatum præfer-



præferre stylum ætatis posterioris, & insignes complecti nugæ de obligatione suscipiendæ in Grætiâ legationis Ecclesiæ illius Episcopo impositam, non veretur scribere. Quamvis autem multa ibi Papæbrochius de stylo, de verbis initialibus, subscriptione, & sigillo denique moneat, hujus tamen insoliti tituli, & in nullo alio Carolino diplomate apparentis, *Dominatoris Saxonum*, nullo verbo facit mentionem. Scio quidem in talibus interdum sibi permittere aliquid Principes, nec statim rejiciendum esse diploma, si titulus aliquis insolitus appareat, quod illustri & à nemine hæcenus observato exemplo, in titulo *Saxonici* ex Ottonis III. diplomate docebo. Otto ille tertius alias quidem tantum se *divina favente clementia Romanorum Imperatorem Augustum* vocat in Diplomatum suorum initiis, in uno tamen dato Romæ Anno Dominicæ Incarnationis M<sup>o</sup>. I. Indictione XIII. Anno tertii Ottonis Regnantis XVI. Imperii. V. recognoscente Heriberto Cancellario vice Willigisi Archiepiscopi, ita incipit: *In nomine sanctæ & individue Trinitatis. Otto III. Romanus, Saxonicus, & Italicus, Apostolorum servus, dono Dei Romani orbis Imperator Augustus.* In quo, nullo modo suspecto, ab harum rerum peritissimo Job. Henrico Hofmanno ex autographo descripto, & ab illo mecum communicato, titulus planè insolens est, nec tamen fidem illi, ut arbitror, demit. Posses igitur de Carolino id quoque dicere, & suspicari, quoniam Carolus Privilegium illud primæ à se in Saxonia erectæ Ecclesiæ Osnaburgensi contulit, in eo se, non item in aliis, *Dominatorem Saxonum* vocasse: Extat tamen aliud Caroli M. eidem Ecclesiæ Osnaburgensi anno præcedente datum, quod insolitum hunc titulum non habet. Verum de Diplomatis illius genuinitate disputabo aliàs, ubi omnium, quæ à Carolo in Saxonia dicuntur erecti, Episcopatum primam foundationem & foundationum tabulas, à nonnullis præclaris viris in dubium vocatas, ab aliis pertinaciter



tinaciter defensas, singulari opere, examinabo. Celeberimus noster *Conringius*, de Privilegii Carolini genuinitate scilicet securus, *παλιμῶς* titulum illum *Dominator Saxonum* considerat, Excercitat. De Civibus Imperii. §. 27. putatque non alia de causa Saxoniae Dominum se dicere & Francorum Regem: non item aliorum populorum, quos plurimos continuit imperio suo, nisi solum in Italia Longobardorum, nomen titulo suo Regio adjunxisse: quam quod hi populi soli libertate fruenter, non in Francorum ditio-nem penitus concessissent. Quæ quidem ipsa ex mox di-cendis clarius patebunt.

Fuit vero is eventus Belli Franco-Saxonici, ut Saxones, qui hactenus fortiter restiterant, &

*Duris ut illex ista bipennibus*

*Per damna, per cades ab ipso*

*Ducit opes animumq; ferro,*

inter gravissimas clades & suorum translationes caput sæ-pe iterum erexerant, victi penitus, abjecto dæmonum cul-tu, & relictis patriis ceremoniis, Christianæ fidei ac reli-gionis sacramenta susciperent, & *Francis adunati unus cum* *his populus efficerentur*, ut loquitur *Eginhardus*.

*Hoc sunt postremo sociati fœdere Francis,*

*Ut gens & populus fieret concorditer unus,*

*Ac semper Regi parens aequaliter uni.*

inquit

Poëta Anonymus a *Reineccio* editus. *Regino* verbis notabi-libus scribit, eos non Regi tantum & filiis ejus, *sed etiam* *Francis fidelitatem promississe*. In Diplomate vero Verdenfi Ec-clesiæ dato scribit Carolus, se *Saxonum terram secundum an-tiquorum Romanorum morem in provinciam rede gisse*. Cum autem illius ævi historici, eorum, quæ ad Rempubl. spe-ctant, plerumque imperiti fuerint, ideoque ruditer res nar-rent, nec in narrando inter se conveniant, non satis deter-minari potest, qualis Saxonibus libertas relicta, aut in quan-tum

tum accisa fuerit, egregiè hanc rem disputantibus *Reinero Reineccio* de Saxonum originibus libello, & *Joh. Gryphian-dro* lib. de Stat. Roland. c. 22. & seqq. quorum scrinia compilare nolo. In principio tamen Saxones, adeo gravi bello devictos, duriuscule habitos à Carolo, valde verosimile est. Non narrant quidem id Scriptores vitæ ipsius Caroli; quæ tamen de Ludovici Pii erga eos clementia, comparata cum Caroli severitate, Historici scribunt, satis superque id docent. Ipsa *Anonymi* quidem, sed coævi, *Ludovici Pii vitæ scriptoris* verba merentur audiri. Cum enim narrasset Ludovicum Saxonibus *jus paternæ hereditatis*, quod sub patre (Carolo) ob perfidiam legaliter perdiderant, imperatoria clementia restituisse, alios id liberalitati, alios improvidentiæ Imperatoris assignasse scribit, quod hæ gentes naturali assuetudine feritati talibus habenis deberent coerceri, ne scilicet effrenes in perduellionis ferrentur procacitatem: addit tamen deinde, Ludovicum se eos sibi arctius devincire credidisse, quo eis beneficia largiretur potiora, nec esse spe sua deceptum, nam posthac easdem gentes semper sibi devotissimas habuisse. Prudenter vero Carolus & usu edoctus inter initia genti perfidæ, & toties rebellanti, habenas non nimis laxavit, omnesque modos contra Francos insurgendi præcidit: quo etiam illud pertinet, quod in *Capitulari Caroli M.* de partibus Saxoniarum n. 33 vetantur omnes Saxones generaliter conventus publicos habere, nisi forte *Missus Regis* de verbo Regis eos congregare fecerit. Relictum tamen à Carolo Jus Civitatis Saxonibus cum Francis commune, rectè asserit *CL. Conringius* Exercit. de Civibus Imperii. §. 29: Cur tamen suspicetur, Primores, qui ad conventus publicos fuerunt accersiti, non fuisse Saxones, sed Francos, & aliis illis præfectos, causam non video, & contrarium docet *Capitulare II.* editum à reverendissimo Principe *Ferdinando*. Ibi enim regnante Domino Carolo, convenientibus in unum in  
ejus



ejus obsequio venerabilibus Episcopis, Abbatibus & illustribus Comitibus, disertè memorantur *simul congregati Saxones de diversis pagis tam de Westfalabis & Angrariis, quam & de Ostfalabis*. Et in ipso Capitulari, cap. 2. *Item placuit Saxonibus*. Et cap. 9. *Consensu Francorum & fidelium Saxonum*. Fuerunt igitur sine dubio Saxones, qui ad concilium venerunt, iique ex primoribus seu nobilitate, cum quibus etiam pacis leges iniisse Carolum, discimus ex *Poeta Anonymo* sæpe citato Annalium de vita Caroli M. auctore ad An. 803. qui ultra omnes vitæ Carolinæ scriptores hanc pacificationem, locum ejus, & leges distinctè enumeravit, ipse Saxo & peritus patriarum rerum.

*Augustus pius ad sedem Saltz nomine dictam  
Venerat, huc omni Saxonum nobilitate  
Collecta simul has pacis leges inierunt.*

Quod si integram fidem meretur Diploma Ecclesiæ Osna-burgenfi datum, (de quo supra) primorum Saxoniae, qui *Potentes illius Regionis* vocantur, auctoritas etiam ex eo colligitur, quod quæ Ecclesiæ illi donat Imperator, dare se scribit, *potentum illius regionis collaudatione*, id est, consensu.

Interim Carolus in tota Saxonia non tantum omnia circa sacra ordinavit, Idola & eorum fana destruxit, Ecclesias erexit, Monasteria condidit, Episcopos instituit, deque ministrorum Dei sustentatione constitutiones fecit: sed etiam Civiles Magistratus Saxonibus dedit. Paucis id, sed clare exponit, memoratus sæpius Poeta:

*Tunc sub iudicibus quos Rex imponeret ipsis  
Legatisq; suis permissi legibus uti  
Saxones patriis.*

Ad morem scilicet Francorum, postquam una gens jam facta erant, regi Saxones voluit, per *Comites* scilicet, &  
*Legatos*

*Legatos seu Missos Regios.* Præter hos quidem ab *Eginbarto* memorantur Franci habuisse *Præfectos* suos, quorum tamen in Saxonia nullam fieri mentionem video, probabileque est Carolum, qui Ducibus iniquus, Aquitanicumq; & Bajoaricum Ducatum, substitutis comitibus, sustulerat, Præfectos hos, Ducibus similes, Saxonibus non dedisse, ut nec, illo vivente, Duces Saxoniae memorantur.. Quales Comites fuerint, quod eorum officium, cum ex Francorum, tum Saxonum quoq; historia, satis ab aliis explicatum est: cur tamen quædam à me observata addam, causam habeo. Formulam ordinationis Comitum in Westfalia ab ipso Carolo facti a. 788. quo *Trutmannum virum illustrem* constituit, allegant omnes, qui de Comitibus agunt, cum eo luculenter describatur Comitum officium. Jubet enim Rex, ut *resideat in curte ad campos in mallo publico ad universorum causas audiendas vel recta judicia terminanda*, utq; *advocatum omnium presbyterorum in tota Saxonia agat, superq; vicarios & scabinos, quos sub se habet, diligenter inquireat, & animadvertat, ita ut officia sua sedulo peragant &c.* Discimus autem ex eo, quoniam *Illustrem*, splendidissimo titulo, vocat. ex primaria nobilitate fuisse, nisi ad hoc ipsum noviter collatum munus & dignitatem titulo isto respexerit Carolus. An autem ex Francica, an Saxonica nobilitate Trutmannus ille fuerit, incertum est. Nomen quidem Saxonicum esse videtur, & significare *Liebmann* / priori illa voce etiam in nominibus aliis propriis *Drutmarus* sive *Trutmarus*, & *Trutwin* occurrente: intuenti tamen mihi faciem Saxoniae illo anno 788. quo institutus hic comes, non videtur probabile, Carolum alicui ex Saxonibus toties rebellibus, & noviter factis Christianis illam dignitatem, & imprimis advocatiam presbyterorum commisisse. Deinde etiam in hoc diplomate id considerandum est, Trutmannum, quamvis *in tota Saxonia advocatus presbyterorum* constituatur,

D

Comi-



Comitem tamen constitui tantum *in illa parte Saxonie*, ubi scilicet hæc acta sunt, in villa Trutmanni & quæ ad illum pagum pertinent, cum certis pagis præfici Comites tum temporis usitatum esset. Hanc autem Formulam, antiquissimum Saxonie monumentum, primus edidit, & inseruit *Notis suis ad Widichindi Monachi Annal.* l. 2. Avus meus, quæ adeo eruditis placuit, ut sæpius in libris suis extare, quidam etiam notis suis illustrare voluerint. Nuper in Gallia V. CL. *Stephanus Baluzius*, sacræ pariter ac profanæ, veteris ac recentis Historiæ, si quisquam, peritissimus Præceptum hoc Carolinum dignum judicavit, quod Capitularibus Regum Francorum, duobus Tomis splendide à se editis, adjungeret: in notis tamen ad T. 2 p. 1039. cum Avus meus id adhuc superesse scripserit, dubitat, de authenticone loquatur, an apographo? Testatus sane est in *Vindiciis suis Billingianis* Avus meus, *superesse illud adhuc in Archivis inclytæ & Imperialis Tremonie in Westphalia*, sed an authenticum, an apographum intelligat, quia non addit, æquè ignoro. Id tamen celare non possum, *Detmarum Mollerum* Tremonensem, & *Cornelium Mervium* Essendiensem Geographicam & Historicam Descriptionem Comitatus & Urbis Tremoniensis integro volumine, patrio sermone, elaborasse, (quæ penes me est MSta) in qua capite 8. diploma illud ipsum recitant, vocantque præstans & indubitatum. An illi Tremonie ex Authentico descripserint, nescio: Avum meum id fecisse, vix credo, cum alias facturus fuisset accuratius, & de Sigillo quoque aliquid moniturus. Quod si *Mullerus* & *Mervius* illud viderunt, etiam non satis descripserunt accurate. Variat nonnihil Avi mei à Mulleriano, non tantum in una alterave parvi momenti voce, sed etiam in anno dati diplomatis, quem DCCLXXXIX. habet, cum Avus meus habeat

An



An. DCCLXXXIX. qui utique est regni Carolini XXI. Reliqui omnes, qui hoc diploma ediderunt, ab Avo meo id habuerunt, uno fortassis *Hermann*o *Stangefolio* excepto, qui in Annalibus Circuli Westphalici ante triginta annos editis illud recitat, nonnihil diversum, annumque habet DCCLXXXIX. ut est in Mulleriano, quamvis ab eo quoque nonnihil variet, & minus correctè, ut totum illud *Stangefolii* opus, editum sit. Sed redeo ad Comites, de quorum officio jam tum sufficienter egerunt alii, ut *Cl. Conringius* Exerc. de Judiciis Germaniæ, quale scilicet id apud Francos fuerit, à quo non abiisse apud Saxones probabile est. Unum, haud scio an ab aliis notatum, addere cogor, scilicet à Carolo M. inunctum Sacerdotibus, ut an officium suum Comites faciant, considerent. Verba Caroli in *Capitulari primo de part. Saxonie cap. ult.* id docent his verbis: *Sed unusquisq. Comes in suo ministerio placita & iustitias faciat, & hoc à sacerdotibus consideretur, ne aliter faciat.* Ubi per sacerdotes tamen fortassis non quilibet ex Clero, sed Episcopi videntur intelligendi, capiuntque hæc lucem ex iis, quæ habentur in *Legibus Wisigothorum* l. 2. c. 3. Id quod tanto melius fieri potuit, quoniam plerumque in eadem urbe, primaria scilicet Pagi, in qua Episcopus aut Archiepiscopus residebant, Comites quoque erant, ut docet *P. Lambecius* Origin. Hamburg. Part. 1. p. 23. Notandum tamen & hoc, quamvis Comites ipsi à Carolo, ut dictum est, constituti fuerint, tamen Scabinos, qui illis in jure dicendo adjuncti, & sub ipsis erant, populi accedente consensu electos, unde in Capitularibus Legatis seu Missis Regiis, qui in Comites pariter & Scabinos inquirebant, præceptum legimus, ut in idoneis Scabinis remotis idoneos substituerent, *consensu populi.* De quorum Missorum reliquo officio, & auctoritate, à quibus scilicet non nisi ad ipsum Imperatoris palatium supererat provocatio,



egregiè jam tum à viris doctis res est exposita. Notandum tamen & illud est, antequam hinc abeam, Episcopis à Carolo non sacrorum tantum curam datam, sed secularès quoq; causas ad eos jussu Regio plurimas delatas, intentione fortassis bona, ut scilicet, *quæ in judicio captiosæ præsumptionis vincula promi non patiuntur, investiget & promat sacrosanctæ religionis auctoritas*, ut & in Capitul. cclxxx. lib. vi. collectionis *Benedicti Levitæ*, apud *Lindebrogium*.

Post obitum Caroli M. Saxones, qui fidelitatem Regi & filiis ejus, nec non etiam Francis, ut supra ex *Reginone* dixi, promiserant, eandem quoq; servarunt, imo Ludovico Pio, mollius eas tractanti, magis obstricti vixerunt, ut itidem jam tum expositum est. Diviso dein inter Ludovici filios Francorum Imperio, cum Ludovico Regi, quicquid in Germania ad Rhenum usque Francis paruerat, obvenisset, Saxonia quoq; omnis simul cessit, ideoque Ille *sibi Saxones fidelitatis jure confirmavit*, ut loquuntur *Annales Fuldenses*. Fuit igitur primis Carolingorum temporibus quies aliqua in Saxonia, nisi, quod deinde à Slavis non Trans-Albani tantum, sed ab iis Albim transgressis reliqui quoq; Saxones multas injurias & invasiones paterentur, eo eventu, ut etiam possessionem aliquam vicinarum terrarum arripuerint, nec unquam extirpari potuerint, & hodieq; in agro Lyneburgico Slavicæ originis gens lingua sua se prodat. Nec minores clades intulerunt Normanni seu Dani, quorum sub Carolo M. spiritus & minas ex jactabundis vocibus Gotefridi Regis apud Eginhardum, *Frisiam atq; Saxoniam haud aliter atq; suas provincias æstimantis*, discere est. In Transalbiana Saxonia primariam civitatem Hamburgum An. 845. penitus vastarunt & exciderunt. Anno 867. Saxones ad Eb-bekenstorf, ubi Monasterium Virginum ordines S. Benedicti,

dicti, occiso Duce eorum Brunone, cum plurimis aliis, ingenti praelio fuderunt, quamvis rem nimis exaggeret *Crantzius*, & qui eum sequuntur. Scilicet Caroli posterii, civilibus bellis, & alibi, satis occupati, & si verum dicendum est, à virtute majorum suorum multum degeneres, Aquilonaris Saxoniae parvam habebant curam, quæ tanto magis inde Slavorum Normannorumque injuriis patebat. Nec minus ab altera parte, seculi X. initio, Ungari Saxoniae quoque molesti erant, ut deinde dicam. Quando autem ita Reges parum curarunt Rempubl. & de finibus defendendis terrisque subjugatis tutandis non fuerunt solliciti, ipsi Primores patriam quomodocunque defendere & hostibus resistere coacti fuerunt. Et hos etiam Ducum Saxoniae titulum nactos, & majorem aliquam potestatem sensim sibi tum arrogasse arbitror. Disputatum quidem initio hujus seculi, occasione satis celebri, in hac inferiore Saxonia fuit, an illa ad Ottonis usque tempora immediate Regibus Germanicis paruerit, an vero suos Duces habuerit? Rectè autem tum, ut arbitror, Avus meus in Demonstratione contra Ictos nonnullos superioris Germaniae in Saxonia parum versatos, docuit, eam sub Imperatoribus Francis ante Hermannum Billungum suos habuisse Duces, quem nunc non describo, cum Demonstratio ipsa legi mereatur, sitque in omnium manibus, auctoritate publica sæpius recusa. Sub Carolo M. nullum Ducem invenio, ut supra dixi, dein tamen Anno DCCCLVI. Ludolphus Ducem Saxoniae sese scripsit ipse in Tabulis Foundationum Monasterii Brunteshufani & Gandersheimensis: creverunt autem mox magis auctoritate, ut hujus filium Ottonem non Saxonum tantum, sed Francorum quoque populus ad summam imperii dignitatem vocaverit: quo licet id renuente, sene scilicet & ætate fracto, filius tamen ejus Henricus, qui Auceps nominatur, Ducatum Saxoniae post patrem

D 3

trem



trem nactus, *libera potestate* primus eam rexit, quod tanquam singulare aliquid annotat *Widichindus* Monachus Corbejenfis, exultans, quod tum temporis *Saxonia ex servitute facta sit libera, & ex tributaria multarum gentium Domina*. Et revera tum cæpit caput attollere Saxonia, sub Henrico modo dicto, ejusque filio Ottone M. Ducibus Saxoniae pariter & Regibus Imperatoribusque. Non libera quidem fuit ab incurfibus, iisque gravibus; & ut ad Hungaros, de quibus antea cæpi, revertar, illi vastata maxima Germaniae parte in Saxoniae quoque interiora penetrarunt, & in Westfaliam pariter Ostfaliamque, ab utroque tamen Henrico & Ottone tam gravibus præliis fusi & ad internecionem usque deleti sunt, ut redire nunquam ausi, ceu alibi latius explicui. Nec minus ab altera parte contra Barbarorum irruptiones sub his Regibus tuti manserunt Saxones. Fuerat haecenus Eidora vetus Saxoniae limes, sed Henricus Auceps ulterius progressus apud *Schliaswich* regni terminos posuit, & ibi *Marchionem constituit, & Saxonum coloniam habitare præcepit*, ut loquitur Adamus Bremensis, cumque eo mortuo Marchionem illum trucidassent, & omnem Saxonum coloniam funditus extinxissent, Otto terminos Danorum apud *Schliaswich* olim positos transgressus est, & in ipsam Cimbricam Chersonesum progressus, fuso à Saxonibus Haraldo, Christianitatis leges suscipere eum fecit, Jutiaque in tres Episcopatus divisa, eos Hammenburgensi Episcopatu subjecit, & Archiepiscopos dedit, ut ista iterum narrat *Adamus*, testaturque diploma ipsum, editum ab *Erpoldo Lindenbrogio* & *P. Lambec.* part. 1. *Rer. Hamb* p. 141. ubi tamen pro An. 965. malè editum est 865. Ludovicus Pius jam dum quidem Archiepiscopatum Hamburgensem instituerat, eique omnem fere Septentrionem subjecerat, sacro tamen potius, & tum inter Christianitatis initia admissio instituto, non quod



quod Imperii sui eosdem cum illo Archiepiscopatu limites esse existimaret. Otto vero non tantum illos in Iulia noviter institutos Episcopatus Hamburgensi Metropolitano subiecit, sed etiam, ut verba ipsa Diplomatis habent, *quicquid proprietatis in regno vel marca Danorum ad Ecclesias in honorem Dei constructas vel adhuc pertinere videtur vel futurum acquiratur*, ab omni censu vel servitio sui juris absolvit, ut & Episcopis prescriptarum Ecclesiarum absq; ulla Comitis vel alicujus Fisci sui exactoris infestatione serviant & succumbant, & mox, *servos & colonos in iisdem proprietatibus habitantes nulli nisi iisdem Episcopis servituros ab omni etiam sui juris servitio absolvit*: ex quibus Jura in Daniam, quæ tum temporis Otto habuit, satis patefcunt, illustrantq; ea, quæ de tota hac re ex idoneis scriptoribus disserunt Conringius libro primo de finibus Imperii. Interim sub Ottonibus novam plane faciem Saxonia accepit, ut dignam se illa felicitate ostenderet, quæ per Saxoniam Duces Imperii Romani ἀξιωμα nata est Germania, ut

— quemcumq; sibi Germania Regem

*Præfuit, hunc di ves submisso vertice Roma*

*Suscipiat, versq; regat Tiberim ordine Rhenus*, ut inquit Elector Moguntinus apud Guntherum in Ligurin. l. i.

Hoc tempore igitur Urbes fundari, excoli & muniri, & commercia frequentari cæperunt in Saxonia, cui rei pertendæ Henricus Auceps novem annorum inducias ab Hungaris impetraverat, Otto vero Magnus tantò magis illi par fuit, quo felicius illos omnes, cæfos & fugatos, à limitibus Saxoniam Imperiiq; removit. Henricus Pater ex agrariis militibus nonum quemq; eligens in urbibus habitari fecit, conciliaq; & conventus & convivia in urbibus celebrari voluit, illisque extruendis operam dedit, & muniendis, pacis tempore ea apparatus, ad quæ  
necessi-



necessitas hostibus ingruentibus cogat: quæ omnia scriptor  
 illorum temporum *Witichindus* Monachus Corbejenfis,  
 & ex eo alii, narrant. Vocatur idcirco Theseus Germa-  
 nicus; quamvis magna sit disparitas, & si, non obiter de  
 eo aliquid referentes, sed *Thucydidem* l. 2. & *Strabonem* l.  
 ix. legas, Theseus ille Græcus, alio instituto, alio consi-  
 lio, non tam homines ex agris Atticæ in Urbes, quam  
 ex reliquis oppidis in unam urbem coegerit, & ex unde-  
 cim seu duodecim Atticæ urbibus unam effecerit, Athe-  
 narum, *À su dictam*. Quicquid autem hac de re sit, glo-  
 riam certè insignem Henricus eo nomine reportavit: à quo  
 etiam extructas urbes Misnam, Quedelenburgum, &  
 Mersburgum refert *Dithmarus* Mersburgensis lib. i. Uti  
 vero per illa in Urbibus commercia ditior facta Saxonia,  
 ita hoc eodem tempore naturæ grandi quodam, sed ha-  
 ctenus latente, beneficio magis ditata est, venis auri &  
 argenti repertis: de quibus cum alias pluribus data ope-  
 ra egerim, nihil nunc addo, monuisse aliquid contentus,  
 cum ad Saxoniam hoc tempore florentissimæ factæ decus  
 id omnino pertineat. Non parum vero his temporibus  
 Ducum potestas adaugeta Saxoniam contulit, quamvis nunc  
 non disputem, totine Imperio id salutare fuerit, nec ne.  
 In Ostfalia, seu Orientali Saxonia, Hermannus Billingius,  
 ex nobilitate Saxonica, per Ottonem I. constitutus fuerat  
 Dux, cujus posterì ad usque Magnum ducem ejus partes,  
 quæ Vandalis adjacent, diligentissime tuiti sunt. Et vero  
 postquam ad Suevicos Principes à Saxonis Imperialis  
 apex devenit, tanto majores sumere in Saxonia spiritus  
 cæperunt, Regiamque auctoritatem despiciere, & ubique  
 libertatem prætere. Id quod sub Henrico IV. ætatis  
 nondum maturæ, in nervum erupit. Qui cum dein po-  
 tentiam illorum imminuere, extructisque in Hartizcis  
 montibus castellis libertatem tollere vellet, gravissimo  
 bello



bello Saxonico implicitus fuit, quando Otto dux Bajoar-  
 riæ, è Saxonia tamen oriundus, & illo ducatu à Cæsare  
 privatus, Magnum, Saxoniam ducem, sibi associavit. Lon-  
 ga est injuria, longæ ambages, nec omnia hîc possunt re-  
 ferri. Subruere & vastare illam totam, infestissimus Saxo-  
 niæ, nitebatur Henricus, inito etiam cum Danis, Saxo-  
 num inimicis, secreto fœdere, & institutis colloquiis, non  
 tamen finem suum obtinere potuit, alibique per pontifi-  
 cem fatis negotii inveniens, deserere eam coactus est, cum  
 tamen interea Urbs Goslaria, & vicinia, per Cæsaris in  
 his terris moram, augmenta quædam cepisset. Quam li-  
 bertatem Saxoniam Principes etiam postea contra Henri-  
 cum V. masculè defenderunt, felici prælio ad Welphe-  
 holtz, ope imprimis Lotharii Ducis, qui postea ad Impe-  
 rii culmen evectus, cum alibi Germaniam, tum Saxoniam  
 quoque pacavit, & fines ejus contra Slavos tutatus est,  
 auctoritate Cæsarea in Daniam usque extensa. Notan-  
 dum vero est, seculo illo undecimo sub Henrico IV. Obo-  
 tritos, Slavicam gentem, aliquamdiu totam Nordalbin-  
 giam sub suo habuisse imperio, ut narrat *Adamus* l. 4. c.  
 31. cujus jugi pertesæ, plusquam sexcentæ familiæ in Har-  
 tzicos montes migrarunt, ut ex *Helmoldi* l. 1. c. 26. disci-  
 mus. Sed redeo ad Lotharium: de quo, maximisq; ejus  
 in totam Germaniam meritis alibi pluribus agam. Nunc  
 id silentio præterire nequeo, illum, magno Saxoniam bono,  
 Henricum Bavariæ Ducem, data ei in matrimonium filia  
 Richense, in has terras vocasse, & Ducatum Saxoniam ei  
 contulisse: quo ipso potentissima Domus, quæ nunc  
 Brunsvico-Lynæburgica audit, variis licet dein fatis jacta-  
 ta, in hac Saxonia primum fundata est. Cum vero jam  
 tum vivente Lothario æmulatio inter ipsum & Svevos Prin-  
 cipes Fridericum, ejusq; fratrem Conradum, (qui deinde  
 ad Regni Germanici culmen pervenit) esset, gliscere capit

E

illa



illa quam maximè, quando Henricus impedire Conradi electionem, & negare aliquamdiu insignia imperii, quæ à Sacero relicta penes se habebat, aufusest. Deinde igitur à Conrado, jam Rege, in Goslariensibus Comitibus Ducatus Saxonie ipsi abjudicatus est, & Alberto Urfo datus, cui infortunio non minus aliud, Ducatus scilicet Bajoarici seu Norici amissio, deficientibus ab eo fidelibus ejus, supervenire videbatur, quando ille magno animo Saxoniam ingressus novum sibi substitutum Ducem Albertum occupatis urbibus totaque Saxonia eiecit, ejusque Ducatus spe privavit, non minora tentaturus in Bavaria & contra Conradum Regem, nisi eo abeuntem mors prævenisset. Et hic Ducatus Saxonie ad filium ejus Henricum, puerum adhuc, Leonem dein dictum, integer cura avie maternæ & procerum pervenit, quamvis Ducatus Noricus, non nisi magna ejus parte, Austria, privatus, à Friderico I. Cæsare dein redditus sit. Sumpsit autem sub hoc Henrico Leone Ducatus Saxonie maxima incrementa, imprimis Septentrionem versus super Slavos, validam & truculentam gentem, qui non tantum ad littora maris Balthici extensi erant, sed etiam multa ad Havelam & Albim loca, ubi nunc Episcopatus Brandenburgensis & Havelbergensis, à Saxonibus possessa, illis excisis & fugatis, incolebant ad usque Henrici Leonis tempora, ut notat *Helmoldus* l. 1. c. 88. Jam tum quidem Lotharius Imperator imperium suum aliquo modo ad Slavos extenderat, & religionis Christianæ semina inter illos sparserat, cum tamen deinde infelici de Ducatu Saxonie dissidio inter Henricum Superbum & Albertum exorto, fractæ per civiles motus vires externis hostibus pares non essent, gravissimos in Saxones Transalbinos impetus fecerunt Slavi, qui etiam faustis successibus processissent, nisi Henricus Comes de Badewide eos compercuisset, & in ipsis sedibus suis attrivisset. Conservavit nobis  
illius



illius rei memoriam modo citatus *Helmoldus Chron. Slavor.* l. 1. c. 56. & 57. illasque Slavorum Wagirorum terras ita ferro & igne vastatas & excisas memorat, ut deinde deserta loca inveniens Comes Adolphus in omnes regiones Flandriam, Hollandiam, Trajectum, Westfaliam, Fresiam miserit, & novos incolas advocarit, qui etiam cum familiis & facultatibus suis venerunt, & unà cum Holsatis Wagirensium provinciam hominum multitudine impleverunt, mox tamen vehementi Slavorum incursione incendiis, caedibus & rapinis & captivitate iterum vastati. Sub secuta est quidem expeditio Cruce signatorum, ex parte in Slavos suscepta, per Episcopos Saxoniae aliosque principes, inter quos ipse Henricus Leo adolescens, sine fructu tamen ullo. At Henricus Leo tandem dominari in universa terra Slavorum cepit, plurimis expeditionibus victor, quas *Helmoldus* l. 1. c. 68. 84. 86. 87. 92. & l. 2. c. 5. narrat, Obotritorum terra & finitimis regionibus ita in solitudinem redactis, ut *Slavi non ausi fuerint mutire prae formidine Ducis*. Floruit igitur sub hoc Duce Saxonia, hostibus domitis, Episcopatibus erectis, Cœnobiis fundatis, urbibus conditis: propriam tamen illi esse felicitatem noluerunt fata. Fuit Henricus Leo (ut verbis hinc potius *Johannis Aventini* ex lib. VI. Annal. Bajorum utar quàm meis,) *potentissimus haud dubiè omnium Europæ principum secundum Casarem atq; Reges Princeps, ut qui à Sinu pene Adriatico ad Sinum Codanum Oceanumq; Germanicum Bojis, Svervis, Rhatibus, Vindelicis, Noricis, Chaucis dominabatur*. Ad quam invidia tangi videbatur non tam ipse Imperator, quam sacri ordinis Principes vicini, quibus gravior fuerat sui juris & auctoritatis studiosus, & reliqui, penes quos potentia & in imperio spes imperii. Illum generis nobilitate, opibus, duobusque amplissimis Ducatibus magnum, vi mentis & virtute bellica majorem ad vastas spes accingi, nec posse esse occultum,

E 2

quid



quid post tantam potentiam superfit. Primi contra illum conjurarunt Archiepiscopus Colonienſis, & Episcopi Magdeburgensis, Hildesheimensis, & Halberſtadenſis, quibus se junxit ex veteri & à parente Ducis derivato odio Marchio Albertus & Provincialis Thuringiæ Comes Ludovicus, erupitq; diffidū illud, quod sub doloſo cinere diu latuerat, in apertam belli flaſſam, absente in Italia Friderico I. Nec tamen sibi eripere patiebatur Leo, quæ justo titulo possidebat, ostentabatq; rictus & ungves inimicis suis, non minore fortitudine defendere sua paratus, quàm ipse & majores sui acquisiverant. Id quod Halberſtadenſis Episcopus Ulricus imprimis incendio urbis & terrarum suarum expertus est. Postquam tamen Cæſar in Germaniam rediit, & ipse jam alieniore ab Henrico animo, suggestione Principum stimulat, in Comitibus Geilnhuſæ celebratis, de consensu Principum & optimatum Imperii, utroque Ducatu Saxoniae & Bavariæ Henricum privavit, simulque Palatini Rheni & Saxoniae dignitate & omnibus feudis, quæ vel ab Imperio, vel Archiepiscopis vel Episcopis tenuit, exuit. Bavariæ seu Noricum Ducatum accepit Otto Comes de Schira: de quo hoc loco agere non licet. Saxoniae magnus ille Ducatus diviſus tum est. Titulum quidem, cum Ducatu tamen minore, accepit Bernhardus Aſcanius, filius Marchionis Alberti, non frater Ottonis Comitibus de Schira, ut gravi errore, licet ad Chronica Schirensia provocet, scribit *Andreas Presbyter* Chronico Bavariæ p. 1180. Westphalicæ Saxoniae pars altera ceſſit Philippo Colonienſi Archiepiscopo cum titulo Ducatus Westſaliæ & Angariæ, ſuperſtitibus hodieque non tantum Friderici I. ſed etiam Philippi & Ottonis IV. tabulis, quibus ea, quæ dixi data & confirmata ſunt, quæ accuratè legi merentur, hîc à me nunc non explicandæ. Quamvis autem non acquieſceret Leo, ſed hoſtes ſuos in Westſalia Thuringia & Wagria fortiter perfequeretur,



queretur, & captis illorum quibusdam probe se ulcisceretur, tamen deinde potentiae Imperatoris in Saxoniam venientis cedere, & triennii exilium subire coactus est. Cum tamen non feudalia tantum bona plurima ab Imperio, Archiepiscopis, Episcopis & majoribus praelatis, sed etiam multa patrimonialia, *propria, Eigene* / *Et de quibus nemini tenebatur* (verba ipsius Imperatoris Friderici II. in *tabulis Erektionis Ducatus*) non iis tantum in locis, quae nunc Ducatu Brunsvicensi & Lyneburgensi dicto comprehenduntur, sed in Thuringia quoque & Trans-Albina Saxonia & alibi (ut prolixius alias singulari opera ostendam) habuisset, separata illa sunt, & ereptis licet feudalibus, patrimonialia ut facta teſta conservarentur, promissum est, quibus etiam Caesar praefectos constituit, absente Henrico eorum rationem & curam habituros. Utinam autem illi bona fide egissent, vel non patrimonium quoque Leonis invasisſent vicini æmuli & hostes! certè magna ex parte violenter à multis id occupatum scribit diſertè *Arnoldus Lubecensis* Chronic. l. 2. c. 12. Illa igitur de causa redux ab exilio Henricus, querelas apud Imperatorem instituit, à quo non promissis tantum inanibus lactatus, sed etiam, cum omnia, quae sibi interea adversa accidissent, Henrici, licet absentis, consiliis & insidiis tribueret, iterum in exilium ire compulsus est. Absente tamen deinde Imperatore, cum ab illo nullam opem sperare posset Henricus, patrimonium vero suum à vicinis, absentia Imperatoris in rem suam abutentis, magis magisque diripi videret, ipse ad sua recuperanda non animum tantum, sed arma quoque, cum filio Henrico ex Anglia redux, admovit, recuperatis felici successu nonnullis, & punitis iis, qui dedere sese recusabant. Mox tamen fortuna eum deseruit, cumq; Friderici Imp. successor Henricus VI. ipsi patrimoniali Ducis Urbi Brunsvico inhiaret, & ad eum compeſcendum omnem operam adhiberet, qui-



escere, & filios dare obsides coactus est, post aliquot annos in illa urbe sua mortuus. His igitur temporibus, imperante Friderico I. alium planè à priori habitum induit Saxonia. Nam ab ea Westphalia & Angaria avulsa & proprio Ducatu insignita, exuviis Leonis Archiepiscopo Coloniensi, & quibusdam etiam vicinis Episcopis Osnabrugensi, Paderbornensi & Mindenensi cedentibus. Dux Saxonie novus priori potentia impar, cum Tractum Wittebergensem ad Albim, ubi Sorabi quondam, etiam accepisset, Wittebergæ aulæ sedem constituit, à Comitibus vero non pari veneratione & subjectione cultus est. Merentur legi, quæ de Comitibus sub Duce Bernhardo distincte nobis narrat *Arnoldus* l. 3. Chron. Slav. c. 1. Venit Dux cum fratre suo Alberto Marchione Erteneburgum (hodie *Atlenburg* ab hac ripa Albis) præcepitque, ut omnes nobiles terræ, Comes Holsatiæ, Comes de Racesburg, Comes de Dannenberg, Comes de Luchow & Comes de Sverin, receptis ab eo beneficiis suis, dominium facerent, & fidelitatem per sacramenta confirmarent. Venerunt etiam reliqui, sed Adolphus Holsatiæ Comes se non stitit, quamvis antea sub Ducibus Saxonie & novissimè sub Henrico Leone fuisset: id quod male habuit Ducem, exortæque sunt inde discordiæ, conjuraruntque cum Adolpho reliqui Comites, etiam à Bernhardo offensi, & terras Ducis hostiliter intrarunt, rebustandem Imperatoris auctoritate compositis, ut citato loco exponit *Arnoldus*. Arbitror autem tum jugum Ducis Saxonie excussisse & ab Imperio feudum suum cæpisse recognoscere Comitem Holsatiæ, quod etiam existimat *Cypræus* in Historia Ecclesiast. Slesvic. & Holsat. c. 28. p. 206. Ut etiam Adolphum illum III. Comitiis Imperii sæpe interfuisse, & in Diplommatibus Augustalibus testem nominari, pridem docuit *Avus meus Not. ad Herm. Lerbekii Chron. Comit. Schaumb.* p. 59. edit. prim. & deinde à *Sacro Roma-*



*Romano Imperio dictos Comitatus recognitos & Comitatum possessores investitos fuisse, discimus ex Tabulis Friderici III. Imperatoris, quibus An. 1474. Comitatus Holsatiæ & Stormariæ in Ducatum, ut hodie sunt, mutavit. Raceburgensis Comitatus mansit interim sub Duce Saxoniae, & tandem, extincta illa Comitum familia in Bernhardo ejusque filio parvulo rediit tanquam beneficium vacans ad Saxoniae Duces, qui hodieque illum habent, uti clarè exponit Crantzius Vandalia l. VI. c. 31. Slavorum Obotritorum Domini, postquam Regia dignitate orbatii sunt, Saxoniae Ducem comiter quidem respexerunt, ut ex Historia Henrici Leonis clarum est, illo tamen exauctorato etiam ipsi se subducere cæperunt. De Slavorum regione audiamus prius *Helmodum*, qui Saxonicam factam notat, iis verbis, quæ merentur integra legi: *Omnis Slavorum regio incipiens ab Egdora (quæ est limes regni Danorum) & extenditur inter mare Balthicum & Albiam per longissimos tractus usq; ad Sverin olim insidiis horrida & pene deserta nunc dante Deo tota redacta est velut in unam Saxonum Coloniam & instruuntur illic civitates & oppida.* Cæperunt etiam Christianismum amplecti, & quamvis Pribislai, qui ultimus Regio nomine usus est, nepos Henricus tres haberet filios, & hinc tres exurgerent lineæ, tamen primogenitus Johannes solus stirpem produxit, quæ adhuc in Ducibus Meclenburgensibus floret, ex quibus *Albertus & Johannes* primi à Carolo IV. An. 1349. maximè honorifico diplomate in Ducum Ordinem relati, dignitatem ad posteros transmiserunt. In Pomerania non minus magna facta est mutatio. Nam, quamvis ejus Duces Saxoniae Duci post gravissima bella & excisam pene gentem, tributo obnoxii essent, Casimirusq; & Boguslaus sub Henrico Leone, *Danicarum virium metu regnum suum buc usq; liberum Saxonici muneris fecissent*, ut ipsis exprobrat Saxo Grammaticus l. 14. p. 337. tamen ex-*

auctorato



auctorato illo itidem sese subtraxerunt, & se imperio Romano, non jure gladii coacti, aut vi, vel metu, sed solum spontanea subjectione dediderunt, ut loquuntur Status Pomeraniæ in litteris supplicibus ad Ducem suum, quæ extant in libello, *drenjährige Drangsaal des Herzogthums Pommern*. Saxo Grammaticus l. 15. p. 370. scribit Fridericum Imperatorem eos promissione potentiæ & claritatis incrementorum, subornata legatione, in suas partes pertraxisse, cum ab illis sibi metueret, & hos dictos Bogislaum & Casimirum datis solenniter Aquilis, id est, vex illo Imperiali, in Duces Imperii sublimasse. Excisi autem tum sunt Slavi in Occidentali Pomerania cumque aliis gentibus Saxones in desertas terras vocati, cumque lingua illorum mores quoque assumpti, ut pluribus ostendit doctissimus *Christophorus Hartknoch*, in dissertat: de Origin. Pomeran. p. 51. & 71. ubi etiam ostendit non paucas eorum nobiles familias ex Saxonia & Ducatu Brunsvicensi venisse, quod de Blankenburgiis, Platis, Munchusiis, de Leina, non videtur improbabile. Tum quoque Imperator Fridericus Urbem Lubecam, de qua proscripito, cui hætenus paruerat, Henrico Leone, inter Bernhardum Ducem Saxonie & Adolphum Comitem Holsatiæ, lites ortæ erant, propter utilitatem tributorum, vel quia in fine imperii sita est, sibi retinuit, ut loquitur *Arnoldus* l. 3. c. 4. Et hinc affulgere primum libertatis & Imperialis gratiæ splendor Urbi illi capit, quo deinde ultra omnes alias in illo Balthici maris littore effulsi, quamvis inter initia graviter offuscatus fuerit, ut mox dicam. Minores mutationes, quas hoc tempore Saxonia passa est, non addo, cum potissimæ jam enumeratæ sint, & Ducatu illo divulso, non potuerint non aliæ atque aliæ sensim subsequi.

Quamvis autem ita Ducatu utroque Bavariæ & Saxonie esset privatus Leo, tamen Ducatus Saxonie titulum non



non dimiserunt, vel ipse, vel filius ejus Henricus, qui  
Comitis Palatini ad Rhenum filia ducta Palatinus Co-  
mes factus, hoc nomine vulgo vocatur: id enim ex pluri-  
bus eorum tabulis & sigillis ostendere possum. Post quas  
quidem Henrici nuptias, reconciliato, qui eas quam max-  
imè impedire conabatur, Henrico Imperatore, *novam lu-*  
*cem esse in Saxonia exortam, pacis videlicet joconditatem,*  
*cessasse terra marique, depredationes, ingemuisse latrones, pa-*  
*tuisse portas civitatum, & castrorum cessasse excubias,* gra-  
tulabundus exclamat *Arnoldus Lubec.* l. 4. c. 20. Non ta-  
men illa quies diu duravit. Mortuis enim & Henrico Leo-  
ne, & Henrico VI. Imperatore, cum Otto, Henrici Leonis  
filius, à nonnullis Principibus Coloniae ad Rhenum Rex  
electus, Philippus vero Svevus, Henrici VI. frater ab aliis  
Ottoni oppositus esset, non tantum passim Germaniae, sed  
Saxoniae quoque, gravissima tempestas incubuit, cum  
non tantum in Westfalia, sed Ostfalia quoque, seu Saxonia  
nostra, nonnulli à partibus Philippi starent, ut Goslaria  
aliaque urbes, quibus ut Brunsvicum jungeret, mediam  
Saxoniam ingressus est Philippus, sine successu quidem,  
Brunsviga non tantum defensa, sed Goslaria etiam capta &  
direpta. Cum tamen deinde alii Principes Ottonem de-  
sererent, & Pontifex Romanus quoque Philippo favere in-  
ciperet, gravioribus adhuc turbis commota fuisset Saxo-  
nia, nisi morte violenta conatus ejus intercepti fuissent.  
Jam tum vero à pluribus annis Saxonia Nordalbingica gra-  
viter erat afflicta per Canutum Regem Daniae ejusque fra-  
trem Waldemarum, qui initio saeculi XIII Comitem Hol-  
stiae Adolphum invaserat, Hamburgo occupata, & Lube-  
ca quoque, salvis relictis privilegiis legibusque, deditione  
recepta, Comite ipso capto, & in Daniam abducto. Sanè,  
postquam fratre Canuto mortuo ad regni culmen perve-  
nit Waldemar, *Nordalbingiam* titulis suis adjecit, ejusq;  
F se



se *Dominum* salutari, solemniter in Urbem Lubecam ingressus, fecit, ut disertè scribit *Arnoldus Lubecensis* l. VI. c. 17. Addit *Pontanus* histor. Danic. l. VI. Lubecenses illi ut *Wagria & Nordalbingia* Domino sacramentum dixisse. Mox tamen vertit fortuna vices, & non tantum Waldemarum ipse ab Henrico Comite Sverinense captus, ut libertatem impetraret, jurare coactus est, se nunquam in Nordalbingiam rediturum; quæ cum deinde, Lubecensibus etiam jugum Danicum excutientibus, insuper habuisset, cruenta pugna penitus victus & prostratus est, Archiepiscopo Bremensi, Duce Saxoniae, & vicinis contra eum conjurantibus, & sociato milite suo bellum illud gerentibus. Commissum est prælium 22. Julii, die Mariæ Magdalenaë sacro A. 1227. apud *Bornhorvedam*, villam *Holsatiae* parochialem, uti eam appellat *Hermannus Lerbeke* in *Chronico Schaumb.* de qua multa egregie differit *P. Lambecius* Rer. Hamburg. t. 2. n. 37. Fuit vero illa pugna planè fatalis his terris, & quicquid dein Dani pro recuperandis amissis tentarunt, intra conatus stetit, Lubeca vero à Friderico II. Imp. splendido privilegio inter Imperii urbes recepta est, locumq; illum in hunc usque diem præclarè tuetur. Contigit verò circa hæc tempora non levis etiam, & ad pacem tranquillitatemq; Saxoniae plurimum conferens mutatio per *Ottonem*, Henrici Leonis Nepotem, quem *Puerum* Annales vocant, (quia mortuo Wilhelmo Patre, cum unicus hæres avitorum bonorum possessionem arripere deberet, puer adhuc erat) non *Purum*, *den Keinen* / uti in Tabulis Genealogicis Latine & Germanicè editis vir quidam insignis nominat. Illi quidem, postquam adoleverat, durum videbatur non tantum feudalibus dignitatibus & bonis, quibus majores ipsius gavisi, sed etiam allodialibus, quæ summo jure sibi deberentur, privari, ideoq; ope Marchionum Brandenburgensium Johannis & Ottonis, quorum sororem Mechtildim matrimonio sibi



sibi copularat, urbem Brunsvigam recepit, & ex faucibus Imperatoris Friderici II. eripuit. Dein tamen patrimonio suo Brunsvicensi & Lyneburgensi contentus vixit, nec ab aliis, ipso etiam Pontifice, instigatus, ut contra Cæsarem aliquid moliretur, induci potuit, favoremque Principum Germaniæ, sanguinis vinculo & affinitate magnam partem sibi conjunctorum, meruit. Unde factum est, ut, cum Fridericus II. Imperator pro reformatione totius terræ status, (ut Annalium verbis loquar) Curiam generalem Moguntia Anno 1235. indixisset, Principes de tranquillanda etiam Saxonia & Ottone elevando solliciti, Imperatori & Ottoni persuaderent, ut hic suas patrimoniales & nulli obnoxias terras & castra Cæsari resignaret, ille vero, non minus ac suum in urbem Brunsvigam cessionis factæ titulo prætentum Jus, in Imperium transferret, omnia uniret, & inde Ducatum crearet, Ducatumque illum novum, de Brunsvic & Lyneburg, in feudum Imperii Ottoni concederet, ad filios & filias hæreditariè devolvendum. Et ita hoc anno 1235. mense Augusto novus Ducatus Brunsvicensis & Lynæburgensis in Saxonia cæpit, cujus Natalem diem, ut omnibus Annalibus adscribi, quod illo Romonum Imperium novo Principe auxisset (ut *Godefridus Monachus ad S. Pantoleonem* in suo Chronico notat) jussit Imperator, ita nos sacrum habere debemus, qui Saxoniam pacem attulit, & Illos Principes, novo iterum Ducali titulo, in ea firmavit, qui ad hunc usque diem Patriæ honorem, gloriam, & libertatem, contra apertos & occultos hostes, masculè & prudenter tuiti sunt. Ipsas Erektionis Ducatus Cæsareas tabulas ex Historicis illustratas edidit Avus meus.

Ex eo tempore in Saxonia Inferiore major quies; interdum tamen inter Principes obortæ turbæ, nec inter illos tantum, sed Dynastas quoque, Nobiles & Civitates, eo penè, concidente Cæsaris auctoritate, reb<sup>9</sup> devenientibus, ut



latrocinari non infame & punibile, sed gloriosum & licitum esset, cum aliis idcirco sui defendendi causa, tum Urbibus quoque propter commercia, fœdera inter sese necessitate urgentefacientibus, quæ deinde non ibi steterunt, ubi ceperunt, sed ad aliorum non minus oppressiōem, quam suam defensionem adhibita fuerunt. Id tamen, non Saxoniam proprium, sed Germaniæ commune malum, à me hic latius non exponetur, cum deinde etiam cessarit, ex quo majoris potentiae & auctoritatis Principes, compescendis turbis, tam pares quam invigilantes, Imperatoria dignitate aucti fuerunt. Unius tamen mutationis, quæ circa Ducatum Lynenburgicum contigit, mentio facienda est. Cum scilicet A. 1354. Dux Otto, & deinceps 1368 vel 1369. Dux Wilhelmus mortui essent, sine hæredibus masculis, Duces Saxoniam ad se Ducatum Lynenburgicum pertinere judicarunt, & occupavit illum nomine Matris Elisabethæ, Wilhelmi filia, Albertus Dux Saxoniam & Angariam, ( cui Carolus IV Imp. favens Ducatum Lynenburgicum in feudum contulit, excluso Magno Torquato legitimo hærede ) ducta dein Magni vidua, cui succedens Wenceslaus Frater non minus Torquati liberis fuit infestus. Quamvis autem possessionem Ducatus magnam partem adepti essent Saxoniam Duces, & in titulis suis Duces se Lynenburgenses etiam scriberent, & illorum insigne suis adderent, tamen Magni Torquati filii Fridericus & Henricus memorabili illo ad Winsenam prælio A. 1388 victores cæso Wenceslao sua recuperarunt, & deinde, cum modo dicti Ducis Saxoniam filias Annam & Margaretam, hanc Bernhardus, illam frater ejus memoratus Fridericus, ambo Magni Torquati filii, uxores duxissent, omnia feliciter composita sunt, & ad veros suos Dominos Ducatus Lynenburgicus rediit. Quod si per quorundam æmulorum & invidorum scelus licuisset, in hoc Friderico, belli & pacis gloria inclyto Principe,



cipe, recuperasset Imperatoriam dignitatem Saxonia, & antiquissima Brunsvicensis domus, cum in Regem Germaniæ Francofurti jam tum electus esset A. 1400. Fridericus, & inde redux in nefarias parricidarum manus incideret in Hassia ad pagum Engelis in Frislaria: uti aliàs plenius exposui, hic saltem indico. Neque tamen etiam silentio præterire possum, quæ post septendecim annos in Marchia, & non diu post in Misnia acciderunt, Saxonice rebus magnam inductura mutationem. Cum enim antehac Marchia alios habuisset Dominos, & tandem ad Sigismundum Imperatorem pervenisset, ille Fridericum VI. Burggravium Norimbergensem, ex antiqua Comitum de Zolleren familia oriundum, optimè de se & imperio meritum, primo suum in Marchia *Provisorem Supremum*, ut *Paulus Langius* Citicensis ad A. 1412 nominat, id est, locum tenentem, Vicarium, more loquendi tum usitato, constituit, dein ipsam accepta magna pecuniæ summa cum dignitate Electorali consentientibus Principibus ei contulit, investitura solemniter in Concilio Constantiensi A. 1417. d. 18. Aprilis peracta. Penes hujus enim Friderici hæredes masculos mansit in hunc usque diem terrarum illarum possessio & dignitas, indeque ortus incomparabilis Heros *Fridericus Wilhelmus* cum alibi avitis acquisitisque noviter terris, tum in hac Saxonia hodie latè dominatur. Qui etiam hætenus fuerant Misniæ Marchiones & Thuringiæ Landgravii in Friderico I. Bellicoso dicto Anno 1423, post mortem Alberti III. Electoris ex Ascania stirpe ultimi, Electoratum Saxoniæ à Sigismundo Cæsare, Presburgi in Hungaria acceperunt, cujus posteritas per tot Heroes sago togaque inclytos ad modernum JOH. GEORGIUM Ducem Saxoniæ & Electorem, ipsi Orienti terribilem, devenit. Quæ aliàs illo XV seculo contigerunt, seorsim hoc loco memorati non merentur, nisi quod novos duos Duces, Meclenburg-



burgicum & Holfaticum Saxonia accepit, ut jam supra memoravi. Fædus tamen etiam Hanſeaticum, quod hoc tempore quàm maximè floruit, ad Hiftoriam Saxonix pertinet, quoniam à fædere inter duas Urbes Saxonicas Hamburgensem & Lyneburgensem A. 1241. primò ortum, plurimas deinde Saxonix civitates fuæ ſocietati junxit, & Lubeca, uti reliquarum Saxonicarum Urbium primaria, ita hujus fæderis Hanſici caput fuit. Seculo XVI. memoranda imprimis eſt illa Conſtitutio Circulorum Imperio Germanico utiliſſima, Maximiliano I. autore, qui primo ſeculi anno in Comitibus Auguſtanis ſex tantum Circulos Franconicum, Bavaricum, Suevicum, Superiorem Rhenanum, Weſtphalicum & Saxonicum conſtituit, qui quidem ultimus omnium maximus tum fuit, plures Status Imperii complexus, qui in ordinatione Regimenti A. 1500. Auguſtæ Vindelicorum facta enumerantur. Deinde tamen in Comitibus Trevirenſibus & Coloniensibus A. 1612. idem Maximilianus decem Circulos conſtituit, & inter eos Saxonicum alium Superiorem, in quo imprimis Electores, Saxonix & Brandenburgicum, locavit, reliquos in Saxonico Inferiori reliquit Archiepiſcopatus Magdeburgensem, Bremenſem, Episcopatus Hildesheimenſem, Lubecenſem, Sverinenſem, Raceburgensem, Ducatus Brunſvico-Luneburgicum, Meclenburgicum, Saxo-Lauenburgicum, Holfaticum, cum urbibus Lubeca, Goſlaria, Mühlhufa & Northuſa: Id quod vel ideo moneo, quoniam in hac Iſagoge de illa potiſſimum ago Saxonia Inferiori, quæ Circulo ſuo definita eſt: non tamen ita ſtrictè, ut non vel de Episcopatu Verdenſi & Comitatibus Hojano & Diepholdico, quamvis ad Weſtphalicum Circulum pertinent, aut de Cœnobio Walckenredenſi, quamvis Superioris Saxonici ſit, agam, aut ad vicinos, & varia ratione connexos, excurram. Notabile vero eſt etiam bellum, quod anno decimo nono ſeculi



culi decimi Texti inter Johannem Episcopum Hildesensem ex Domo Saxo-Lauenburgica, & Henricum, Juniores dictum, Ducem Brunsvicensem, exortum est, propter oppignoras Episcopo arces quasdam & praefecturas, quas oblata pecunia repetebat Dux, reddere nolebat Episcopus. Hinc enim Episcopo cum aliis Principibus & Comitibus confederato, Henricumq; & ejus fratrem Franciscum Episcopum Mindensem invadente, illoque, adunatis cum Hassiae Landgravio copiis, fortiter se defendente, grave bellum in Saxonia exarsit, quod nec tres Electores Cervestae congregati restinguere, nec Commissarii in Comitibus Wormatiensibus à Carolo V. nominati sopire, ne induciae quidem obtineri sub poena privationis feudorum & banni Imperialis potuerunt. Unde in contumacis inobedientiae poenam proscriptionis sententia adversus Episcopum & Consortes à Carolo V. Gandavi pronunciata est, executoresque ejus Duces Brunsvicenses constituti sunt, qui totum Episcopatum, excepta Metropoli Hildesiae & tribus arcibus, in suam potestatem redegerunt: vix dum quinto post anno Pace Quedlinburgi per Principes reducta. Verum, oborto interea religionis causa in Germania bello, major adhuc tempestas Saxoniae incubuit. Cum enim 1538 Principes Protestantes Brunsvigae demolitionibus adversariorum suorum deliberaturi convenissent, alii Principes Romano-Catholicae religioni addicti contra eos foedus Norimbergae fecerunt, cujus Dux summus Henricus Junior Brunsvigius, quem dixi, constitutus est. Unde factum est, ut deinde Saxoniae Elector & Hassiae Landgravius, Smalcaldici foederati, Henricum invaderent, & tota ditione pellerent, tertioque post anno in potestatem suam cum filio Carolo Victore redigerent, & per biennium captivum detinerent. Nec minori vehementia Henricum invasit, ditionibusque suis ejecit Volradus Comes Mansfeldius



feldius, Alberti Brandenburgici nomen præ se ferens; quibus tamen receptis, non tantum per Philippum Magnum filium suum hostes suos magnis cladibus ultus est, sed etiam Albertum Marchionem Brandenburgicum in agrum Brunsvicensē irrucntem victoria insigni, cruenta licet, duorum filiorum morte, ad Sivershusam superavit, & altero iterum prælio ad Stederburgum victum tota ejecit Saxonia. Nec minus deinde etiam eos, qui hostes suos fovebant, cum alibi, tum in Saxonia, Ducem Meclenburgium urbesque Lubecam & Hamburgum pecunia multavit. Non parum etiam turbarum in Saxonia illo tempore dedit Magdeburgensis urbis per Georgium Ducem Meclenburgensem inchoata obsidio, deinde Mauritio Saxoni commissa, sed frustra: de ea autem, quæ subsequuta est, religionis mutatione deinde agam. Seculo decimo septimo, quod nunc vivimus, Urbs Brunsviga, Ducibus suis ab aliquo jam tempore refractaria, & idcirco ab Henrico Juniore etiam oppugnata, binis vicibus grave pene incendium in tota Saxonia concitasset, nisi id maturè suppressum fuisset. At, postquam ferale illud bellum, cui per triginta integros annos universa dein Germania succubuit, occasione fœderis Lauenburgici, per Christianum IV Regem ejusque gravissimam ad Lutteram cladem, Christianum Episcopum Halberstadensem, & obsidionem excidiumque Magdeburgensis urbis, in mediam Saxoniam pertractum est, tam graviter id florentissimas has terras afflixit, ut Saxoniam in Saxonia quærerent, qui antea eam vidissent. Et his turbis adhuc durantibus mortuus est optimus Princeps Fridericus Ulricus, Dux Brunsvicensis, Henricianæ Lineæ ultimus, relicta opima hæreditate sua Bernhardinæ Lineæ Principibus, hodieque florentibus. Respexit tandem DEUS clementi oculo Germaniam, omnibusque ejus provinciis & Saxoniam quoque optatam pacem dedit, anno 1648. At per æternam illam



lam Pacis Osnabrugensis sanctionem maxima dominio-  
rum in Saxonia facta est mutatio. In sola hac Inferiore, de  
qua agimus, Saxonia duo Archiepiscopatus, Magdeburgen-  
sis & Bremensis, Episcopatus tres, Halberstadensis, Race-  
burgensis, Sverinensis, Seculares redditus, Sveciæ Regi, Ele-  
ctori Brandenburgensi & Ducibus Meclenburgicis partim  
sub Ducatum, partim sub Principatum nominibus ces-  
serunt, ut ex ipsis Pacis Westfalicæ tabulis distinctè discere  
est. Et ex eo tempore, si Bremensem Ducatum & Holsa-  
ticum excipias, qui belligerantibus inter se Arctois Regi-  
bus, semper simul cladibus involuti fuerunt, reliquæ Saxo-  
nicæ Provinciæ, jucunda quiete & tranquillitate gavisi  
sunt, maturè suppressis in ipsa, quod dicitur, herba Bremen-  
sibus, Hoxteranis, Reinsteinenib<sup>9</sup>, Hamburgensibusq; mo-  
tibus, qui bellum concitaturi videbantur. Qua in re cum  
alii Principes, tum Serenissimi Brunsvicensium & Lynæb.  
Duces studio pacis, prudentia & moderatione sua, maxi-  
mam apud viventes gratiam consecuti, æternam apud po-  
steros gloriam reputabunt, qui etiam, ut sua in familia liti-  
bus & discordiis occasionem, hostibus vero, si aliquando  
irrumperent, receptum præcluderent & abscinderent,  
Brunsvigam Urbem forti manu a. 1671. subegerunt, suisque  
ditionibus æterno pacto conjunxerunt.

Verum, postquam ita breviter hanc Saxoniam Histori-  
am quasi per tenuia quædam lineamenta adumbravi, illi ul-  
terius depingendæ me accingam, faciamque id per certa  
quædam capita, ut & loca ipsa considerem, & sacram in Epi-  
scopatibus Monasteriisque & religione faciem, & civile in  
Ducatibus, Comitatibus, Urbibusque, per certas quoque  
leges, regimen, & totam denique Pragmaticam Historiam  
exponam, non plenè atque integrè, sed, ut in Isagoge fieri  
par est, tribus tantum verbis, defectum dein suppleturus,  
& appetitum lectoris satiaturus, indicio facto eorum Scri-  
ptorum,

G

ptorum,



ptorum, per quos & ipse profeci, & unde plena haberi potest notitia; de quibus etiam iudicium meum exponam, quod sequi juvenes, examinare periti possint.

Locorum ipsorum notitiam, seu Topographiam Saxoniae, hoc nostro seculo quidem habemus, *Martini Zeile-ri* opera, per *Merianum* editam, ex antecedentibus tamen seculis nullam distinctam; ut colligi hinc inde ex variis scriptorum locis, iisque diligenter inter se collatis, debeat, quicquid ad hanc notitiam facit, non sine labore multo & iudicio accurato, cum ex nominibus, decursu temporis mutatis, maxima oriatur difficultas, accedente praesertim mutila & imperfecta Scriptorum narratione. A Fluminibus, quae aut sedem nunquam, aut rarissime, mutant, maioribus praesertim, inchoandum esse in locorum notitia acquirenda, docent periti. At illorum quoque nomina saepe aevi lapsu mutata, aut, pronuntiatione male accepta, & hinc Historicorum errore, corrupta, pejus deinde a descriptentibus habita esse, in Saxoniae quoque fluviis ostendere licet. Quatuor nobis enumerat *Adamus Bremensis* in *Histor. Eccles. l. i. c. 2.* cujus verba integra merentur recitari: *Nobilissimi Saxoniae fluvii sunt, Albis, Sala, Wisura, qui & Wirraha nuncupatur. Is in Thuringiae saltu fontem habet, quemadmodum & Sala: deinde mediam cursu pertransiens, in vicino Frisonum sortitur occasum. Verum maximus Albis, qui nunc Albia nomen habet, etiam Romanorum testimonio praedicatur, cujus ortum ferunt trans Bohemiam, mox Slavos dirimit a Saxonibus. Juxta Magdeburg in se recipit Salam fluvium, nec longè ab Hammenburg ipse Albia mergitur in Oceanum. Quartus ex magnis Saxoniae fluminibus est Emisa, qui Westvalos a reliquis illius provinciae dirimit populis. Isq; oritur in saltu Paderbornensi, currit autem per medios Frisonum terminos in Oceanum Britannicum. De quibus, quamvis aliqua jam tum notaverit Philippus Clu-verius*



*verius* Germ. Ant. l. 3. c. 49. tamen nonnihil addam, & minores quoque fluvios Saxoniae Inferioris adjungam. Esse autem, tam *Elff* quam *Sal* voces appellativas, & significare quemcunque fluvium, jam tum à Viris doctis solide ostensum est, imprimis à Cl. *Scheffero* Ubsaliae c. i. Et is ipse, quem modo nominavi, *Adamus Bremensis* c. 229. scribit, etiam apud Sveones esse *Albim fluvium*, perq[ue] medios *Gothorum* populos currere in Oceanum, inde & *Gothelba* dici. Ubi Scholiastes *Anonymus* ridiculè scribit, illum ab *Albi* Saxonico nomen sortiri, magnitudine non imparem, cum, ut dixi, vox ipsa fluvium denotet, & pluribus tribuatur. Romanis Scriptoribus, quibus solemne quasi est in fluviorum nominibus E mutare in A, ut in *Ambra* ~~Emmet~~ *Amisus*, ~~Eme~~ apparet, *Albis* vocatur, Græcis Ἀλβις & Ἀλβιος, medii ævi Scriptoribus *Albia*, unde *Transalbiana* regio Saxonum *Aldhelm.* ad An. 785. dicitur, quæ alias *Nordalbingia*. Quamvis autem Romanis satis notus *Albis*, cum *Drusus*, *Germanicus*, *Tiberius*, bello Germanos persequerentur, *Tacitus* tamen, qui sub *Trajano* vixit, in *Germania*, flumen inclytum & notum olim, nunc tantum audiri scribit, ut tanto minus mirum sit, verum *Albis* fontem ab ipso ignoratum. *Vopiscus* in *Probo*, ejus & *Nicri* mentionem facit, vocat autem *Albam*, vel, ut in quibusdam MStis *Is. Casaubonus* invenit, *Album.* p. 238. De decursu ejus & influxu in mare *Helmodus* l. i. Chron. Slav. c. 2. ubi de *Odera*: *Oritur*, inquit, in profundissimo saltu *Marahorum*, qui sunt ab oriente *Bohemiae*, ubi de *Albia* sortitur principium. Nec longis ab invicem distant spatiis, sed à diverso currunt meatu. *Albia* enim in occasum ruens, primo impetu *Boemos* alluit cum *Sorabis*, medio cursu *Slavos* dirimit à *Saxonibus*, novissime *Hammenburgensem* dividens parochiam à *Bremensi*, victor Oceanum ingreditur Britannicum. Alter Saxoniae magnus fluvius *Visturgis*, nobis *de Weser*, Romanis Scriptoribus frequenter



quenter memoratur, & *Vellejo* l. 2. *Romanorum clade nobilis* vocatur. Nescio autem, quomodo ex voce *Weser* Romanis *Visurgis*, Græcis dein *Βισσεργης* & *Ουισσεργης*, sub *Ἑβύρη* nomine, vitiatâ scripturâ, apud Dionem latens, formatus sit. *Glurverus* olim nostris dictum existimat *Weserg*, & hinc factum *Visurgis*. At, qui postea ex semi-barbaris Scriptoribus, pronunciationem patriam secuti, nomen fluvii Latine extulerunt, nunquam g addunt, sed tantum *Wiser*, *Wiser*, ut est in *Annalibus Francicis Adelmi*, *Wiser*, ut habet *Adamus Bremensis*, vel, ut in aliis ejus codicibus est, *Visuris*, *Visura*, ab illis vocatur, *Wisor*, *Wiser* alii, item *Viscera*, ut notat *Lambec.* ad Gualdonis vitam S. Ansharii. Cum autem fluvius *Weser* vel *Wiser* vocaretur, adjiciebatur *a*, *abâ*, *acha*, ut esset *Wiser*, *Wiserâ*, *Wiseracha*, *Wisercha*, uti passim apud Scriptores videre licet. Uti enim per solum *aba*, *acha*, *aa*, *awe* / notantur minores fluvii, ita majoribus id adjicitur, ceu observatum est Nobilissimo *Velfero* Rerum Augustan. l. 1. & *Scheffero* in Upsalia c. 1. Dicitur vero *Wesera* etiam contractè *Wirra* Ludovico Pio Imperatori in *Diplomatibus* Corbejensi Monasterio datis anno X & XIII ejus Imperii, & hinc *Henricus Pingvis*, Comes de Northeim, Pater Rixæ, conjugis Lotharii Imperatoris, qui *an der Werre* / id est, ad *Visurgim*, patrimonium suum habebat, vocatur *Henricus de Whira* à *Paulo Langio* in Chron. Citic. ad An. 758. In *Monum. Paderbornensibus* multa ab Eminentissimo Auctore annotantur egregia de hoc fluvio, quomodo, *Werrha* & *Fulda*, infra Mundam confluentibus, hoc nomen primum nanciscatur, semperque dein retineat usque dum in Oceanum infunditur, acceptis in transitu per Westphaliâ plurimis fluviolis, *Dimola*, *Bevera*, *Netha*, *Grova*, *Salpa*, *Saumer*, *Ambra*, *Lutera*, *Alpha*, *Webrna* (quem puto esse eum, qui in *Annalibus Adelmi* ad an. 784. *Waharna*



*harna* vocatur) & *Begha* : quibus deinde merito suo annu-  
 meratur *Allera*, de *Ziller* / in Visurgim ad oppidum Ver-  
 den illabens, contra, quam scribit *Dalechampius* ad *Plin.*  
 l. 4. c. 14. Visurgim labi in Alleram. Mentio ejus in Caro-  
 lini ævi Scriptoribus, cum Carolus Saxonum MCCCCL.  
 inactari jussisset *super fluvium Alaram, in loco, qui Fardi*  
*vocatur*, ut est in *Annalibus Aldhelmi* ad An. 782. In qui-  
 bus iisdem Annalibus ad Ann. 910. quando Carolus scri-  
 bitur contendisse ad *Araram* fluvium, omnino legendum  
 est *Alaram*, cum mox subjungat *confluentem ejus cum Wi-*  
*sira flumine conjungi*, ibique, id est, Ferdæ castra posuisse.  
 In Privilegio Caroli dato Ecclesiæ Verdensi, quod passim  
 extat, *in loco Fardium vocato super Aleram fluvium in pago*  
*Sturmi ecclesiam statuiffe* memoratur. Oritur autem non  
 longè à nobis supra Ummendorff ad nemus Brandesleven,  
 & per Brunsvicensem Lynæburgensemque agrum decur-  
 rit, & interea varios amnes, Scunterum, Fusam, Istam &  
 Ocrum recipit, cujus ultimi mentio etiam fit in Historia  
 Caroli M, scribiturque diversimodè. In *Annalibus Aldbel-*  
*mi* ad an. 780 *Obacer* vocatur, ab *Aimoino* vero *Ouacer*.  
 ab aliis *Ouacra*, *Ouekara*. Ortus in Hartzicis montibus,  
 Ilfamque prope Horneburg recipiens, Wolfenbittelum &  
 Brunsvigam allabitur, & in Alleram multas aquas deducit,  
 qui inde etiam navigabilis redditur. Quem tertio loco  
 nominat *Adamus* inter Saxonæ fluvios, *Salam*, *Tacitum*  
 quoque non latuisse existimant eruditi, quamvis non no-  
 minet, sed describat *amnem gignendis salibus secundum*.  
 Oritur ille in Piniferi montis parte, quæ Sylva Munchber-  
 gensis appellatur, acceptisque aliis amnibus, Elistro quo-  
 que & Boda, varias urbes alluit, & tandem in Albim pro-  
 pe Barby effunditur. Nec minus Albim tandem intrat  
*Orba* fluvius, qui in Ducatu Luneburgensi in pago Or-  
 dörff quatuor ab Ouisfelt milliaribus ortus, in subterra-  
 neis



neis aliquamdiu occultè progrediens juxta Calvorde rursus erumpit, & Haldenslebiū (ex Henrici Leonis historia notum oppidum) ab una parte allabatur; cujus vel ideo facienda mentio, quod in Carolingici ævi Scriptoribus mentio ejus fiat, & *Fabricius in Originibus* Saxonice hunc minus notum fluvium, cum alio notiore, Odera confuderit. In diplomate Caroli M. Verdenſi Eccleſiæ dato *Hora fluvius & Callen-vorde* nominatur. In *Annalibus Franciſis Adelmi* ad an. 781. memoratur Carolus caſtra in eo loco, ubi *Hora & Albia confluunt, collocasse*, id quod fit partim ad Wolmerſtadium caſtrum, partim ad pagum Loitzke. De quarto fluvio Saxonice, *Adamo* memorato, *Emiſa*, Romanis Scriptoribus *Amiſia*, ut & de aliis Weſtphalicæ Saxonice fluminibus, nihil dicam, quum de Oſtphalia potiffimum agere decreverim, ſintq; omnia in *Monumentis Paderbornenſibus* egregiè explicata. De Trabena, vulgo *de Trave* verbum addam, cum etiam *Ptolomæo* ſub nomine *Chaluſi* memoratam dudum exiſtimarint Viri docti. *Bilibaldus* quidem *Pircheimerus* in Germaniæ deſcriptione non ſatis ſibi conſtat, & uno loco *Chaluſum* eſſe *Dravennam*, altero *Eidorum* ſcribit: *Danckwertius* in *Topogr. Holſat.* *Sventinam* eſſe exiſtimat. *Clu-verus* itidem, *Chaluſum* eſſe *Travenam* aſſerit, quod & ante eum ſcripſerat *Chytræus*, ſumpto à vocum ſimilitudine argumento, quia vicinus tractus *Clüſerort* & oppidum *Chluſ* nominatur. Quamvis autem *Thraciger* in *Chronico MS. Hamburgenſi*, & eum ſecutus *Danckwertius*, hæc reſellere conentur, tamen, nondum ſatis video cauſæ, cur rejicere Chytræi conjecturam debeamus, magna verifiſimilitudine, ut in illis locis oppido, ita etiam flumini *Chaluſi* nomen fuiſſe. Sub Carolo M. *Travena* vocatur, ſi diploma ejus Verdenſi Eccleſiæ datum *ὑποβολιμαίον* non eſt, in quo *Travena* abſorberi à mari ſcribitur. *Helmoldus* l. i. c. 58. *Trabenam*



benam vocat. Per Wagros, inquit Scholiastes Adami, currit in mare Barbarum, juxta quem fluvium mons unicus est. Optimè autem ejus originem, augmentaq; ex variis amnibus, tandem influxum in mare Balthicum, describit Danckwertus in *Topogr. Holsat.* p. 197. Possem plura de fluminibus his Saxoniae commentari, si Isagogen ista decerent, in quo pauca tantum proposui, ne in lectione omnis ævi Scriptorum de Saxonia, in errorem aliquis incidat. Multa alias P. Albinus in *der Meißnisch. Land-Chronick.* tit. 24. de Albi fluvio annotavit, plura de Sala Gregorius Grotzschius Grimmensis superiori seculo, habemusque hodie accuratas, Albis Visurgisque Tabulas Geographicas. Extant vero etiam, ceu supra dixi; Martini Zeileri per Merianum editæ *Topographiæ*, ut reliquarum Germaniæ partium, sic Saxoniae. Et quidem, si universam antiquitus vocatam Saxoniam intelligas, non una sed pluribus eam illustrare conatus est, *Topographiâ Westphaliæ*, deinde *Superioris Saxoniae*, & deniq; *Inferioris*, cujus pars *Ducatus Brunsvicensis & Lynæburgensis* peculiari etiam Topographia ab eo ornatus est. Præterea *Holsatiam* grandi opere & plurimis tabulis illustratam accepimus industria Casparis Danckwertii & Job. Meieri. Quamvis autem Topographiæ istæ magno sumptu factæ, & multis tabulis in æs incisæ exornatæ sint, descriptiones etiam Urbium & Locorum non sine multo labore à Zeillero factæ sint, ideoque insigni usu non careant: tamen, si verum dicendum est, plurima in descriptionibus desiderantur, nec Scriptores quosq; optimos ad manum habuit, nec in iis, quæ inde habuit, ordinandis judicio semper usus est, nec incerta à certis separavit, uti etiam plurima nullius momenti passim inseruit. Quin in omnibus ejus Topographiis id merito culpes, quod non secundum Episcopatus, Principatus, Comitatus, Provincias, Præfecturas, seu Pagos (ut veteres dixissent) sed Alphabeticò



phabetico tantum ordine loca recenset. Fecit quidem id etiam in *Notitia Galliae Hadrianus Vallesius*, sed incomparabili doctrina leviolem illum defectum compenfavit. Melius vero se hîc gessit doctissimus *Casparus Danckwerthius*, estque illius *Holsatiae descriptio* omnibus aliis Topographiis merito suo multum præferenda: uti etiam *Topographia Ducatus Brunsvicensis & Lynæburgensis* à Zeillero procurata præ multis aliis ejus laudem meretur, quoniam plura de eo cum ipso communicata fuerunt, & illarum regionum Historiam, scriptis eruditorum virorum, & forte inter eos non infimo loco, Avi mei, *Henrici Meibomii*, illustratamprehenderat. Alias merito etiam Topographiis annumeranda sunt *Monumenta Paderbornensia* Reverendisimi & Celsissimi Principis *Ferdinandi*, Episcopi Paderbornensis & Monasteriensis, Principum eruditissimi, cujus immaturam mortem non tantum mei, quem à plurimis annis singulari clementia fovit, sed publici damni causa lugeo, cum in eo, quicquid est ubique eruditorum in Europa, Patronum amiserint, ideoque magnam quoque ipsæ litteræ, jacturam fecerint. Detecta sunt in illo libro, & explicata tanta diligentia omnia veteris Saxoniae loca, quorum in historia Romana fit mentio, in quibus illi fuerint, pugnarint, & clades à majoribus nostris acceperint, ut non tam certam ossa & Romanorum Cæsarum imagine signata nominata, quæ à rusticis ibi frequenter effodiuntur, fidem mihi faciant, quam congesta à Ferdinando scriptorum loca, collata inter se prisca nomina cum vetustis, conjecturæque divini ingenii ante oculos mihi omnia ponant, elegantibus figuris, sed elegantioribus verbis, prorsus vorisque oratione illustrata. Nec minoris momenti sunt, quæ ad sacram locorum illorum historiam à primis Christianismi initiis ex Carolino & sequentibus seculis, ipsis Augustorum tabulis productis, passim in hoc libro eruditissime adfe-



adferuntur. Quod si non intervenisset maximi Principis flebilis mors, jam tum *Historia Paderbornensis*, ejus auspiciis capta, antiquitatis Patriæ amatorum desideria expleset, de cujus tamen publicatione non desperamus, & tanto magis optamus, ut etiam Celsissimi Principis ex sorore nepos Perillustris Dominus *Christianus Baro de Plettenberg* suos de Illustribus Viris & Scriptoribus Westfalibus Commentarios, quorum nuper nobis spem fecit, publicare non desinat, cum nihil nisi exasciatum est tam erudito & illustri calamo profluere possit. Verum est diverticulo nunc in viam. Magdeburgensis, latissime patens in Saxonia Archiepiscopatus, bonitate agri, præstantia fluminum, frequentia urbium arciumque, peculiarem mereretur Topographicam descriptionem. Et habeo penes me *Georgii Torquati*, eximii Theologi & Historici superiori sæculo, *Annales Magdeburgenses & Halberstadenses* nondum editos, quibus non juxta annorum seriem Historia Pragmatica, sed descriptio terrarum, fluminum, urbium, arcium, nobiliumque familiarum continetur. Vidi etiam apud Illustrem Virum, *Gebhardum ab Alvensleben*, qui pluribus Imperii Principibus à consiliis intimis, inter reliquas severiores curas, infatigabili omnis Historiæ, pragmaticæ & genealogicæ imprimis, desiderio tenebatur, & in eo plura volumina ipse conscripserat, *Topographiam Episcopatus*, nunc Ducatus, *Magdeburgensis*, magna industria ab ipso congestam: sed & ille ingenti bonorum virorum, qui virtutes ejus noverant, & meo, quem amabat, dolore nuper mortuus est.

Quoniam vero, ut apud reliquos Germanos, ita apud Saxones quoque, distinctio in Pagos aliquamdiu obtinuit, citra illorum cognitionem, certam & accuratam, saltem primorum à Carolo seculorum, haberi notitiam locorum non posse, arbitror. Quando nimirum, illo ævo, describere

H

bere



bere situm alicujus loci (uti in Donationibus, & Dominiorum translationibus omnino necessarium erat) volebant, non solum, in cujus Comitatus Comitatu esset, (cum illo id quidem tempore notissimum, annorum tamen decursu, comitatibus nondum hæreditariis, valde variaret) sed etiam in quo pago, annotabant. Idcirco ad accuratorem locorum notitiam, & Tabularum antiquarum intelligentiam, quibus Donationes ad memoriam posteritatis descriptæ, plurimum juvat illos Pagos novisse. Id quod probe, qua erat prudentia, intelligens amplissimus, summæ eruditionis & judicii vir, *Marquardus Freherus*, cum in Originibus Palatinis explicandis versaretur, & Pagorum notitiam magno antiquarum tabularum usu sibi acquisivisset, Germaniæ sub Pipino, Carolo M. & Ludovico Pio notorum Pagorum, ex antiquissimis & incorruptis ejus avi litterarum monumentis, improbo labore, indicem confecit, & parti primæ suarum Palatin. Originum c. V. inseruit inque ipsis illis libris Pagorum ad Rhenum historiam passim illustravit. Cujus magni viri, & amici sui, exemplo Avus meus, *Henricus Meibomius*, de Saxoniarum Pagis Commentariolum scripsit, in quo eos ex antiquarum tabularum fide & monumentis antiquis recensuit & illustravit, qui ab omnibus Saxoniarum Historiarum amantibus magno applausu receptus fuit. Non tamen ego illos hîc nunc recensere figillatim, sed de Pagis Saxoniarum quædam, aliis non dicta, generaliter annotabo. Uti enim Germaniam & Galliam in Pagos, id est, Toparchias, Præfecturasq; divisam fuisse ex Romanis Scriptoribus quoque, nedum recentioribus illarum regionum, notissimum est: ita Saxonia quoque nostra fuit. Estque id non tum demum factum, quando Franci dominari Saxoniarum cæperunt; sed & ante, & in ipso belli Franco-Saxonici decursu ante eam subactam, ab Historicis Carolini ævi, Pagi Saxonum nominantur. In Privilegio



privilegio Bremensi Ecclesiae à Carolo dato illud notabile est,  
 quod Imperator scribit, se *Parochiae illi decempagos subjecisse*,  
*quos etiam abjectis eorum antiquis vocabulis & divi-*  
*sionibus, in duas redegerit provincias, his appellans no-*  
*minibus, Wigmodium & Lorgoe.* Inde enim discimus, *pa-*  
*gos & divisiones* ab antiquo fuisse, id est, ante Carolum, sub  
 eo vero dein partim relictas, partim mutatas. Fuerunt au-  
 tem, ut alibi, ita in Saxonia quoque Pagi, alii Majores, alii  
 Minores, in majoribus inclusi, qui etiam Pagelli aliquando  
 dicuntur. Majores pagi integras gentes illorumque agros  
 designabant, abque illis nomen habebant, ut *Bardengow*  
 à Bardis populis, *Northuringia* à Thuringis septentriona-  
 libus, *Daleminei* à Daleminecijs, *Angeri*, *Angergow* / ab  
 Angariis, *Holsatorum*, *Stormariorum*, *Thietmarsgojo-*  
*rum* ab Holfatis, Stormariis, Dithmaris, quos comprehen-  
 debant terminis suis. Et hos pagos *Provinciae* etiam, vel  
*Marcae* nomine aliquando appellatos observo. Holfatiae  
 enim Pagus in Henrici Leonis Diplomate *Provincia Hol-*  
*satorum*, in Adalberonis Archiepiscopi Hamburgensis Ta-  
 bulis apud *Erpold. Lindenbrogium Marca Holsatorum* vo-  
 catur: *Daleminci* apud Dithmarum, modo *pagus*, modo  
*provincia* nominatur: *Hassagun* pagus, in Diplomatis  
*provincia* dicitur. Minores pagi partem aliquam mayo-  
 ris, finibus suis circumscriptam, denotabant. In Carolina  
 historia nominantur in genere *pagi Westfalabi, Angrarii,*  
*& Ostfalabi.* Ex illis tamen dein in specie Pagus *West-*  
*phala*, pagus *Angeri*, pagus *Ostfala* nominatur. Habebant  
 autem Pagi nomina sua frequenter à fluviis & rivis, quibus  
 quasi circumscribebantur, & ab aliis determinabantur, un-  
 de esse, quod *Revier* hodieque pro confinio & collimitio  
 usurpetur, ingeniose conjicit *Freherus*. Vocem Pagi, dum  
 vicum vel villam denotat, esse à Græca voce *πῦν*, Doricè



ωαγὰ, id est, fons, dudum notatum est *Festo & Servio* in II. Georg. ut sint Pagani, *quasi potantes ex uno fonte*, ωγγ. Possent vero Pagi altera etiam significatione, qua regionem aliquam denotant, ab aquarum communi usu ita vocari, cum à fluviis & rivis denominatos pagos; plurimis, ex Saxonia etiam nostra petitis, exemplis, ostendere mihi in proclivi sit. Ita enim Pagus *Emisgow* ab Emisā seu Amisia, Amasi: *Ambraga* ab Ambra, *Emmergow*: *Plisni* ab amne Pleisfa: *Paderga* **Padergow** à Padera: *Helmingau* ab Helmo, *Ilmin* ab Ilmo, Thuringiæ fluviis: *Zeremodē* à fluvio Zere, qui alias Balsamus: *Warnawiorum* à Warnaw, & *Sturmawiorum* à Sturia vel Stora, notis fluviis. Regebantur autem Pagi à Comitibus, & juxta Poetam *Anonymum Saxonem*, sæpius à nobis citatum, in *Annalibus Caroli* l. i.

*Sed variis divisa modis plebs omnis habebat,*

*Quot pagos, tot pene duces,* id est, Comites.

Erantque in uno Pago interdum plures Comitatus, aliquando unus Comitatus ad plures Pagos sese extendebat, ut in *vita Meinverci* à *Browero* edita, de Comitatibus *Dediconis* & *Liudolphi* legere est c. 71. id quod ratione Majorum & Minorum intelligendum esse arbitror. Quoniam tamen ut plurimum uni Pago unus Comes præerat, hinc factum est, ut Comitatus pro Pago diceretur, existimatque doctissimus *Adrianus Vallesius* hinc factum esse, ut pro *la Comté* posterioribus seculis diceretur *la Contrée*, & voce illa Pagus, seu regio denotaretur. Hinc etiam *Comes* & *Pagenses* temporibus Carolinis relativa fuerunt, & *Pagenses* dicti, qui in pago & districtu Comitatus sunt, etiam in urbe, quæ Comiti subest, ut explicat in eruditissimo Glossario suo *Fresneus*. Quando desierit hæc Pagorum appellatio, non ita exactè definiri potest, cum probabile sit, alibi eam citius, alibi tardius cessasse. Avus meus cum fine seculi



culi undecimi eam defuisse, conjecturatur, tum scilicet, quando Pagi in Ducatus, Principatus, aliosque etiam Comitatus migrarunt, & hæreditario jure possideri inceperunt; id quod repetitur & approbatur à Celsissimo *Monumentorum Paderbornensium Auctore* p. 143. Quod tamen non ita stricte accipi velim, cum sec. XII. *Pagi* vox adhuc occurrat in Tabulis de Saxonice rebus datis à Friderico I. & Henrico Leone, alibi que. Verum ut ad Topographias redeam, in illis quoque Urbium Saxonicarum descriptiones habentur. Quin & in voluminibus, quas de Urbibus generaliter magis, *Werdenhagen* & *Knipschild* conscripserunt, non pauca de Saxonice quoque annotata reperias: ut & apud *Limnæum*. Sunt quoque, qui figillatim, de quibusdam Urbibus Saxonice egerunt, non magno tamen operæ pretio. Sola ad Albim antiquitate, commerciis & Archiepiscopali quondam dignitate nobilis urbs, *Hamburgum*, melius videtur habuisse in ea re fatum. Nacta enim est inter antiquiores Historicos rerum suarum non indiligentem Scriptorem *Adamum Bremensem*. Et pragmaticam quoque ejus historiam *Albertus Crantzius* in Saxonia, & Metropoli, *David Chytræus* in Saxonia sua, aliique, qui Holfatica & Danica exposuerunt, non neglexerunt. Post medium vero superioris sæculi *Adamus Thraciger*, primo Theologiæ Professor in Academia Rostochiensis, dein Syndicus Hamburgensis, ac demum Cancellarius Ducis Slesvici & Holfatiæ, *Hamburgensis Urbis Chronicon* lingua vernacula scripsit, quod, licet nunquam editum sit, tamen, ut in mea, ita plurimorum Bibliothecis MStum extat: de quo varie judicatur. Nonnulli illius turbulentum ingenium culpant, quod nec dissimulat ejus in cathedra Theologica Rostochiensis successor *David Chytræus* l. 18. Saxon. p. 489. plura quoque, quæ famam ejus imminuant, adducuntur ab *Adamo Oleario* in Chronico Holfat. pag. 54. 55.



quæ tamen non impediunt, quo minus res Hamburgenses fideliter narrare potuerit, & plenè etiam, cum Syndicum Urbis ageret, & ad ejus Chartophylacia aditum haberet, uti certè ab ipso Tabulæ memorantur, quæ valde licet desideratæ, nullibi jam amplius reperiri possunt. Interim, dum varia cum fortuna inter initia sua luctata est Urbs, toties vastata, incensa & desolata, non potuit quoque non jacturam veterum chartarum suarum facere, iisque destitutus *Thraciger*, cum aliunde idoneis monumentis colligendis & dijudicandis debitam operam non impenderet, & *Crantzium* inconsideratè sequeretur, in multos errores incidit, & temporum rationem imprimis confudit, uti à doctis animadversum est. Minuunt etiam ipsi Hamburgenses fidem operis, dum illud nunquam typis excusum, sed scriptum, modo ab hoc, modo ab illo auctum vel mutatum, magno Urbis suæ præjudicio circumferri, queruntur in *Apologia* p. 725. At omnem illum defectum supplere visus est, magni ingenii & judicii & historiæ scribendæ peritus Vir, *Petrus Lambecius*, qui, junior licet, operam, quam hætenus Græcis Latinisque Scriptoribus recensendis feliciter impenderat, Patriæ Urbi in concinnanda ejus historia consecravit. Tanta autem felicitate, materiâ ex omnibus scriptoribus & monumentis curiosissimè conquisitâ, id præstitit, ut prima parte Rerum Hamburgensium cum plausu excepta, altera post novennium addita, majorem etiam in erudito orbe meruerit. Dolendum autem, quod in A. 1292. substituerit, & aliis dein laboribus occupatus, tandem A. 1580. 24. Martii peste Viennensi mortuus sit, ut nihil ab ipso amplius expectare liceat. Postquam tamen ille doctissimus Vir glaciem fregit, & antiqua, sepulta, vetusta eruit, non adeo difficile fuerit, Res celeberrimæ Urbis ad nostra usque tempora pertexere, nullibi jam deficientibus subsidiis. De ultima Urbis ejus à Caroli M. ævo notitia præclare differit  
*Lam.*



*Lambecius.* Uti autem conditam eam esse Caroli M. auspiciis, sub nomine Castelli *Hochbuchi*, certum est: ita nescio, quo auctore ab Odone, Legato Caroli, conditam eam scribat. Id quod etiam in *Chronico Holsatiae* ex *Christiani Solini Chronologia* compilato p. 5. & apud alios lego. In Annalibus Francicis, sive *Eginhardi*, sive *Adelmi*, quos sequitur *Lambecius*, ad An. 808. notatur quidem, Carolum per Legatos suos super Albim fluvium duo Castella extruxisse, praesidiumque in iis contra Slavorum incursiones disposuisse, qui tamen illi legati fuerint, non additur. Ad an. 810. iidem Annales narrant, Odonem, quando castellum illud à Wilfis captum est, Legatum Imperatoris fuisse, sed nihil praeterea. Quis igitur constat *Lambecio*, Odonem, qui biennio post Legatus Imperatoris fuit, tum etiam fuisse, quando per Legatos Carolus memoratur castellum *Hochbuchi* excitasse? Sufficit igitur Carolum, qui auspicia sua commendavit, auctorem esse, quamvis Legatorum, quorum opera Caesar usus, nomen ignoretur. Vocis *Hamburgi* originem rectè quidem *Lambecius* ab *Ham* deducit, secutus *Arum meum*, qui in *Not. ad Levoldi Northov. Orig. Marcanas* p. 44. pridem docuerat, *Ham* esse vetus vocabulum Saxonicum, & significare saltum, sive nemus, unde apud Dithmarsos duo saltus, alter *Süderham*, *Norderham* alter appelletur, ut sit *Hamburgum*, quasi castellum sylvestre, vel in loco ad sylvam exstructum. In antiquo tamen urbis nomine *Hochbuchi* frustra setorquet doctissimus Vir, & rejectis variis sententiis, meliorem non adfert: re tamen, ut mihi quidem videtur, expedita. Quoniam enim in Annalibus Francis ad An. 810. & 811. modo *Hochbuchi*, modo *Hochboki* nominatur, ab *alta fago*, *Hohenböfen* primum nomen loco datum arbitror, ut dein à sylva secundum. Non intellectam vero vocem corruerunt *Albertus Stadensis* ad an. 810. & 1811. ubi *Hochburi*, & *Lambertus Schaf-*



*Schafnaburgensis*, ubi *Hohenburg*, five ipsorum Historico-  
rum, five describentium error intervenerit: Cum tamen  
non insuetum olim fuerit ab arboribus nomen urbibus da-  
re, & ut alia taceam, in *Antiqua Divisione*, sub Carolo  
M. facta, quam producit *Marquardus Freherus* Orig.  
Palatin. l. i. p. 49. mentio fiat loci, dicti *Hagenboucha*, ma-  
nifesta à fagi quadam specie denominatione. Ut vero  
*Hamburgensium Rerum* historiam *Lambecius*, ita *Lubecensi-  
um* quoque orbi erudito exponere decreverat, Vir Cl.  
*Henricus Bangertus*, præclarâ *Helmoldi & Arnoldi* Slavi-  
cæ Historiæ conditorum editione notissimus, magna eru-  
ditione & exquisito judicio tantæ rei par. Vix unâ ta-  
men alterâve pagellâ, in specimen futuri operis, publica-  
tâ, infelici casu mortuus est Vir longiore vita dignissi-  
mus, quem primum in historia veteri & recenti præce-  
ptorem me habuisse lætor. Non dubito tamen, quin  
Vir Cl. *Jacobus à Mellen*, si otium & subsidia idonea na-  
ctus fuerit, quæ præclare capit, in patriæ Urbis glori-  
am continuaturus, & Bangertianos conatus perfecturus  
sit.

Sed jam tempus est, ut ad Sacram, five Ecclesiasti-  
cam Saxonæ historiam, quæ à Carolo M. ut supra patu-  
it, initium sumit, progrediamur. *Eginhardus* in vita Ca-  
roli Saxones *Dæmonum cultui deditos*, nostræque religioni  
*contrarios*, neque divina neque humana jura vel polluere  
vel transgredi inhonestum arbitrari, scribit, potestque hoc  
judicari ex *Indiculo superstitionum vel Paganiarum*, à qui-  
bus populum Episcoporum sollicitudine revocandum *Sy-  
nodus Liffтинensis* A. DCCXLIII. statuit; quod vetustissi-  
mum Germanicæ antiquitatis monumentum, novem se-  
cula superans, ex MSto Codice Palatino Bibliothecæ Vati-  
canæ bona fide erutum, ante viginti octo annos Romæ pu-  
blicavit Eminentissimus *Paderbornensis Episcopus Ferdi-  
nandus*,



nandus, Liffinenſi concilio memorato illis in membranis ſubjunctum. Idem enim, qui alibi in Germania Dæmonum cultus, eadem ſuperſtitiones, in Saxonia quoque fuerunt, quaqua verſum illa patet. De Slavis *Helmoldus*, de Prūſſis meretur legi, qui peculiari & erudita epiſtola ad *Georgium Sabinum* dæmonolatriam eorum expoſuit *Joh. Meletius*, illius terræ incola & ἀντίπληγης teſtis. Utinam vero Epiſcoporum ſollicitudine omnes illæ paganiæ ex animis Chriſtianorum evulſæ eſſent, & non inter Saxones noſtros, plebejos ſaltem & ruricolos, de incantationibus, de diuinis vel ſortilegis, de igne fricato, de ligno, id eſt, *Nodſyr*, de obſervatione pagana in foco, vel inchoatione alicujus rei, quorum meminit *Indiculus* citatus, veſtigia non tantum videre, ſed rem ipſam quoque liceret? Quam verum enim ſit, quod de Saxonibus narrat *Eginhardus*, eos Dæmonum cultum ægrè dimiſſiſſe, & quamvis coacti dimitterent, tamen ad eum reverſos, velut κύων ἐπιςτρέψας εἰς ἴδιον ἰξέεσθαι, juxta verba Apoſtoli Petri, dijudicare eſt ex iis, quæ de Idoli, Crodonis, Hartzburgi in vicinia noſtra culti, narrantur in *Topographia Brunſuiciſi* p. 105. Credibile autem eſt, ut alios Germanos, ita Saxones quoque, qui in Burgis, Oppidisque erant, citius ad Deum converſos, illos vero, qui in pagis vicisque, in deſertis, & ericetis morabantur, tardius luce divina colluſtratos, & hinc factum, ut qui Pagani Latine primis Chriſtianis dicerentur, non abſimili origine *die Heiden* ab ericetis denominarentur, unde Paſchalis II Papa in diplomate Legationis ad gentes pro Ebone Archiepiſcopo Remenſi religioſiſſimum judicat, cæleſtia pabula ſalubri communicatione ſubminiſtrari *maximè his, qui in compitis & pagis ſub principe tenebrarum calida perſuaſione perſiſtunt*. Deſtruxit vero Carolus M. primarium totius Saxonie Idolum, & numen quaſi tutelare, Irminiſul, in Saxonia veteri ſeu Weſtſalia



ad Dimolam, uti pluribus explicat *Avus meus* peculiari *de Irminsula commentario*, & ibi templum seu capellam Christo consecravit. Non negari quidem potest sub Carolo M. religionem Christianam armorum vi propagatam, unde à nonnullis Saxonum Apostolus armatus vocatur, de erectione tamen Episcopatum, fundatione Ecclesiarum & monasteriorum, eum sollicitum fuisse, Leone III. Pontif. Rom. etiam sub finem seculi VIII. in Saxoniam veniente, luculenter ex historia ejus discere licet. An autem decem Episcopatus in Saxonia ab ipso Carolo M. erecti, & iis quidem privilegiis, quorum tabulae vulgo circumferuntur, donati fuerint, alio loco pluribus disquiram, cum inter dissentientes ab hac & ab illa parte non pauca asseri videam, quae rigidum examen non ferunt. De Hamburgensi Archiepiscopatu res est certior, illius institutionem non Carolo, sed Ludovico Pio ejus filio deberi, unde etiam factum, ut inter Metropolitanas Ecclesias, quibus pecunias in Testamento, quod apud Eginhardum extat, legavit, nulla illius reperiatur mentio. Instituire quidem Carolus Archiepiscopatum in illa urbe voluit, sed impeditus reliquit id filio Ludovico, Pio dicto, Sub illo igitur Hamburgensis Ecclesia Archiepiscopalis & totius Transalbinæ Provinciae primaria esse cepit, sub Ludovico vero, illius filio, Rege Germaniæ, Bremensis Episcopatus illi copulatus est, ut tamen Archiepiscopatus titulus Hamburgo maneret, quem anno demum 1223 Bremensi cessit. Erat vero ille Archiepiscopatus latissimus, suffraganeos Episcopatus per totum Septentrionem habens cum Ecclesiastica Jurisdictione & visitandi jure, id quod tamen sub Henrico IV Cæsare mutavit propter censuram & excommunicationem temerè ac inconsideratè à Liemaro Archiepiscopo adversus Regem Daniæ Ericum tertium decretam. Is enim irritatus, ope Eugenii Pontificis Londini in Scania Ascherum



rum constituit Archiepiscopum, eiſque Daniæ, Sveciæ & Norwegiæ Episcopos ſubjecit, ceu in Annalibus Episcoporum Slesvicenſium memorat *Cypræus* c. 18. frustra deinde pro ſuffraganeis illis recuperandis apud Cæſarem & Papam laborante Hartwico Episcopo, quod narratur in *Historia Archiepiscoporum Bremensium* edita à *Lindenbrogio* p. 55. Sed redeo ad Ludovicum, qui Pii nomine celebris pietatem suam in dilatanda Christi Ecclesia in Saxonia, & partibus Septentrionalibus, non patris exemplo per arma, sed blandiori more, erectis Episcopatibus, Ecclesiis & monasteriis, missisque in infidelium terras Legatis, ut appellabant, piis viris, qui Apostolorum more, prædicando Evangelium, gentes converterent, zelo divino agitati, contempto, quod impendere sibi sciebant, periculo. Quo in loco reticere non possum pii & prudentis Imperatoris institutum, quo, ut Saxones Christi doctrinam rectius acciperent, in eorum linguam Sacrum Codicem transferri fecit, ut ex præfatione in librum antiqua lingua Saxonica conscriptum, quæ extat inter *Hincmari* epistolas à *Corderio* editas p. 634. patet. Cum enim Anonymus ille *HLudovicum*, Pissimum Augustum laudasset, quod, præter plurimas Reip. utilitates, in eo, quod ad sacrosanctam religionem, æternamq; animarum salubritatem attinet, studiosus ac devotus esset, ita de Imperatore pergit: Nam cum divinorum librorum solummodo literati atq; eruditi prius notitiam haberent, ejus studio atq; imperii tempore, sed dei omnipotentia atque inchoantia mirabiliter auctum est nuper, ut cunctus populus, suæ ditioni subditus, Theudiscaloquens lingua, ejusmodi divinæ lectionis nihilominus notionem acceperit. Præcepit nempe cuidam viro de gente Saxonum, qui apud suos non ignobilis vates habebatur, ut vetus ac novum Testamentum in Germanicam linguam Poeticè transferre studeret, quatenus non solum literatis, verum etiam illiteratis sacra divinorum



præceptorum lectio panderetur. Qui iussis Imperialibus libenter obtemperans, nimirum eo facilius, quo desuper admonitus est prius, ad tam difficile tamq̃ arduum sèstatim contulit opus &c. Non desierunt vero Historici, qui tum temporis plerique sacri ordinis erant, Religionis nobis progressum, Episcopatumq̃ & Monasteriorum augmenta narrare, quamvis ex ipso Carolino ævo & proximis seculis neminem habeamus, qui data opera id egerit. Quæ igitur in Annalibus dispersa sunt, sollicitè colligenda, Tabulæ foundationum antiquæ excutiendæ, exquæ his facies aliqua primi in Saxonia Christianismi, concinnanda est, uti quoad Saxoniam Westphalicam ejusq̃ Diœcesin Paderbornensem egregie in Monumentis Paderbornensibus toties citatis factum videmus. Plurimum vero ad hanc rem conferunt Vitæ Sanctorum, qui vel peculiari vitæ sanctitate inclaruerunt, vel in convertendis gentibus in Legationis munere singulari zelo vitam consumpserunt, vel aliquando mortem glorioso martyrio oppetierunt. Habemus illas sparsim à multis præclaris & industriis viris editas; alii conjunctim eas edere variis tomis instituerunt, ut *Johannes Bollandus*, *Godefridus Henschenius* & *Daniel Papæbrochius*. Equidem, quam aliàs mereantur Vitæ Sanctorum laudem, & quantum sibi publicum obstrinxerint immenso illo labore suo modo laudati viri, pari candore & judicio exposuerunt eruditissimi *Actorum Lipsiensium* Auctores: Ego vero hoc in loco assero, plurimum eas, peritorum manibus tractatas, ad Historiam Temporum, Geographiam seu Topographiam, Genealogiam, & interdum quoque Pragmaticam Historiam conferre, quamvis Lectorem, judicio majori præditum, quam alii libri Historici, postulent. Cum enim in his Vitis genus, nativitas, peregrinationes, gloriosi actus, mortes, & martyria cum pluribus circumstantiis recenseantur, non pauci vero ex illis  
illu-



illustri genere orti, summis Regibus & Imperatoribus fami-  
 liares, ad magnas imò summas in Ecclesia dignitates, nec  
 parvam aliquando in Republica potentiam, pervenerint;  
 non potest non istorum vita plenius proposita plurimum  
 lucis omni historiae affundere, non sacrae solum, sed & pro-  
 fanæ: id quod primus diligentius observavit *Heribertus*  
*Rosweidus*. Neque objici debet, esse inter illas Vitas San-  
 ctorum multas supposititias, quasdam miraculorum incre-  
 dibili, non cohærente, & manifestò falsa narratione, ut in  
 illa, ita in cæteris quoque fidem omnem amittere: jam tum  
 enim *Bollandus*, *Henschenius*, *Papæbrochiusq;* viri erudi-  
 tione, industria, judicio & candore aliis præstantes supposi-  
 titia Scripta à veris egregie & libere, neglecta imperiorum  
 & simplicium inde metuenda calumnia, separaverunt: quod  
 si quid deest, supplendum id judicio, ut in omnium alio-  
 rum historicorum lectione de ipsorum scriptis facere par  
 est. Nec etiam propter multa incredibilia adjecta & su-  
 perstitiosa à credulis & simplicibus, & seculi more ejusmo-  
 di rebus, pietate majore quam prudentia, additis, reliqua  
 omnia in dubium vocanda sunt, cum in aliis, quæ obiter  
 & quasi extra ordinem narrantur, plus sæpe fidei merean-  
 tur simplices illi, quam alii majores Historici. Ut igitur  
 aliam omnem, sive alterius gentis, sive Germanorum, hi-  
 storiæ plurimum juvare possint hæ Vitæ Sanctorum, ita  
 Saxoniam quoque, de qua nunc agimus. Ne enim ex  
 vastis illis Tomis ad Majum usque mensem jam deductis,  
 omnes recenseam, multum illustratur veteris Saxonie seu  
 Westfalie Historia à Sanctorum vitis, ut B. Meinverci,  
 Paderbornensis Episcopi, uti eam cum scholiis edidit *Chri-*  
*stoph. Brovverus* a. 16 hujus seculi, & auctioribus iterum  
 observationibus antequinquennium doctissimus *Adolphus*  
*Overham*, Imperialis & liberæ Abbatie Werthinensis  
 Ordinis S. Benedicti monachus, patriarum antiquitatum,



exemplo maximi sui Patroni, *Ferdinandi* Episcopi Paderbornensis & Monasteriensis, curiosissimus ruspator, qui nuperrimè plurium eruditorum, & meo quoque, insigni dolore in vicino Monasterio S. Ludgeri obiit. Habemus vero apud eundem *Broverum* inter Sideta illustrium virorum vitas Episcoporum Hildesheimensium *S. Bernwardi*, Ottonis III. informatoris, qui primus ex gente Saxonum numero Sanctorum adscribi meruit, & *S. Godehardi*, ex quibus multa discere licet. Extat quoque Archiepiscopi Magdeburgensis, *Nortberti*, Lothario Imperatori cari, vita. Hamburgensis vero Archiepiscopi *Ansgarii* vitam à Remberto ejus successore, & Gvaldone monacho peculiaribus libris descriptam, memoratis ex causis, historiæ illustrandæ publicavit, & suo T. I. Rerum Hamburgensium adjunxit Cl. *Lambeckius*. Ex aliis Historicis de propagatione Religionis in Saxonia pauciora habere licet, cum ea non exponant, nisi cum suis rebus aliquam cognationem habeant. Seculo XI sub Henrico IV *Adamus* historiam Ecclesiasticam scripsit à Carolo M. ad sua usque tempora. Fuit is Canonicus Ecclesiæ Bremensis & Matricularius, ut ipse scribit, aliisque jam notatum est: ego vero rexisse eum etiam scholam Bremensem, quæ ibi, ut in aliis cathedralibus Ecclesiis, habebatur, probare possum, & hinc nomen *Magistri* accepisse. Non tantum enim ab *Helmoldo* Chron. Slav. l. I. c. 14. vocatur *Magister Adam*, qui gesta *Hammenburgensis Ecclesiæ Pontificum disertissimo stylo scripserit*, sed & ipse in Instrumento quodam Adelberti Archiepiscopi Hamburgensis factò Bremæ 4. Idus Junii 1068. ita se subscribit: *Ego Adam magister scholarum scripsi & subscripsi*. Ipse se in præfatione Operis *prophelytum & advenam* vocat; ex Superiore vero Germania eum fuisse ex nominibus propriis corruptis, cum ad suum vellet aptare idioma, jam tum observavit *Scholiastes ejus*  
ano-



*anonymus*. Magna interim diligentia, dum Bremæ fuit, Ecclesiæ eum tabularia excussisse, Chronica perlustrasse, & apud rerum peritos omnia inquisivisse, non tantum in præfatione ad Liemarum Archiepiscopum testatur, sed res ipsa loquitur. Quamvis autem frequenter intermisceat, quæ in reliqua Saxonia gesta sunt, tamen quam maximè exponit, quomodo maritimæ & boreales Saxonie partes & Transalbi populi ad Christianam fidem amplexandam deducti sint, in quo Archiepiscoporum Hamburgensium pietas enituit, quam præcipuè narrat. De Willehado paucis agit, in Ansgario vero, & ejus legatione exponenda, latè se diffundit. Non negat quidem, jam tum Ebbonem Archiepiscopum Remensem de salute gentium religionis studio fervidum legationem à Paschali Papa suscepisse; quod & *Flodoardus* l. 2. Chron. Rem. c. 19. p. 144. testatur his verbis: *Hic præsul Ebbo cum consilio Ludovici Imper. & autoritate Paschalis Pontificis prædicandi gratia ad terminos usq; Danorum accessit, ac multos ab eis ad fidem venientes baptizavit*: & nos in Bibliotheca Academiae nostræ in antiquo codice descriptas habemus ipsas Paschalis Papæ Litteras, ad omnes Christianos Deo fideles, quibus Legationi fidem facit, omnibusque Ebbonem commendat, & ne ullo modo impediatur, sub anathemate vetat, editas à *Madero*. Quod tamen alii voluerint, nec potuerint, id voluisse & perfecisse Ansgarium, docet *Adamus*, & diligenter habita temporum ratione, omnia dein ordine exponit. Neque vero post *Adamum* simile opus alius aggressus est, descripseruntque eum *Helmoldus*, *Albertus Stadenfis*, aliique, cum sacram illam historiam narrant. *Helmoldus* tamen, qui sequente seculo XII vixit, cum Geroldi ultimi Ecclesiæ Aldenburgensis in Wagria & primi Lubecensium Episcopi Comes in convertendis Slavīs Wagriis fidelem præstitisset operam, in suo Slavorum Chronico conversionem illarum



rum gentium egregie exponit. Ubi notanda imprimis ea sunt, quæ de Episcopatibus tribus, Aldenburgenſi, Miclinburgenſi & RACESBURGENſi, & Henrici Leonis Ducis magna in constituendis & investiendis Episcopis auctoritate, & diſputatione hinc inter eum & Episcopos orta, narrat l. r. c. 69. alibiſque: quæ confirmare ex ſuperſtitibus tabulis mihi integrum eſſet, ſi hic locus admitteret. Poſt aliquot deinde ſecula omnem Eccleſiaſticaſ Histo-riam Saxoniæ, de primis Religionis Chriſtianæ in hac terra initiis, deſque ejus Episcopis ab A. 780 uſque ad an. 1504. li-bris XII ſub nomine *Metropoleos* aggreſſus eſt *Albertus Crantzius*, per veterem non minus Saxoniam, Weſtphali-  
am, quam reliquam hodie ita dictam ſe diffundens. Fuit ille primum in Academia Roſtochienſi Theologiæ & Decretorum Doct̃or & Profeſſor, poſtea Hambur-  
genſis Eccleſiæ Decanus; aliquando etiam in Col-  
legio Canonicorum Naumburgenſium vixit. Poſtquam  
autem ad Histo-riam ſcribendam ſe accinxit, immenſam  
antiquorum monumentorum & Chronicorum cõpiam  
congeſſit, quibus ad tam varia & diſuſa narranda uſus,  
ſæpe tamen illorum nullam facit mentionem, quamvis  
iſſis Auctorum verbis, ne vocula mutata, res geſtas expo-  
nat. Bonum tamen factum, quod poſt *Crantzii* mortem,  
non tantum *Adamus Bremenſis*, *Albertus Stadenſis*, *Hel-  
moldus*, *Arnoldus*, *Gobelinus*, quibus *Crantzius* uſus, ſed  
alii quoque Scriptores rerum noſtrarum, cum monumen-  
tis & tabulis antiquis, publicati ſunt, ut *Crantzium* non nu-  
de ſequi cogamur, ſed examinare ad iſſos illos veteres, an  
recte ex iſſis ſua propoſuerit, & ad fontes relicto rivo acce-  
dere, queamus. Laſum enim frequenter *Crantzium*, nec  
fideliter ſatis ſuos Auctores ſecutum, & ab aliis oſenſum  
eſt, & à me pluribus fieri poſſet, quamvis de reliquo non  
poſſit non ſatis laudari opera doctiſſimi viri, & majorem fi-  
dem;



dem, quo propius ad sua accedit tempora, mereatur. Saxoniæ Veteris seu Westphaliæ Historiam Ecclesiasticam scripsit magno volumine lingua Germanica *Gerhardus Cleinsorge* J. V. L. ab anno 700. usque ad an. 1577. natus ipse Bilveldiæ in Comitatu Ravensbergico anno 1530. ut in Chronico testatur, denatus anno 1591. Mense Febuario. Editum illud quidem hætenus non est, sed meretur ab omnibus historiæ patriæ amantibus legi, cum non tantum, quæ præter *Crantzium* alii historici annotarunt, diligenter collegerit, examinarit, & *Crantzium* sæpe erroris redarguerit, sed etiam multa ex ineditis Chronicis, Monasteriorum & Ecclesiarum Archivis nemini dicta feliciter eruerit, & juxta annorum seriem commodè digesserit. Totius vero Saxoniæ Historiam, cum post *Albertum Crantzium*, ab eo tempore, ubi ille desierat, magno animo inchoasset, V. CL. *David Chytræus* in Academia Rostochiensis Professor, Ecclesiasticæ quoque ejus historiæ pertexendæ desiderio flagavit, sed non nisi præmium Metropoleos & Indicem quendam Episcoporum in Ecclesiis Saxoniæ & Vandaliciæ veteris Cathedralibus viginti ab anno Christi 1509 ad ann. 1597. sibi succedentibus, edidit, mortuus ipse 25. Junii. 1600. Videre autem ex illis est, qualis Ecclesiæ tum temporis fuerit facies, quam tamen pluribus ostenderunt *Centuriatores Magdeburgenses* & *Flacius Illyricus* in *Catalogo testium veritatis*. Triumphavit quidem doctrina de Christo per Legatos & Missionarios inter Barbarorum persecutiones, incredibilemque pertinaciam & dæmonum cultus obstinatum amorem, & non provinciæ tantum, sed integra regna Christo fuerunt acquisita, *ibi solum posito evangelizandi silentio, ubi mundus habet terminum*, ut magnificè loquitur *Adamus Bremensis*: quæ tamen jam cæperat corruptio in doctrina, ritibus, disciplina, propagata longius fuit. In Episcopis & Abbatibus major ferè vitæ sanctimonia & zelus,



lus, quam doctrinæ cœlestis veritas, Pietas insignis, ardens promovendi Christi nomen desiderium, contemptus rerum humanarum præ divinis, vitæ etiam ipsius; quæ plurimum laudis merentur. Inter rudem tamen, piam licet, simplicitatem, & credulam sanctimoniam, doctrinæ Christianæ lumen plurimarum superstitionum nube ob-  
ruebatur, cumque apud Barbaras hætenus & feroces gentes, bonorum operum studia urgerentur, quicquid Ecclesiis & Monasteriis dabant, id *pro remedio animæ suæ & suorum, ob spem & pretium vitæ æternæ, ob remissionem omnium peccatorum, pro peccatorum redemptione* se dare existimabant, & hæ opiniones continuabant deinde, ut verbis ipsis Tabularum antiquarum Saxonie nostræ ostendere licet. Hinc tot monasteria passim extructa, tot liberales iis factæ donationes, promoventibus rem Episcopis & Abbatibus, qui typhum mundanum in Ecclesiam intrudere nitebantur. Decursu autem seculorum major cæpit esse à vera doctrina aberratio, in ritibus superstitio, in clero ignorantia, & vitæ improbæ licentia, ut reformationem quam maxime desiderarent omnia. Quam etiam benignissimus DEUS Saxonie nostræ superiori sæculo indulxit, ea per Martinum Lutherum ejusque discipulos effulgente veritatis divinæ luce, qua hodieque posteri gaudemus. Non sine gravi quidem tumultu, multoque sanguine effuso obtineri ea potuit, licetque non sine intimiore sensu legere omnia, quæ, & per quos acta sunt, uti cum alii, tum *Hermannus Hamelmannus* peculiaribus libris *Renati in Saxonia Evangelii* exposuit. Magnus quidem Princeps & belli gloria imprimis conspicuus, Henricus, junior dictus, Dux Brunsvic. & Lyneb. fixa à primis annis persuasione & amaro quodam zelo inductus, salutarem Saxonie reformationem aliquantum retardabat, cum sese Lutheri doctrinæ opponeret, & Smalcaldicis fæderatis arma, Deo tamen ita volente, infelicia ostentaret: Factum tamen est tandem, ut remitteret in  
fer-



fervidi ingenii Principe cum senili ætate æstus, & inter frequentes sacri codicis lectiones mitius sentire de iis inciperet, qui ad priorem puritatem revocare Ecclesiam nitebantur, suamque libertatem animis relinqueret. Quin constat, eum duos confessionis Augustanæ articulos de conjugio clericorum libero & communione sub utraque specie in oratione ad Philippum Hassiæ Landgravium libera voce approbasse; dubiumque in eare fuisse satis docet, quod accuratè apud Pontificem Pium IV. per procancellarium suum Ludolphum Halverium inquiri fecerit, qua de causa urgente Imperatore Ferdinando usum calicis permiserit, responso Pontificis ex authentico à Cl. *Georgio Calixto* antehac edito. Factum autem deinde est, ut non tantum filius Julius, puræ religioni, vivente adhuc patre, jam addictus, eam ubique per terras suas propagari faceret, sed nepos quoque Henricus Julius (quem ab Avo Henrico sibi commendatum à Præsulatu Halberstadenſis Ecclesiæ remove conabatur *Pius V.* Pontifex Romanus, ut ex ejus *Epistolarum l. 1. Epist. 14. 15. & l. 2. Epist. 3.* apparet) Halberstadenſis Episcopus factus, primus conjugii in sacro ordine libertatem, ducta Dorothea Saxonica, suo exemplo approbaret, & Ecclesiam, juxta puritatem primitivæ, reformaret. Mansit illa puritas in Saxonia nostra in hunc usque diem, manebitque, ut speramus, & precamur, in perpetuum, quamvis circa annum vigesimum nonum hujus sæculi gravis commutatio metueretur. Per Pacis Osnabrugensis æterna decreta dati quidem sunt Archiepiscopatus & Episcopatus Principibus hæreditario possidendi, ut antea exposui, sed Protestantibus, ideoque circa religionem mutatum nihil est, Archiepiscopatus tantum & Episcopatus in Ducatus & Principatus conversi, & cum antea electitii essent, hæreditaria successione certis Principibus dati, uti latius in Instrumenti Pacis tabulis ea exponuntur.

K 2

Sed



Sed jam ordo poscit, ut ad Civilem quoque statum & Leges Saxoniae manuductionem nostram protendamus. Dixi autem supra jam tum, Saxones Francis adunatos eodem modo gubernatos fuisse per Comites, & Missos primis Carolinis temporibus. Quorum Comitum in Saxonia nostra tum magnus quidem numerus, parva potentia fuit, intra juris dicundi terminos constricta. Successu tamen temporis alia illorum ratio esse coepit. Cum enim, ut supra de pagis dixi, alii minores, majores alii essent, & ita quoque Comites variarent, minores Comitatus cum majoribus in unum Comitatum amplum coierunt. Plures vero etiam Comitatus vel Episcopis vel Ducibus cesserunt. Unum notabile exemplum Comitatus, donatione Caesaris Henrici IV. ad Adalbertum Hamburgensem Archiepiscopum translatus, producam, ex quo patebit, Comitis tamen consensum ad istam translationem fuisse requisitum. Cum enim Caesar in principio diplomatis exposuisset, quomodo Adelbertus ipse enumeratione praestitorum officiorum, & per Principes plures, rogasset, ut sibi *Comitatum, quem in Emiscorva & Westphale situm Bernhardus Comes regendum utendumque susceperat, donaret*, haec addit: *Et quia ipsius Bernhardi Comitis ad hanc rem quaerendus erat assensus, ipsum vir sapiens pretio & precibus adduxit, ut praesens laudator & assensor existeret. Tum nos ipsi Archiepiscopo Comitatum eundem, ipso Bernhar-do Comite laudante & assensum praebente, Ecclesiae Hammen-burgensi donavimus & tradidimus.* Maxima autem contigit mutatio, quando Comitatus ipsi primum, dein Ducatus quoque facti sunt haereditarii, indulgentibus id Regibus, ut contra externos hostes omnia pericula promptius adirent, non aliena defensori sed sua. Quamvis autem maxima deinde Ducum Saxoniae esset auctoritas, ut Lotharii, ejus generi Henrici, & Henrici Leonis, plurimi tamen tum adhuc fuerunt Comites, sed sub Ducibus, ut ante expo-

fui.



fui. Tardius deinde factum est, ut multi planè perirent, alii sub Ducibus manerent, quidam in libertatem ita se affererent, ut immediatè sub imperio essent. Comites illos omnes enumerare, & quomodo mutatio cum singulis contigerit, ad plenam Saxoniam notitiam pertinet, hujus autem nostri nunc non est instituti: de Ducibus verò jam tum actum est supra.

Leges potius considerandæ nunc sunt, quibus Saxonia floruit olim, floretque. Quamvis enim posterioribus temporibus, ut in alias regiones Germaniæ, ita in Saxoniam quoque Juris civilis Justiniani usus pervenerit, tamen Carolino ævo & diu post longe aliter sese res habuit. Jam tum autem multa præclara de eare scripserunt viri eruditissimi *Frid. Lindenbrogius* præf. in Codicem LL. antiquarum, & *Hermannus Conringius* in eximio libro suo de Orig. Juris Germ. c. 13. addam tamen nonnulla ex mea observatione, cum præsertim illorum opiniones in omnibus approbare nequeam. Saxonum primorum, quando scilicet illorum ad nos pervenit notitia, ferociam & crudelitatem, barbarosque mores, usque ad Carolum M. jam tum supra notavi, patetque satis ex illo instituto, quo decimum quemque captorum piaculari sacrificio mactarunt, ut *Sidonius in Epist.* ad Nannatium scribit. Quid vero aliud expectares ab hominibus piraticæ assvetis? Suo tempore, id est Carolino, *Saxones neg, diuina neg, humana jura pollueret vel transgredi inhonestum arbitratos Eginhardus* scribit, quibus tamen notare ipsos, ut in toto capite illo, tanquam perfidos & fædifragos, quomodo etiam ab *Adelmo* in Annal. ad Ann. 785. vocantur, voluisse arbitror: aliàs oratoria magis locutione quam vera id dixisset, & planè non conveniente cum iis, quæ ex libris deperditis ejus excerpta nobis conservavit *Adamus Bremensis* Hist. Eccles. l. 1. c. 5. Locus egregius est de Legibus Saxonum, nec observatus viris doctis, mereturque huc integer legi. *Legibus etiam ad*



*vindictam malefactorum optimis utebantur. Et multa utilia atq; honesta in morum probitate studuerunt habere, quæ eis ad veram beatitudinem promerendam potuissent proficere, si ignorantiam creatoris sui non haberent, & à veritate cultura illius non essent alieni.* Harum legum mentio fit in Capitularibus Caroli M. de partibus Saxonie. In 1. c. 32. de *Perjuris secundum legem Saxonum*. In 2. c. 7. *secundum eorum Eva. & c. 10. secundum Euua Saxonum*, id est, leges. Poeta Anonymus auctor Annalium de gestis Caroli vocat *Leges Patrias*. Ex quo autem à Carolo M. subacti sunt, illæ patriæ leges, partim retentæ, partim aliæ à Carolo, ad Christianismum spectantes, adjectæ, ut videre est ex *Capitularibus Caroli M. de partibus Saxonie* à Reverendissimo Principe Ferdinando ex Bibliotheca Vaticana editis, & *legibus illis Frisorum & Saxonum* ab Heroldo publicatis & Codici Legum Antiquarum à Lindenbrogio insertis; factum autem hoc consensu ipsorum Saxonum, ut jam supra monui. Non eadem tamen leges fuerunt omnium Saxonum, sed, cum in tres populos essent distincti, *Westfalos, Angrarios & Ostfalos*, tres etiam diversas leges habuerunt, unde *triformi* ut *genere*, ita *lege* divisos fuisse ad sua usque tempora scribit Wichindus l. 1. Hinc in legibus Saxonum ab Heroldo editis distinctè scribitur. c. 7. *Ostfalai & Angrarii volunt*: deinde: *apud Westfalaos postquam mulier.* & c. 8. *hoc apud Westphalaos: dein apud Ostfalaos & Angrarios.* Ex quibus quidem locis colligi posset, *Ostfalaos & Angrarios easdem leges, Westfalaos tantum distinctas habuisse*, & ita non triformi sed biformi lege vixisse. Fortassis tamen non semper ita sese hæc habuerunt: parvâ ad nos dilapsa harum rerum notitia. Id tamen certo possumus asserere, proprias fuisse has Saxonum leges & à Francorum legibus distinctas, uti ex *concilio Triburiensi* non *iisdem*, uti *legibus Saxones & Francigenas*, scribitur *Decretalium. Epist. Gregorii l. 4. tit. 1. c. 1.* Non omnia



omnia tamen scriptis comprehensa, sed plurima ex consuetudine & usu apud eos facta & iudicata discimus ex historiis Saxonum & ex tabulis vetustis, in quibus frequens ad consuetudines & morem Saxonum fit provocatio: suo tamen, id est, Ottonum ævo, *diligentissime descriptam extitisse legem Saxoniam* scribit *Witichindus* l. i. Quantus autem deinde seculo 13. legum Saxoniarum & Juris Weichbildici Magdeburgensis cæperit esse usus & auctoritas, adeo præclare docuit Cl. *Conringius* libro illo de Origin. Juris German. ut ad illum lectorem remississe satis fuerit. Rectè etiam ibidem notat, in Bohemiam & Poloniam penetrasse Jus Magdeburgense, nec in Polonia sub Casimiro magno primum id receptum, sed jam ante sub Leskone nigro circa An. 1286. Potuisset vero altius etiam reperere illius in Polonia sedem ex *Cromeri* hist. Pol. l. 9. p. 167. qui jam tum sub Boleslao Pudico, qui A. 1279. obiit, urbi Cracoviensi id datum refert, his verbis: *Civitatem vero Cracovicensem Jure Saxonico sive Magdeburgensi, quod etiã Sredense seu Teutonicum vocant, quo pleraque oppida & vici & pagi utuntur in Polonia, stabilivit.* Ubi quidem, quid *Sredense* sit, non intelligo, arbitror autem legendum *Stedense*, ut sit idem, quod jus oppidanum, jus Municipale, jus Weichbildicum, *Stadt-Recht* / quod per excellentiã Saxonico illi aliquando tributum fuisse constat. De juribus, quibus Transalbiani Saxones, seu Nordalbingi usi sunt, itidem non est res satis clara, & meretur exponi. Suevos Transalbianos, per quos Holsati & Stormarii intelligendi videntur, aliis legibus, quam Saxones, usos, scribit *Witichindus* sub Ottone I. historiæ suæ lib. 1. Non diu tamen post ab Haraldo Daniæ Rege Transalbianos leges ac jura accepisse narrant *Adamus Bremensis* lib. 2. cap. 19. & qui eum sequitur *Helmoldus* lib. 1. cap. 15. Non videntur tamen diu illa Jura ab Haraldo data retinuisse. Quamvis enim adhuc, id est, ad sua usque tempora eos servare contendisse



tendisse tam *Helmoldus* l. c. quam *Albertus Stadenfis* ad an. 974. scribant, tamen fidem non merentur, quia ipsissima verba *Adami Bremensis* describunt, & proinde hoc intelligendum videatur de temporibus Henrici IV. quibus *Adamus* vixit. Quin ipse *Helmoldus* lib. 1. cap. 48. scribit tres esse Nordalbingorum populos, Stormaros, Holfatos, Thetmarsos, nec habitu, nec lingua multum discrepantes, *tenentes Saxonum jura*. Quorum autem Saxonum, Westfalorum an Ostvalorum? quoniam reticet, nescire & nos cogimur. Hæc autem sine dubio Saxonum jura fuerunt, quorum Holfati dein adeo tenaces, Danis cogentibus, ea dimittere, Danicaque recipere noluerunt, ut ex inedito *Helmoldi continuatore*, Bremensi presbytero, notat *Lambecius* *Rer. Hamburg. t. 1. p. 102.* In Urbibus tamen Nordalbingiæ factam sensim mutationem observare est. Nam & non paucae jus Lubecense deinde acceperunt, Holfatico seu Saxonico abolito, quod nec de urbe Hamburgensi negare velim, etsi dein an. 1258. à Johanne & Gerharo Holfatiæ Comitibus jus oppidanum, quod Wikbildesrecht appellatur, illis datum sit. Producit Diploma *P. Lambecius t. 2. Rerum Hamburgensium n. 175.* & deinde ostendere nititur, jus illud Wikbildicum esse jus Magdeburgense, cui consentit *Cl. Herm. Conringius. l. de Orig. Jur. Germ. c. 29.* Ego autem non in specie Magdeburgicum illud Municipale jus indigitari hîc puto, sed tantum municipale jus, quo tum temporis usi Hamburgenses in reliqua urbe, concessum illis etiam esse intra præscriptos terminos. Id quidem concesserim, seculo decimo quarto, conscripto jam illo Weichbildico Jure, quod hodie habemus, ubi Weichbildici juris mentio fit, non aliud quam Magdeburgicum esse intelligendum, ante tamen illa tempora quodvis municipale jus illo nomine denotatum arbitrator juxta originem seu significationem vocis, cum deinde translatam vocem ad jus municipale negare non audeat

*Gryphi-*



Gryphander l. de Weichbildis Saxonis c. 82. ratione etymologiae abunde refutatus ab Illustri Dn. Joh. Frid. Rhætio Disput. Juris. Publ. I. In privilegio Friderici II. Imp. A. 1226. Urbi Lubecensi dato hæc verba habentur: *Concedimus etiam eis insulam sitam contra castrum Travvenemunde, quæ Privolc nominatur, jure civitatis de cetero possidendam, quod Wibeleda dicitur.* Ubi primo aut ipsum Diplomatis Cæsarei auctorem male scripsisse, aut notarium male descripsisse, suspicor (ita enim editæ hæc tabulæ sunt, cum ante octodecim annos inter Magistratum Urbis amplissimum & cives controversiæ essent ortæ) cum omnino legendum sit *Wicbeld*, & ita etiam legatur in antiqua versione Germanica: deinde non intelligendum hic esse Magdeburgicum municipale, sed ipsum municipale Lubecense, quo utebantur. Et ita quoque jam tum *Wicbildico*, id est, municipali jure usos Hamburgenses, anno 1258. à Comitibus Holsatiæ dato, arbitror, qui deinde anno 1292. ipsi Magistratui potestatem condendi juris municipalis concesserunt, ut rectè notat *Lambecius*. Imprimis vero Wagriæ Urbs *Lybeca* jure suo florere, illudque aliis rogata impertiri coepit, ut *multas vicinas* (imo longè quoque remotas) *urbes ab ea leges, non minus atque ab Athenis Atticis Romam, accepisse, & hodieque observare*, rectè scribat Cl. *Conringius*. Mira sane in his versus Septentrionem locis, & non sine summo benigni Deibeneficio accidit mutatio, ut, quæ quondam aut planè non, aut sola sua Barbarie, memoranda erant, justitiæ & bonarum legum fama in longe remotis oris inclarescerent. Lybecam hoc nomine in Italia & Gallia Transalpina superiori seculo celebrem fuisse, ex incomparabilis viri *Julii Caesaris Scaligeri* Epigrammate discimus, quod breve, sed rotundum, & laudi urbis totum consecratum, non possum non apponere.

L

Si



*Si referam, mibi quis credat, sub limina mundi  
 Ultima, legiseri jura vigere Dei.  
 Ingenium, candorem animi, cultumq, fidemq,  
 Fortiaq, invicta pectora pura manu.  
 Dum mirata stupet terras Astræa relinquens,  
 Atque putat cæli regna, resedit ibi.*

Referenda autem est, me iudice, Juris Lubecensis Origo ad Henricum Leonem, Ducem Saxonie, & Urbis Dominum, quamvis à doctissimis Viris non tantum hac de re dubitari, sed & contrarium asseri observem. Dabo id patriæ meæ Urbis Lubecæ honori, & simul cultui, quo *Henricum Leonem*, Serenissimorum Dominorum meorum progenitorem prosequor, ut & in originem illius juris primam inquiram, Principemque, belli gloria maximum, illius quoque Juris auctorem esse ostendam, quod longè latèque dein ad mare Balticum diffusum fuit: quamvis inter initia tale non fuerit, quale nunc publicè prostat. In diplomate Friderici I. Urbi Lubecensi dato An. 1188. memorantur Jura ejus, dum permittitur civibus, ut quicumq, illorum supra quacunq, causa conveniatur per omnes imperii fines & per Ducatum coram loci illius iudice se expurget absq, captione secundum *jura jam dictæ civitatis*. In eodem conceditur singulari quadam gratia, ut quicquid intra civitatem sui juris postea emendare voluerint, emendare non obmittant. Quæ verba omnino de municipali jure accipienda sunt. In privilegio Friderici II. Imp. urbi An. 1226. dato, etiam horum fit mentio, & distinguuntur à consuetudinibus non scriptis: *concedit enim & confirmat Lubecensibus in perpetuum eorum jura & omnes bonos usus & bonas consuetudines*, quibus tempore Imperatoris Friderici avi sui felicitis memoriæ usq, tunc usi fuisse noscuntur. Et hæc jura à Friderico I. Cæsare Urbi ante



antequam eam intraret confirmata, scribit *Arnoldus Lubecensis* l. 2. Chron. Slavic. c. 35. loco satis noto, & à Viris *CLL. Job. Gryphiandro & Hermanno Conringio*, aliisque adducto & examinato: *Verum*, inquit, *priusquam ei* (Imperatori) *civitatem aperuissent, exierunt ad eum rogantes, ut libertatem civitatis, quam à Duce (Henrico Leone) prius traditam habuerant, obtinerent, & iustitias, quas in privilegiis scriptas habebant, secundum Jura Solfatæ, & titulos* (in Ranzoviano Codice habetur, *terminos*, & forte non male, quoniam in Privilegiis Imp. illa vox occurrit) *quos in sylvis, pascuis, fluviis, possederant, ipsius auctoritate & munificentia possiderent. Imperator vero annuit petitioni eorum.* Dubium autem videri possit, an ibi *Iustitia* denotet jus municipale, an tantum jus aliquod utendi sylvis, pascuis & fluviis circa urbem, quo inclinant *Conringius, Lambecius, Bangertus*. In Privilegio Hamburgensibus à Frid. II. An. 1232. dato, confirmatur illis à Comite Holfatæ concessum jus, *secundum antiquam iustitiam Lubecensium in bonis & jure suo*, ubi itidem *Conringius* ac *Lambecius* hæc verba accipiunt, ac si concedatur libertas tantum eodem jure possidendi sua, quo ex antiquo Lubecenses, cum de ipso jure id intelligi nequeat, quo scilicet unquam usos esse Hamburgenses, contra *Spangenbergium & Thracigerum* negant. *Adamus Thraciger* tamen, qui Urbis Hammenburgensis Syndicus fuit ad An. 1227, *Iustitiam Lybecensium* jus eorum municipale interpretatur: qui quamvis in temporum ratione vehementer erret, non videtur tamen jura Urbis suæ ignorasse. Quin in privilegio Adolphi IV. Hamburgensibus dati, quo à Patre Adolpho III. concessa immunitas confirmatur, in fine hæc leguntur: *Et in pascuis & in lignis ad comburendum libertate gaudebunt quam constat retroactis temporibus possedisse, & in reliquis jure fruantur Solfatensium, & Lybecensium.* Quæultima ita exprimuntur in privilegio Alberti, Comitis Orle-



mundæ, & aliquamdiu Holsatiæ, dato Hamburgensibus: *Et secundum justitiam Lubecensium in omnibus se habeant.* Et in privilegio Hamburgensibus An. 1264. à Gerhardo Comite Holsatiæ dato, apud *Lambec. t. 2. Rer. Hamburg. p. 165. Insuper omnem justitiam, qua Lubecenses in eorum civitate frui solent, præfatis nostris civibus conferimus & donavimus.* Verum, quicquid de Hamburgensibus sit & sensu verborum *Arnoldi*, si consideremus, quomodo ipsi Lubecenses non diu post, quando aliæ urbes ab illis jus municipale petierunt, & in scriptis acceperunt, publicè professi fuerint, se non libertatis tantum privilegia, sed ipsum etiam Municipale jus ab Henrico Leone habere, ab illis, hac in re fide dignissimis, & omni exceptione majoribus, antiquam hujus juris originem satis assertam arbitror. Non ego nunc adducam omnia, quæ de jure Lybecensi, aliis Urbibus Holsaticis & Wandalicis communicato, possent adferri, cum præsertim diligenter id egerit *Joh. Sibrandus*. part. I. Juris Publ. Lubec. sect. X. possintque reliqua ex historia dictarum urbium facile adjici. Quædam tantum adducam, ea, quæ hætenus contra alios asserui, probantia. *Anonymus Helmoldi continuator*, presbyter Bremensis, hætenus ineditus (apud *Cypræum* in Annalibus Slesvic. p. 252.) narrat, Adolphum IV. Comitem Holsatiæ, quem antea Hamburgensibus jure Lubecensi fruendi potestatem concessisse memoravi, An. 1238. *oppidanis in Jetzeboe dedisse privilegium habendi jus Lubecense, simulq; libertatem illi in oppido in pascuis & sylvis: oppidanis quoq; per terram Holsatiæ scilicet in Plone, Oldenborg & Kylone libertatem ac immunitatem concessisse à jure Holsatorum, constituisse ac attribuisse eis jus Lubecense.* Ubi *Jus Lubecense* appellatur, quod aliis *justitia*, distinguiturque ut à libertate in pascuis, *sylvis*, ita à jure Holsatorum, non secus ac apud *Arnoldum* à libertate in pascuis, & *sylvis*. Hoc jus tanquam melius, æquius & ad commercia aptius,



aptius, tanquam gratiam aliquam, per privilegium, concesserunt Principes civitatibus suis, fueruntque illius ita tenaces Lubecenses, ut postquam semel ab Henrico Leone acceperant, nec Friderico I. ante sese dedere vellent, quam libertatis & *justitiæ* hujus conservationem impetrassent, ut narrat *Arnoldus*, nec deinde Waldemarum Ducem, Regis Canuti fratris sui nomine eam obsidentem reciperent, quam de *suis legibus ac jure*, quomodo *usi fuissent semper*, cavisset, ut narrat *Pontanus* in histor. Danica. *Jus* autem suum, seu *justitiam* scriptam aliis petentibus dabant, procemiumque illi præmittebant, cujus exemplum, cum meam de primo Autore Henrico Leone sententiam probet, proponam, uti illud ex Authentico descriptum Topographiæ suæ Holsaticæ inseruit *Danckwertus*. p. 85. Anno Dominicæ Incarnationis 1243 regnante Serenissimo Domino nostro Friderico II semper Augusto, Jerusalem & Sicilia Rege conscribi fecerunt consules civitatis Lubecensis Civitati Tunderensi, ob honorem & dilectionem Domini Abel, illustris Ducis Juticæ & ad instantiam ac petitionem fratris Reinardi Ordinis Fratrum minorum Daniæ ministri & etiam pro dilectione Civium de Tundero *Justitiam* Civitati Lubecensi à glorioso fundatore dictæ Civitatis piæ memoriæ Domino Henrico, Duce Sæviæ, Bavaricæ, Saxonie, Angariæ & Nordalbingiæ, indultam & privilegiatam, postmodum vero à gloriosissimo Roman. Imperatore Friderico I confirmatam & suo stabilitam privilegio, deinde à Regibus, Principibus & Dominis approbatam & roboratam, nunc autem à Serenissimo Domino nostro Roman. Imp. Friderico II, Jerusalem & Sicilia Rege, qui nunc regnat, privilegiatam, stabilitam & confirmatam. Omnibus hanc *justitiam* servare volentibus gaudium sit & pax in Domino nostro Jesu Christo, qui est benedictus in secula seculorum. Amen. Quid clarius, quid apertius dici potest? An igitur adhuc dubitandum, num Lubecenses



censes tempore Friderici I. jure scripto municipali usi fuerint? Videntur vero tali semper usi esse proœmio Lubecenses, cum non absimile sit, quod præfixerunt Juri suo, A. 1254 ad instantiam Magistri & Fratrum Ordinis Teutonici in Livoniam illis & Urbi Memelenburgo misso, ubi etiam ab Henrico Leone, fundatore suo, datas sibi leges, à Friderico I. confirmatas, & novissimè à Friderico II. aurea bulla roboratas scribunt. Verba ipsa Germanica descripta *Job. Sibrandus* loco supra citato habet, ubi tamen pro Friderico I. malè scribitur Fridericus II. Quis vero jam amplius dubitet de Auctore Lubecensis Juris, cum ipsi Consules & Senatores Lubecenses Henricum Leonem agnoscant, illo tempore, quo sciri hæc adhuc potuerunt, nec memoriam hominum effugerunt, nec, cur fallere voluerint, ulla possit esse suspicio? Patet vero jam etiam, quænam sint illæ *justitiæ, quas in privilegiis scriptas habere Lubecenses* asserit *Arnoldus*, quarumque in Diplommatibus toties mentio fit. Verùm, postquam Auctorem hujus Juris ostendimus, id quoque inquirere non fuerit inutile, an Henricus Leo illud Jus conscribi primus fecerit, an aliunde acceptum Lubecensibus dederit, more non insolito, ut leges ab aliis populis, qui per eas aliquamdiu floruisent, fausto omine & paræ felicitatis secururæ præjudicio, peterentur. Consules Lubecenses simpliciter scribunt *Henrici Leonem justitiam indulgisse & privilegiasse*. Aliunde autem leges acceptas, probabile fit, ex loco citato *Arnoldi Lubecensis*, ubi notat, *justitias in privilegiis scriptas habuisse, secundum jura Sostatæ*. Ita enim habent constanter omnes codices. Ideoque vocem illam sollicitare noluit doctissimus editor *Arnoldi, Reinerus Reineccius*, sed conjecturis potius indulgere, adscripsitque in margine: *Forte Susatum oppidum intelligit*. Cujus conjecturam secutus *Avus meus in Not. ad Witichind.* scribit, jura Sostatæ, sive Sufatæ, à Sufato oppido ita dicta, in veteri Saxonia



nia plurimum viguisse, eaque Henricum Leonem, cui Susatium suberat, novæ urbi Lubecæ dedisse. An ex *Arnoldi* loco id tantum colligat (ubi tamen non nisi conjecturæ locus) an aliunde habuerit notitiam, haud scio. Secuti tamen sunt ejus sententiam plurimi, & hæc tanquam certissima tradiderunt, ut *Gryphiander*, qui lib. de Weichbildis Saxonis. c. 80. n. 15. scribit, se non potuisse indagare quale fuerit Susatense jus, nisi illud Jus Vehmicum vicinæ civitatis Tremonicæ redolere quis opinetur; à quo tamen toto cælo abfuit, si Lubecensis, æquissimi juris, fons fuit. *Danckwert*. Topogr. Hols. p. 216. scribit, Lubecense jus maximam partem ex Susatensi fuisse desumptum: *Jac. Andreas Crusius* Prolegom. in Statut. Mindensia c. 2. existimat, Mindenses, antequam anno 1256. peculiaria Statuta acciperent, jure Susatensi usos: omnes nullo argumento, inani conjectura, quæ tam facile rejici, quam proponi potest. Fuerunt igitur, qui pro *Sosatie* legerent *Holsatie*, quorum sententiam improbat Avus meus. Illam tamen etiam secutus est Celeberrimus *Conringius*, & auctoritate sua in assensum traxit *Lambecium* in Orig. Hamburg. t. 1. & *Bangertum* in Not. ad Arnoldum, utrumque virum itidem doctissimum. Verum, quas *justitias* dedit Lubecensibus Henricus Leo, & confirmavit Fridericus I. eas *secundum jura Sosatie* fuisse scribit *Arnoldus*; Holsatica vero jura à Lubecensi, diversa fuisse ex loco *Anonymi continuatoris Helmoldi* supra citato clarum est, cum ab Holsatorum jure immunitas concessa, & Lubecense datum, ut oppida melius florerent, memoretur. Extat vero diploma Adolphi IV. quo à Patre Adolpho III. concessam Hamburgensibus immunitatem confirmat, hac Clausulâ notabili: *Et in reliquis jure fruantur Susatensium & Lubecensium*. Quo quidem *Reineccii* & *Avi* mei conjecturæ plurimum confirmantur. Vidit, & adduxit has ipsas Adolphi tabulas *Lambecius* part. i. Orig.



1. Orig. Hamb. p. 101. verum & ibi pro *Susatensium* legendum putat *Holsatensium*. Quanta libertas ! quanta Critici licentia ! An probabile est, & in *Arnoldi* codicibus, & in illo Diplomate pariter, descriptoris errorem eodem modo intercurrisse, & pro notis vocibus *Holsatia* & *Holsatensium*, utrobique ignotiores illas *Sosatia* & *Susatensium* substitutas ? credat, cui libitum est : non ego. Mihi propter illas tabulas recte se habere lectio in *Arnoldo* videtur, exq; illis hunc explico, cumque nullum sit Susatum, nisi illud in Westfalia, in illa urbe, jam tum Leonis ævo celebri & florente, jus aliquod viguissè credo, quod Lubecensi ortum dederit. At, inquis, quomodo ex Westfalia in Wagriam remotam jus illud pervenit ? Per Henricum Leonem, utriusque Ducem. Occasio vero inde etiam existerè potuit, quod in terram Wagirensè à Comite Holsatiæ vocati venerint Westfali, & incoluerint pagum Dargunensè, ut annotat *Helmoldus* l. 1. c. 57. quamvis deinde à Slavis vastati : quod itidem in vicinam terram Polaborum à Comite Raceburgensi Henrico adducta narretur multitudo populorum de Westfalia ab eodem *Helmoldo* l. 1. c. 91. Quinimo in Annalibus patriis inter primos Senatores Lubecenses, non tantum An. 1156. Dietricum de Harlau ex Westfalia, Johannem de Kahmen ex Unna, & Giesebrechtum de Warrendorf reperio, sed etiam Volkwinum de Susato & Hermannum de Susato An. 1161. Cur igitur in tanta Westfalorum & Susatensium copia in Wagria non potuerit Jus Susatense innotescere, recipi, & à Duce, Urbis Susati domino, peti, impetrari & confirmari ? Habuerunt vero Westfali etiam suas leges, ab Ostfalis & Angrariis distinctas, uti supra ostendi ex illis Saxonum Legibus, quæ in corpore *Lindenbrogiano* extant. Ubi quidem, cum in Leg. VIII. hæc verba inveniam : *De eo quod vir & mulier conquisi-verunt, mediam portionem accipiat, hoc apud Westfalaos. Apud Ostfa-*



*Ostfalaos & Angarios nihil accipiat, sed contenta sit dote sua*, mirari subiit, cur Westfalis potius, quàm vicinioribus Ostfalis similia statuta sint in *jure Lubecensi*, part. 2. tit. 2. art. 12. Conjectura igitur fortassis non absurda dixerim, hæc cum aliis ex antiquo jure Westfalico, & in specie Sufatensi, in jus Lubecensè fluxisse. Sed de his satis.

Recensendi tamen adhuc sunt, ut instituto meo serviam, (quamvis non paucos jam tum memoraverim) & quidem aliquo ordine temporis observato, Scriptores illi, qui à Carolo M. ad nostra usque tempora Historiam Pragmaticam Saxoniae, res scilicet pace & bello memorabiles, exposuerunt. Utinam autem non defuissent Saxoniae nostrae magna Scriptorum ingenia, fortassis haud alia terrarum pars esset celebrior, aut facundior Heroum mater censeretur! Ita enim ferè sit, ut tanta habeatur à posteris cujusque virtus, quantum verbis eam potuerunt extollere disertissimi viri. Cogimur interim contenti esse iis, qui quomodocunque & ruditer simpliciterque scripserunt, sed dolemus non eos omnes ad nos pervenisse temporum injuria, & incuriosi ævi negligentia: tanta proinde majori laude dignis, qui hoc & superiore seculo ex claustris cum tineis blattisque certantes & semper corrosas chartas publicis typis exposuerunt, reliquisque MStis pretium majus & accuratiorem custodiam conciliarunt. Antiquissimum rerum Saxoniarum sub Carolo M. & Ludovico Scriptorem habemus *Eginhardum* vel *Eginhardum*, Caroli Capellanum seu Cancellarium primò, dein Monachum & Abbatem Selistadiensem, non Saxonem tamen, sed Francum Orientalem ex nemore Ottonio oriundum. Scripsisse illum *Gesta Caroli*, non tantum ex *Lupi Abbatis* ad eum epistola, *Adamo Bremensi* & *Sigeberto Gemblacensi* scimus, sed etiam ipsum illud opus, ab *Hermannno Comite Nuenario* primùm editum, vitam Caroli continens, habemus, cum in omnibus codicibus MStis non

M

alium

legen-  
Critici  
, & in  
modo  
tensi-  
substi-  
pter il-  
, exq;  
illud in  
& flo-  
ortum  
agriam  
n, utri-  
potuit,  
cati ve-  
m, ut  
vis va-  
Comi-  
do po-  
Quin  
ibecen-  
estfalia,  
de Wa-  
& Her-  
estfalo-  
us Sufa-  
lomino,  
Westfali  
, uti fu-  
corpore  
eg. VIII.  
quisi-ve-  
s. Apud  
Ostfa-



alium titulum habeat, quam *Gesta Caroli*. Discimus tamen præterea ex *Adamo Bremensi Hist. Eccles. c. 30. Einhardum dulci calamo gesta Saxonum prosequutum*; quod quidem opus, insigni Saxonica Historica jactura hodie dependitum, suo ævo *Adamus* habuit, & ex eo Excerpta quædam initio historiæ suæ nobis dedit. *Scholias* *Adami* huj<sup>9</sup> refert, *Einhardum ex Capellanis Caroli Imp. vitâ ejus descripsisse ac bella Saxonum*. Nescio autem, an ille Anonymus, nec satis vetustus, Scholias accutate satis de titulo libri loquatur, & an ipse legerit, & an non idem sit cum eo, quem de Gestis Saxonum memorat *Adamus*. Quicquid autem sit, periit ille, quantum mihi constat. *Annales enim Francorum*, ab eodem *Nuenario* publicatos, nec pro hoc desiderato libro habere, nec ab *Einhardo* scriptos doctis concedere possum, nullo in iis *dulcis illius calami*, *Adamo* memorati, extante vestigio. Contenti igitur esse illo libro, quo vitam *Caroli* descripsit *Einhardus*, cogimur esse, in quo etiam de Saxonibus agit, & *Caroli bello Saxonico*, paucis quidem, cum alibi latius id egisset, sed nervosè. Primum autem hujus scripti editorem *Hermannum Comitem Nuenarium*, doctrina non minus, quam genere illustrem & integerrimum virum, culpam *Marquardus Freherus*, quod non in edendo toto contextu antiquum codicem simpliciter secutus fuerit, sed ævi illius qualemcunque phrasin floridiore passim permutaverit; in quo *Freherus*, quamvis non nominet, secutus parum mutatis verbis idem monet *Job. Gerhardus Vossius*. Defendit vero *Nuenarium* & ab hac culpa liberare nititur, & ne unum quidem apicem à MStis abiisse asserit in commentario suo ad *Einhardum* eruditus & longiore vita dignissimus Vir *Fridericus Besselius*. Non est autem hic de toto Scriptoris modo, integroque stylo qui elegans, & in quo *Svetonii* imitationem dudumprehendit *Isaacus Casaubonus*, quæstio, sed de vocibus tantum quibusdam, quæ puritatem



tatem licet affectanti, Romanosque Scriptores imitanti, tamen à seculo adhæserunt, & vitari non potuerunt, quas elegantioribus & Latinis melioribus mutatas ferre non potuit *Freberus*. Has autem *Nuenarii* editoris opera alicubi accessisse, cum in MStis non habeantur, etiam suspicor. Ipse, cum ante viginti quatuor annos Florentiæ Serenissimi Magni Ducis clementia, parariis nobilissimis & eruditissimis Viris, quos plures tum Florentia habebat, & ex quibus adhuc superest Illustris *Magliabechus*, laude mea major, Laurentianæ Bibliothecæ MStis Codicibus uteretur, inveni scanno LXV. membranaceum Codicem antiquum, quo præter alia continebatur *Einhardi* opus sub nomine *Gesta Caroli*, cum quo editum diligentissime contuli, & variantes has lectiones cum modo dicto *Besselio* communicavi. Observavi autem non paucas voces & phrasas in *Nuenariana* editione mutatas, ut vel in uno capite VII. de bello Saxonico, ubi pro *vicissitudinem reddere*, *vices reddere*, pro *non sit ut satis aestimare*, ut non facile aestimare possis, pro *donec, usq; dum*, pro *parvulis, liberis*, secus ac in MSto habetur, licet videre. Ut ita recte quidem se habeat *Freberiana* observatio, non tamen adeo graviter peccarit *Nuenarius*, qui in iis, quæ ad historiam pertinent, nihil mutavit: quamvis in alieno opere ingeniosus esse nemo debeat, & illi medii ævi scriptores suo stylo & juxta formulam ævi non immutata scribendi ratione omnino publicandi sint. Manet igitur sua laus *Eginhardo*, optaremque, ut reliqua ejus de gestis seu bellis Saxonum extarent. *Wolfg. Lazius* de Migr. gent. l. 3. p. 50. *Werymberti* S. Galli Abbatis librum, quem de bellicis gestis Caroli M. ex relatione Adelberti cujusdam militis, qui omnibus Caroli gestis interfuerat, scripsit, inter alia multa repertum, & ex situ à se erutum memorat: publicæ tamen luci expositum eum haud scio, quamvis sine dubio de gravissimo quoque Saxonico Bello Caroli egerit. Extant vero *Annales Francorum* à *Nuenario* itidem editi, ab aliis male *Eginhardo*, ab aliis *Adelmo* vel

M 2

Adema-



*Ademaro* monacho adscripti, qui, quemcunque etiam auctorem habeant, res Caroli in Saxonia gestas non parum illustrant. In omnibus etiam aliis Caroli & Ludovici Pii rerum Scriptoribus, à Germanis pariter & Gallis passim publicatis, non tamen à me hîc memorandis, reperire nonnulla huc pertinentia licet. Unius tamen iterum mentio facienda, quem aliquoties memoravimus, Poetæ, Arnulpho æqualis, quem Paderbornensem fuisse verosimiliter conjicit *Ferdinandus* Episcopus Monum. Paderb. p. 47. Is enim primus omnium Saxonum est, cujus ad nos historia pervenerit, qui quamvis Annales Francorum modo dictos & Eginhardum sequi & solutæ orationi ligatam tantum substituere videatur, tamen non pauca habet aliis planè indicta, vel non eo modo dicta, quæ sine dubio ex aliis libris *Eginhardi* deperditis deprompsit, ceu primus editor *Reineccius*, cum in præfatione, tum alibi in notis ostendit, ut non tantum ipse annalium conditor ab Historiæ Patriæ amantibus legi debeat, sed Reineccianæ quoque amplissimæ notæ, quibus plurimum Veteris Saxonie historia illustratur. Quando deinde Saxones ad Regni Germanici & Imperii apicem in Henrico ejusq; filio & nepotibus Ottonibus pervenerunt, res illorum illustriores diligentiore quoque considerationem merentur. Nacti vero tum sunt egregium scriptorem *Witichindum* Monachum Corbejensem, qui Henrici & Ottonis M. res gestas accurate & fideliter, συγχερονς eorum & ἀνέκδοτα pene, iis Annalibus explicuit, qui hodieque ex reliquis ejus scriptis supersunt, quosque altera vice *Reinerus Reineccius*, tertia avus meus *Henricus Meibomius* edidit, ope MSti codicis adjutus, additis notis Historicis pluribus, quas placuisse viris doctissimis & harum rerum peritis non tantum ex iis, quibus eas mactant, elogiis didici, sed etiam inde colligo, quod alii, tacito nomine, non paucas ejus observationes suas esse voluerint. Addidit vero isti editioni suæ *Roswithæ* quoque



quoque Monialis Gandersheimensis Poema, & alia Ottonum historiam illustrantia, quæ rerum Saxonicarum cupidis diligenter evolvenda sunt. Post quos memorandus est merito suo, ex illustri Comitum Saxonie Walbeccensium domo, *Dithmarus*, Episcopus Mersburgensis, qui Chroniconum libris VIII. Impp. Saxoniconum, Henrici, Trium Ottonum ac Henrici II. res gestas complexus est, scripsit vero eam An. 1017. Omnium primus ille est, qui ex Germanie optimatibus historie patrie scribende manum admoverit, velleo nomine suspiciendus. Quo autem genere ortus, & quantum ex illo proficere liceat, jam tum præclare primus editor ejus *Rein. Reineccius* in præfatione exposuit. Sæpe tamen, quando ipsum evolvo, in mentem mihi venit iudicium *Philippi Melanchtonis*, qui eum nondum editum, *Spalatino*, à quo An. 1530. legendus datus, his verbis remittit: *Quod inspicendum mihi dedisti Historicum Mersburgensem, gratiam tibi habeo: nam humanitate tua delector. Historicus ipse minus me delectavit. Miror, homines aulicos ne vidisse quidem, quæ res essent mandandæ litteris. Nugas ceremoniarum recenset, res graviores prætermittit.* Sed hæc seculi istius labes. Recudi *Dithmarum* nuper fecit diligentissimus Vir, amicus quondam noster, *Job. Joachim. Maderus*, sed imperfectum secutus exemplar Reineccianum. Extat autem ipsum *Dithmari Autographum* in Electorali Saxonica Bibliotheca, cum quo collatum exemplar possideo, cujus integritatem colligere licet ex iis lacunis, quas in Notis ad Witichind. & in Chron. Walbeccensi supplevit Avus meus. Operæ vero pretium est, ut ad cognoscendam sub Henrico & Ottonibus Saxoniam historiam recentiores etiam addantur, qui ex vetustis monumentis Imperatorum eorum omnia collegerunt, & collecta digesserunt, examinaruntque, quos inter imprimis laudo, multis aliis nominibus celeberrimum, *Job. Henricum Bæclerum*, in



Serie Germanicorum Cæsarum, cui magno iudicio scriptum commentarium adjecit: & *Johannem Conradum Dieterichium*, qui magnam diligentiam Romanorum quorundam Imp. historiæ impensam ad Saxonicos quoque Reges & Imperatores feliciter extendit. Utinam vero tandem prodirent, quæ illustris & magnæ dignitatis Vir, *Johannes Philippus à Voerburg*, Præpositus monasterii grandis vallis, consiliarius Moguntinus & Herbipolensis, cum ad omnis historiæ Germanicæ, tum Saxonicæ imprimis, illustrationem dudum promisit. Uti enim Vir ille in tanta dignitate, tot inter Reip. curas & ejus causa obitas legationes, incredibilem Historiæ Germanicæ apparatus sine exemplo congeffit, tot documenta situ & squallore obsita ex monasteriorum Principumque Archivis eruit; sic exactissimum ipsius iudicium & imprimis *Φιλολογία*, quæ in duodecim integris Tomis præliminaribus nulla non pagina apparent, omnes rei peritos incitant, ut ab hæredibus tantum opus, ad Germaniæ & Saxoniam æternum decus, exposcant. De quo maximo viro antequam sermonem claudam, non possum non publici boni causa quædam notabilia verba ex inedita vita ejus, cujus brevem consignationem ipse senex fecit, hîc apponere: *Quas molestias, sudores, labores in iis (operibus scilicet historicis concinendis) sustinuerim, dici vix potest, & tamen in his etiam, scribendæ historiæ difficultate, cura, sollicitudine, vigilantia, incommodo, sumptu & opere quotidiano, tam duro, difficili & arduo nunquam fractus fui. Quin ad hanc usq. horam, eadem qua ab initio, voluptate teneor, nec à molestiis, curis, sumptu, objici mihi moram patior. Vnum miror, quod, quando interdum, in uno aut altero loco, ex documentis situ & pulvere obsitis, & forsitan nunquam lucem aspecturis, sed inter tineas & blat-*

tas

tas tandem perituris, notitias quasdam peto, id à nostris Principibus, qui tamen aliàs vanæ gloriæ, sed non diu duraturæ, tantopere student, & imprimis etiam Ecclesiasticis, id planè non aestimetur, veluti Archidia ipsorum perpetua futura, & tot imperiorum, ex quibus nullum amplius Archivium exstat, & pro his sola Historia defectum supplere debet, sortem nequaquam subitura essent: quod ego saepe valde ridere debeo. Egregiæ & liberæ & tanto viro dignæ voces! Sed ad Henrici IV. tempora nunc delabor, cuius historia tanto magis Saxones nostros tangit, quanto crudelius & diuturnius fuit Bellum civile ab ipso contra Saxones gestum. Bonum vero factum, quod illorum temporum Historicum habeamus, Hersfeldensem quidem cænobitam tantum, sed virum rerum seculi peritissimum & prudentia insignem, Lambertum Schafnaburgensem, quem ultra ævum sapere, antiquis multis parem, recentioribus plurimis superiorem omnes fatentur, nec in eo temere aliquid culpant, præterquam quod studio Romani Pontificis Henrico IV. Imp. videatur iniquior. Extant vero alii etiam, qui de bello illo Saxonico seorsim commentati, ut Bruno, editus à Frehero. Reliqui aliis Henrici IV. rebus gestis immerfas Saxonicas obiter narrant. Non tamen ego nunc omnes illos, qui Henrici temporibus vel ab ejus parte, vel pontificis, historiam scripserunt, ad examen vocabo, cum alterius id sit operæ, unius tantum *Anonymi*, cujus de *vita Henrici* scriptum, sæpius recusum habemus, propter Reinerum Reineccium nostrum faciam mentionem. Non audebant metu Romanæ Curia, qui de Henrico vera commentari volebant, nomen suum addere, ideoque *ἀνώνυμος* quidem apparet, Melchior tamen Goldastus valde fecit verosimile, Otbertum, seu Obertum Leodiensem Episcopum esse



esse Auctorem : quicquid autem sit, Auctorem illum fuisse non ex plebe aliquem, ne ex minori quidem nobilitate, sed ex optimatibus & Principibus Imperii, potentem in Cæsaris palatio, familiaremque ipsi, satis legentibus manifestum est. Hunc libellum cum Epistolis Imperatoris ad diversos Reges Principes & Episcopos *Helmoldo* Bosoviensi à se locupletato adjecit, & Francofurti apud *Wech lum* a. 1581. excudifecit *Reinerus Reineccius*, bono publico juvando & Historiæ illustrandæ natus vir. Cum igitur in vastis suis Ecclesiasticis Annalibus (suo merito multum alioquin æstimandis) ad Henrici IV. tempora pervenisset eminentissimus Cardinalis *Baronius*, sine omni fronte, pudore, & verecundia ita scribit : *Qui nuper edidit vitam Henrici hujus, auctor idemq. promulgator Bennonis in Gregorium Papam calumniis conferti voluminis egregii mendaciorum contextoris opus, quod sepe superius contigit rationibus apertissimis refutari, hic, inquam, confartor imposturarum, commentitias quasdam litteras ad Annonem Colonensem Archiepiscopum, de indictione Concilii Vormatiensis post Henrici ejusdem vitam apposuit. De quo alterum de duobus dicendum est, vel quod ipse eos commentus sit stylo mendaci, vel, si ipse non fecit, sed ut eas invenit antiquitus scriptas, edidit bona fide (si in malo animo potuit esse bona fides) nunc summæ oscitantæ, obtusi ingenii redarguendus idem est homo, qui adeo manifestam falsitatem, sui planè magnitudine portentosam non cognovit* Margini autem paragraphi sequentia adscripta sunt verba : *Reinerus damnatus auctor jure perstringitur, qui historiam de vita Henrici IV. & de vita Gregorii VII. ex Bennone edidit, eusam Francofurti*

*cofurti Anno Domini. 1581.* Volui ipsa Baronii verba, plu-  
 ra licet, adscribere, quoniam penè sine omni exemplo inno-  
 centissimus homo tam atrociter perstringitur, ut jam osten-  
 dam. Non nunc tamen de veritate historiarum, in illa vita &  
 Epistolis contenta, agam, re jam sufficienter ab aliis dispu-  
 tatâ, sed tantum à *Reineccio* eas non confictas aut primum  
 publicatas docebo. *Johannes enim Cuspinianus*, Medicus, Ma-  
 ximiliani I. Orator & Urbis Viennensis præfectus, ubi in  
 Historia Cæsarum de Henrico IV. agit, circumferri vitam  
 Imp. eleganter perscriptam ab incerto auctore, ab *Aven-*  
*tino* Reginoburgi in æde D. Hemerani repertam ac publi-  
 catam cum Epistolis quibusdam ad Regem Franciæ, Prin-  
 cipes, & Episcopos scribit, easque *legendas studiosis com-*  
 *mendat, ut res gestas cognoscant.* Editæ sunt ab Aventino  
 Augustæ a. 1518. *Cuspinianus* vero obiit A. 1529. duodecim  
 annis ante natum *Reineccium*. Post *Aventinum*, se-  
 xennio tamen ante natum *Reineccium*, *Ortwinus Gratius*  
 in Academia Colonienfi Professor, in libro, qui inscribi-  
 tur *Fasciculus rerum expetendarum & fugiendarum*, hanc  
 etiam Vitam Henrici publicavit, lectorem advertens, in  
 eâ admiranda quædam lecturæ, digna & rara admodum reperiri.  
 Biennio autem ante, octo ante *Reineccium* natum annis,  
*Johannes Hermagius* Typographus Basileensis, operâ *Mar-*  
*tini Frechti*, cum *Witichindo*, Monacho Corbejenfi, Vitam  
 Henrici & Epistolas illas ediderat. Et tamen à *Baronio*  
*Reineccius*, tamquam malæ fidei homo traducitur, & con-  
 fector imposturarum audit? Vix credibile est, *Baronium*,  
 helluonem librorum, qui suis βιβλιοθήκη ἐμψυχος ἔχει καὶ περιπαλοῦς  
 αὐτοῦ αὐδῶν audit, ignorasse hujus scripti editionem, nec legis-  
 se, quæ de eo refert Augustæ Historiæ scriptor *Cuspinianus*.  
 Sanè, aut extrema est hæc malitia, aut cum turpi oscitan-  
 tia conjuncta insultandi bonis libido. Verùm è diverticu-  
 lo in viam, Magnus auctoritatis Imperii Germanici af-  
 fertor

N

fertor



fertor *Melchior Goldastus* in Apologia pro Henrico IV. contra Gregorium VII. inter alios publicavit *Anonymum* Poetam *de bello Saxonico*, supra memorato Brunoni, qui pontificis partes sequitur, opponendum, cujus omnino utilis lectio est, cum rebus gestis interfuisse, & in comitatu Imp. vixisse, cum existimatione aliqua & auctoritate, ex ipso libello manifestum sit. Non possum vero non etiam laudare CL. *Georgii Schubarti* Henricum IV. Imperatorem in exemplum turbatæ reip. propositum, ubi sub finem Saxonicum illud bellum ex idoneis scriptoribus egregie explicat, & prudenter considerat. Quæ sub Lothario deinde & Svevicis Imperatoribus in Saxonia acta sunt, non quidem seorsim à quoquam exposita leguntur, *Helmoldus* tamen, sæpius à nobis memoratus, qui illis circiter temporibus vixit, ejusque continuator *Arnoldus*, Lubecensis Abbas, sæpius mihi antea memorati, non pauca nos docent, de iis potissimum, quæ ultra Albim ad mare usque contigerunt: quibus, ut veritas magis pateat, jungi potest, *Saxo Grammaticus*, Saxonibus tamen fortassis paullo iniquior, qui licet data opera res Danicas describat, sæpius tamen vicinas Saxonicas illis admiscet. Quoniam autem illius temporis, seculi intellige duodecimi, Historiæ Saxonicae maximam partem faciunt Henrici, Leonis dicti, res pace & bello gestæ, infelixque casus, & hinc secutæ in veteri amplissima Saxonia Principatuum mutationes, non tantum *Helmoldus*, & *Arnoldus* de eo legendi sunt, sed etiam *Gerhardi*, Præpositi Stederburgensis, Ducis ad Cæsarem Legati, de postremis ejus rebus gestis & excessu *Historia*, quam primus è tenebris eruit Avus meus, qui & in diffusioribus additis notis & etiam alibi, & imprimis in *Historia Bardovici*, maximi illius & incomparabilis Ducis res gestas plurimum illustravit. Ottonis vero, Henrici Leonis filii, qui ad culmen Imperiale, exemplo Proavi sui

materni

IV. con-  
onymum  
oni, qui  
omnino  
comita-  
tate, ex  
on etiam  
ratorem  
nem Sa-  
egie ex-  
io dein-  
nt, non  
Hmoldus  
tempo-  
nsis Ab-  
docent,  
e conti-  
test, Sa-  
paullo  
at, sæ-  
tioniam  
Historiæ  
onis di-  
ne secu-  
tationes,  
di sunt,  
ucis ad  
u Histo-  
in diffu-  
a Histo-  
ucis res  
ici Leo-  
pavi sui  
materni

materni Lotharii, per mille quamvis difficultates, perve-  
nit, historiam, quæ in seculi duodecimi finem & deci-  
mi tertii initia incidit, non parvis quoque in clementis ab  
Avo meo aucta est. Cum enim non Itali tantum, &  
Papæ additi, sed ex Germanis *Conradus à Lichtenau Ab-*  
*bus Urspergensis*, *Johannes Cuspinianus*, *Sebastianus Mun-*  
*sterus*, *Casparus Peucerus*, *Horatius Tursellinus*, aliique  
plures, optimum Principem, & juris Imperatorii studio-  
sissimum, falsis criminationibus & convitiis onerare & in-  
sectari non fuissent veriti, Avus meus longam pro Ottone  
Apologiam, jam senex, conscripsit, & ex ipsis fontibus rei  
veritatem, detectis aliorum mendaciis, exposuit, quæ  
magno intelligentium applausu excepta fuit. V. CL. *Bæcle-*  
*rus* notis in *Æneæ Sylvii* Frid. III. p. 138. Apologiam Mei-  
bomianam non tam de Imperii statu exhibendo, quàm de  
Imperatore Saxone purgando laborare scribit, cum tamen  
Otonis non tam privata, quam publica, eaque ma-  
ximi momenti acta recenseat & defendat Avus meus,  
quæ Imperii status magna pars sunt. Non tamen ple-  
nam voluit ejus historiam dare Avus, nec quæ in A-  
pologia narrantur, ad Saxoniam omnia pertinent,  
ideoque ad alia pergo. Post Otonem IV. in Chronico  
suo, quod in Anno MCCLVI. finivit, *Albertus*, Mo-  
nachus Benedictinus & Abbas Stadenſis cænobii, res  
Saxonicas quoque memoravit, dignus, qui legatur, quo-  
niam, quamvis in alijs *Witichindum*, *Adamum Bremensem*,  
*Helmoldum*, *Urspergensem*, aliosque, ne mutatis quidem ver-  
bis, describat, interdum quoque ad nugas & fabulas delaba-  
tur, multa tamen egregia, & propria, & aliis indicta, in  
Principum Saxoniae Genealogiis habet. Multa illi debet  
*Crantzii*, multaque ex illo, in Metropoli præsertim suam,  
transcripsit, quod dudum observavit *Matthias Flacius* Illy-  
ricus, in tractatu de translatione Imperii Romani ad Germa-  
nos,



nos, quamvis nomen Alberti non addat. Ignotus tamen reliquis omnibus erat, donec eum ex Bibliotheca Ranzoviana publico bono ederet An. 87. superioris seculi *Reinerus Reineccius*, adspersis alicubi eruditis notis: quas quidem *cautissimè legendas ob justam suspicionem Autoris* monet in *supplemento de Scriptoribus Ecclesiasticis* nuperus industrius scriptor *Casimirus Oudinus*, scilicet, quia Gregorii VII. artes alicubi detegit & perstringit; fortassis tamen sine causa, nam ego tanto diligentius eas legendas propterea moneo, quia *Albertus* Henrico IV. Ottoni IV. & Frederico II. Imp. alicubi videtur iniquior: continent vero *Reineccii* notulæ, præfationes, & additamenta, multa etiam alia, ut solent, Saxonica Historiæ illustrationi servientia. Et habemus nos in Bibliotheca Academiae Juliae MStum *Albertini Chronici* exemplar, cum supplemento, & forte eundem codicem, cujus meminisse dixi *Flacium*, cum illius præstans Bibliotheca aliqua sui parte in nostram concesserit. Pertinet vero huc, & multam lucem rebus Saxonis ab Anno MCXXIV. ad MCCXXV. affundit *Anonymi Chronicon Montis-Sereni seu Lauterbergense*, cœnobii B. Petri in Episcopatu Magdeburgensi, quod, quamvis sæpius à CLL. Historicis Saxonis *Joh. Albino* & *Georgio Fabricio*, adduceretur, intra illorum tamen manus delitescerebat. Factum autem est, ut ad magnum JCrum & Historicum *Marquardum Freherum* perveniret exemplar, qui Avomeo, Amico suo intimo, id Anno 1600. transmisit, eique, ut cum Saxonis suis scriptoribus ederet commendavit, qui etiam sua manu ex MSto, mox remisso, descripsit & ad editionem paravit. Perit autem illo mortuo, cum aliis MStis, in fatalibus illis belli turbis, sed ita feliciter perit, ut in manus Magnifici & Historiæ Patriæ amantissimi Viri, JOHANNIS SCHWARTZKOPFII, Ducis Brunsv. & Lyneb. Cancellarii meritissimi, incideret, qui suo ære redemptum

demtum à militibus, & diligenter aliquamdiu' asservatum, tandem Cl. Viro *Job. Joach. Madero* dedit, qui, post tam varia fata, egregium rerum Saxonicarum annotatorem, typis Academiae nostræ ante XI. annos reviviscere fecit, additis non paucis aliis, itidem ad Saxoniam historiam facientibus. Seculo XIV. *Henricus de Hervordia*, ordinis Prædicatorum monachus, de *Temporibus & Rebus Memorabilibus* Librum scripsit in Ætates distinctum, ab orbe condito ad sua usque tempora, id est seculi XIV. medium, qui in posteriorum seculorum & sui ævi historia multa de rebus Saxonis egregia & alibi non obvia, veteris imprimis Saxonie, narrat. *Trithemius* male nominat *Erfordensem*, quem sequitur *Vossius*, cum fuerit ex *Hervordia* in Westfalia, Monachus Dominicamus ædis San-Paulinæ in urbe Mindensi. *Hermannus de Leerbeke* in Chron. Schaumburg. vocat eum magnum & doctissimum virum. In *Chronico Mindensi* memoratur, eum post labores, quos in studendo dictandoque desudaverat An. 1370. obiisse sepultum ante ostium chori ambicum versus, de voluntate autem ac mandato Caroli IV. exhumatum & ante altare majus denuo sepultum, unde facile conjicere licet, magni nominis & existimationis virum fuisse. Rerum certe Saxonicarum diligentissimus est scriptor, & ab omnibus post eum chronicariis describitur, non ramen hætenus lucem vidit, sed in quarundam Bibliothecis, & mea quoque, asservatur MStus. Seculo XV. *Hermannus Kornerus* Lubecensis, itidem Dominicanus Monachus, Historiam ad An. 1435. scripsit, qui, quamvis in rebus Saxonis Slavicisque *Helmoldum* & *Arnoldum*, ne mutatis quidem verbis, describat, parte secunda quoque fateatur, se usum *Henrico de Hervordia*, tamen non parca in eo singularia, ubi ad sua tempora pervenit, invenias. Non est autem hætenus editum opus, sed alterum Lubecæ, alterum Lyneburgi, duobus integris tomis, nitide scriptum asservatur,



servatur, quo utroque usus sum. Uti vero ex *Körnero*, ea potissimum haurire licet, quæ in inferiore Saxonia & Transalbiana contigerunt, ita sæculi hujus initio vir præstans *Gobelinus* Persona in Cosmodromio pluribus nobis exposuit res in veteri Saxonia, id est, in Westfalia gestas, quem cum alii excerptissint, suisque Chronicis inseruissent, ut in *Chronico Magno Belgico Monachi Nussiensis à Pistorio* edito videre licet, *Crantzius* vero, non nominatum sæpius in Metropoli sua descripsisset, Avus meus dignum judicavit, quem ex MSto primum ederet, ubi de Autore non pauca præfatus est, egoque in novissima editione alia addidi. Citat *Gobelinum* etiam *M. Theodoricus Engelhusius* Saxo, qui Chronicon ab orbe condito An. C. clccccxx. circiter scripsit, in quo prima quidem vulgaria & nullius momenti, non pauca etiam nugæ; in ultimis tamen reperias non pauca, quæ Saxoniam illustrent. Multis citatum publicavit tandem *Cl. Maderus*. Excerptit scilicet sua ex scriptoribus, quorum aliqua pars hodie non amplius extat, licet ab ipso citentur. Quorum tamen testimonio frequenter utitur, *Henrici Roslæ* Nienburgenfis, & *Theodori Longi* Eimbecensis, eorum poemata edidit ante 34. annos parens meus *Job. Henricus Meibomius*. *Roslæ* Poëmation, non ineleganter scriptum, ut in isto ævo, agit de bello inter Henricum Mirabilem, Ducem Brunsvic. & Lynæb. ac confederatos Saxonie Principes An. clccclxxxvii. ob arcem Herlingsbergam gesto, & non pauca, alias incognita nos docet, ut in notis ostendit Parens meus. *Theodori Longi*, seu *Tiderici Langen* Canonici Eimbecensis & Goslariensis poema, sub titulo *Saxonie* adjecit *Roslæ* Parens meus, ex *Engelhusio* autem titulum fuisse, *Poësis Ducum Brunsvicensium*, disco. Dictio sordida est, versus interdum ridiculi; quæ tamen narrat, de sui ævi Urbibus, Comitibus, Nobilibus in Saxonia, annotari merentur.

Edi-

Editum quoque est à *Pistorio* tom. I. p. 705. *Chronicon*, Excerptum ex diversis Chronicis, usque ad A. 1474. in quo primo quidem ea narrantur, quæ nullibi non obvia melius etiam & rectius ab aliis traduntur, sub finem autem multa de rebus Saxoniae Inferioris & Brunsvicensibus. Auctor quis sit, non additur: ex iis tamen, quæ ad A. 1468. & 1473. narrat, monachum eum fuisse in monasterio S. Ægidii in urbe Brunsviga colligo. Sed pene prætermiseram hoc in loco memorare Scriptores illos, quos conjunctim anno seculi hujus vigesimo edidit Avus meus ex MStis, *Hermanni de Leerbeke Chronicon Schaumburgensium Comitum*, *Anonymi Chronicon Mindense*, *Justini Lippistorium*, ex quibus non tantum Scaumburgensia, Holsatica, Mindensia, & Lippiensia illustrantur, sed universæ Saxoniae historia, illius ævi, lucem insignem capit. Cum autem hæc & alia Avi mei opera historica, sive aliena, & ab ipso primum publicata, sive propria in magno apud intelligentes essent pretio, & exemplaria distracta nullibi amplius comparerent, capi nuper consilium, non de iis tantum omnibus, & quidem auctioribus, uno tomo recudendis, sed etiam pluribus aliis, ex MStis erutis & ad Germaniæ Saxoniaeque Historiam illustrandam mea opera elucubrat, duobus aliis Tomis, adjiciendis, qui jam ultra umbilicum perducti, si Deusnaverit, intra menses non ita multos publicam lucem aspicient. Sunt penes me alia multa Chronica Urbium & Monasteriorum Saxoniae nostræ, non ita quidem contexta, ut publico exponi mereantur, ex quibus tamen, non secus, atque olim ille ex stercore Enmi, gemmulam ad Saxoniae illustrationem eruas.

Sed jam pervenimus ad illa tempora, quibus sub finem scilicet XV. & intium seculi XVI. cum alibi in Germania, tum in Saxonia quoque, bonæ litteræ renasci, historiæ quoque justum pretium poni, antiqua Chronica è situ erui, nova conscribi cæperunt,



perunt, & favente Typographiæ usu, publicari. Tardius tamen in Saxonia res processit, primumq; quod editum sciam, *Chronicom Saxonicum*, rude & jejunum, laudari non meretur. Conscriptum id est vernacula lingua Saxonica, & sub tit: *Chronekender Sassen* Moguntia a. 1492. publicatum est, additis figuris, unde *vulgaris & picturata Saxonum Historia* nomine citatur à *Paullo Langio in Chronico Citicensi* in principio. Auctor incertus Brunsvigæ videtur conscripsisse, vertit autem illud superioris Saxoniae stylo *M. Job. Pomarius*, Pastor Magdeburgensis, & integri penè seculi historiam adjecit, magna idcirco laude à *D. Sigfrido Sacco* in præfatione affectus, quamvis ne mediocrè quidè mereatur, estq; septimo anno post à *Matthæo Dressero*, Professore Lipsienfi iterum revisum & publicatum. Unus magno animo, plurimis undiq; conquisitis subsidiis, Saxoniae omnis, imo & vicinorum regnorum Septentrionalium Historiam sacram & civilem scribere aggressus est, quem supra laudavi, *Albertus Crantzius*, magni & excellentis ingenii, judicii accurati, ac memoriae tenacissimæ, qui eo etiam nomine laudandus, quod unam Christi fidem in multas familias & factiones distractam, Ecclesiam corruptelis & superstitionibus imbutam, totumque Imperium Germanicum turbulenta seditionum ac discordiarum tempestate jactatum serio doluerit, & veraci liberoque calamo omnia descripserit. Notum quidem mihi, quàm vapularit aliis, *Suffrido Petro* Frisio imprimis, & quàm graviter tanquam partium studio agitatū publicè traduxerit, fidemque ejus dubiam reddiderit *Petrus Albinus* Progymn. Historiæ Saxonicae, p. 96. 97. Nescio tamen, an ex proposito falsa scripsisse convinci possit. Id scio, non illum in omnibus sequendum esse, sed imprimis, quæ vetustiora sunt, ex aliis scriptoribus examinanda; id quod quidem nunc tanto facilius fieri potest, postquam non eos tantum Scriptores, quibus *Crantzius* usus est,

est, quosque interdum ne verbis quidem mutatis descripsit, sed & plures alios, ipsi non lectos, habemus. Multus in eo laudando est *Janus Doufa* Annal. Hollandiæ l. 1. p. 71. eo maximè nomine, quod primus recentiorum ex *Witichindi*, *Helmoldi* & similium Scriptorum sententia Normannos à Danis, à Sveonibus Gothos, ab Hunnis Vandalos, Ostrogotos, rursum à Visigothis, summo judicio ac delectu, ratione temporum observata, subtilissimè distinxit, cum Galliæ Britanniaque Chronologi omnes eas nationes communi Normannorum appellatione confuse atque promiscuè indigitassent. Ad nostrum vero institutum imprimis facit ejus Saxoniae civilis historia peculiaribus libris, & sacra in Metropoli plenè & accuratè proposita. Obiit Hamburgi 7. Decembris. A. 1517. *morum & virtutum specimen & exemplar, patriæ decus*, ut est in ejus Epitaphio, quod in summi templi cæmeterio ibidem exstat. lisdem temporib⁹ vixit *Legum & Canonum Doctor*, & in eadem Academia Rostochiensis Professor, Duci Meclenburgico à consiliis, *Nicolaus Marscalcus* Thurius, scripsitq; Annalium Herulorum ac Vandalorum libros VII. in quorum præfatione se eorum, quæ tradat, partim *oculatum testem* esse, partim ex *Sanctariis Regū* *excerpsisse* monet. Vir est doctus, merenturque Annales illi legi, *Crantzianis* tamen non comparandi: uti etiam ad nostrum institutum minus faciunt. In superiori Germania hoc tempore XII. voluminibus *Franciscus Irenicus*, Germaniæ Exegesim edidit, sed quæ de rebus Saxoniciis habet, non sunt magni momenti, sequiturque & allegat frequenter *Hermannum Scriptorem Saxonum*, & distinguit ab *Hermann* Chronographo, quem *Hermannum Cornerum* esse, cujus supra memini, quamvis ipsa loca conferre mihi non licuerit, suspicor. Laudandi deinde sunt & legendi Viri clarissimi, Electorum Saxoniae Historici, *Georgius Spalatinus*, Canonicus Aldenburgeris, *Georgius Agricola*, Medica & histo-



historica laude celeberrimus, & *Georgius Fabricius. Spalatinum* quidem nollem in eo libello Germanico, quem pro gloria Domus Saxonicae contra Henricum Juniores Brunsvicensis scripsit, incomparabilem Imperatorem Lotharium, & meliora meritum, indigne tractasse, contra veri fidem, & doctioris ævi conscientiam: sed forte non magni adeo momenti libellus, compositis inter maximas Domos litigiis, tenebris damnatus esset, nisi æternis suis monumentis eum inseruisset *Hortlederus*. *Georgii Fabricii*, multæ eruditionis viri, laudanda etiam est in Saxonica historia insignis industria, quanquam ita laudanda, ut erroribus ejus non patrocinemur. Jam tum vero à *P. Albino* in nova Saxonum historia annotatum est, *Fabricium* omnia ferè ex Teutonica *Agricolæ* historia vertisse, pauca de suo addidisse. At ipsius *P. Albini* omnia, quæ conscripsit, in publico extare vellem: fuit enim vir eruditissimus, & qui non minore judicio quam diligentia, rara admodum mixtura, historiam tractavit. Seculo autem illo decimo sexto, de quo nunc agimus, Bellum Hildesienſe magna totius Saxonicae commotione gestum, descripsit *Justinus Goblerus* Jctus, & in vita *Erici Ducis*, & in brevicula Commentatione de ipso bello, qui meretur omnino legi, utpote veritatis studiosus, quamvis in omnibus circumstantiis fortassis non satisfaciat: cum quo conjungenda sunt, quæ communicata à *Wilhelmo Duce Brunsv. & Lynæb.* historiae suæ Saxonicae partem esse voluit *Dav. Chytræus*. Quæ autem deinde pro recuperatione bonorum Ecclesiae facta sunt, ex publicè editis, à Ducum imprimis parte, Actis discere est. Quæ deinde in Saxonia, religionis negotio graviter turbata, inter Principes Smalcaldici fæderis & Henricum Juniores Ducem Brunsvicensis contigerunt, partim à *Sleidano*, partim à *Chytræo* narrata sunt, petenda tamen imprimis ex libellis tum temporis editis & Actis publicis. Succincta de illius contra Henricum

cum Smalcaldici belli a. 1542. suscepti causis & eventu commemoratio, à Fæderatis edita, extat Tomo II. Operum *Schardii*, plura vero apud *Hortlederum* in præstantissimo de Belli Germanici causis opere legere licet. Belli deinde Magdeburgensis, seu obsidionis, quam à Cæsareanis passâ est a. 1550. & sequenti, historia ad Saxoniam quoque imprimis pertinet, magna tam dubii eventus expectatione, interveniente quasi ex machina Deo, & consilia mutante. Scripsit eam Germanico idiomate civis illius urbis *Sebastianus Besselmeyerus*, quæ tamen, ut Latine verteretur, digna judicata est. Quæ præterea in Saxonia, etiam latissime accepta, integro sæculo sexto decimo contigerunt maxime memorabilia, illa egregie exposuit, jam ante nobis laudatus, Theologus & Polyhistor clarissimus, *David Chytræus* in Saxonia sua. Nolim quidem eum ab erroribus præstare immunem. Quæ enim potuerit Vir unus, isque à magnatibus non adeo multum adjutus, tot terrarum, in quibus Saxonicus sermo viget, historiam, & quidem integri sæculi, accuratissime, ut non alicubi impingeret, tradere? Nec succenseri possum insigni Historico *Everardo Reidano*, qui, præfatione in suos Annales Belgarum, *Chytræum* inter eos Belgicæ Historiæ scriptores refert, qui falsos rumores, incerta famæ & quomodocumque accepta secuti, falsâ pro veris tradiderint. *Thuanus* nec laudat, nec vituperat *Chytræum*, emortuale tamen ejus annum ideo memorat, quia multorum virorum, quantum in ipso fuit, memoriam servavit: at, quod ubique in rebus Saxonis & Arctoïis secutus sit *Chytræum Thuanus*, legentibus patet, nec diffitetur, in summariis librorum, qua est ingenuitate, *Thuanus*. Talis certe est Historia *Chytræi*, quâ carere nemo, qui Saxonie & Septentrionalium regnorum notitiam, quæque in eo integro sæculo acta, acquirere sibi velit, potest. De ipso scribendi modo & dictione nil dico, cum in præfatione ipse pro



*rudi designatione*, haberi velit, non *historia*, exemplo veterum aut quorundam recentium scripta. Post *Chytræum*, illi coævus, locum meretur, sæpius etiam merito suo nobis laudatus, *Reinerus Reineccius*, quamvis, non tam seculi sui Saxoniae historiam, quam superiorum seculorum & à primis initiis illustrare conatus fuerit. Tantum illi, vel propter Scriptores è situ erutos & emendatos, debet Germania & Saxonia, in quantum æstimari eruditio liberalis & notitia temporum potest. Ingenium in eo excellens, iudicium exquisitum, labor indefessus: quid non expectes, ubi tria illa conjunguntur in uno? Equidem, cum non pauci eruditi viri in eo sibi placerent, ut recentiores gentes à priscis, à Phrygibus Frisios, à Mysiis Misenenses, Cimbros à Cimmeriis, Cauchos à Chauchonibus, Saxones à Sacis aut Axinis, solum ob nominis aliquam convenientiam (æquè ridicule, ac maximus Philologus ex Victophalis, quos *Eutropius* Breviar. hist. Rom. suo tempore trans Danubium habitasse scribit. Westfalos exsculpi) deducerent, illo quoque errore abripi se passus est *Reineccius*, uti non tantum ex libello ejus *de Origine Mysorum*, sed passim ex ampla ejus *Historia Julia* patet. Quando igitur Illustris Vir, antea memoratus, *Joh. Philippus Voorburgius* T.I. vasti sui operis, *minus sedulum & fabulis deditum historiographum* vocat, eò respexisse crediderim: alias sanè longè meliores titulos meretur, vivensque, & ab ingenua posteritate mortuus, nactus est, cum de doctrina, sedulitate, & amore veritatis testentur ejus scripta plurima; quin ipsa Voorburgiana Historia, sine Scriptorum, quos *Reineccius* primus edidit, subsidio, manca esset & mutila. *Reineccio* comitem hic adjungerem & laudarem *Henricum Meibomium*, nisi avus mihi esset. Quæ tamen in Saxonica historia præstitit, si industriæ aliquam laudem mereri dixerò, fortassis à nemine accusari potero. Invenere ejus scripta amatores plurimos, quod  
toties

toties distracta, totiesque recusa testantur exemplaria: contemptores, præter ignorantes & veritatis offores, nescio an invenerit? Multi certè ejus opera, fracta ab eo primum in maxime lubricis glacie, adjuti sint, sive id candidè fateantur, sive callidè dissimulent. *Joh. Letznerus* diligentissimus vir, multis & magnis Commentariis de Historia Ducatus Brunsvicensis non malè meritis, & plura, si vixisset, elaboraturus, memorari etiam hîc à me omnino debet; magis tamen eum laudare possem, si diligentia ejus par judicium respondisset, & iis, quæ sollicitè undique conquisiverat, rectè uti, & falsa à veris, spuria à genuinis discernere scivisset. Interim, qui judicio valet, ejus opera cum fructu legere & in rem suam convertere potest. At majorem laudem meretur, qui illo tempore in hac vicinia, Halberstadii, vixit *Gvilhelmus Budæus*, Græcè & Latine doctissimus Vir, *Neandri* discipulus, qui præter artem Medicam Patriæ Historiæ curas suas impendit, eo cum fructu, ut maximi æstimentur, quæ de *Monasteriis Episcopatus Halberstadensis*, deque *vita Alberti Episcopi* consignavit. Utinam vero præstantissimo viro opuscula, quæ affecta habuit, quorumque primas paginas promulsidis loco publicavit, per otium & vitam pertexere licuisset! Magnam in eo jacturam fecit Historia patria: majorem verò etiam, quod, quæcunque maximo labore ex ineditis monumentis & Archivis, non alibi extantia, congefferat, belli tempore Lipsiam missa, in nescio quas manus devenerint. Vivunt verò hodieque, & cum superioris Saxoniae, Thuringiæque, tum etiam nostræ Inferioris Saxoniae res curioso calamo illustant, alter in Illustri Electorali Saxonica Academia Witebergensi, alter in Ducali Jenensi, *Conradus Samuel Schurtzseisch*, & *Caspar Sagittarius*, de quorum præclaris scriptis plura dicerem, nisi me amicitia, quæ cum utroque intercedit, id dare lector suspicari possit: O 3 omnibus



omnibus tamen Saxonica Historiæ studiosis non possum non ea commendare. Sed, ut de hujus quoque seculi, quod vivimus, historia aliquid addam, initia quidem ejus Brunsvicensis Urbis intra decennium bis factæ obsidiones occuparunt, quæ publicis scriptis & serenissimo quoque calamo expositæ legi possunt. Fatale deinde toti Germaniæ bellum, in Bohemia ortum, brevi tempore in Inferiorem Saxoniam totum quasi translatum est, & Ducatus Brunsvicensem & Lynæburgensem, Archiepiscopatum Magdeburgensem, Ducatusque Meclenburgicos gravissimè afflixit. Quamvis autem illi bello describendo clarissimi Viri, *Lotichius*, *Caraffa*, *Chemnitius*, *Brachelius*, *Loccenius*, & nuper elegantissime *Puffendorfius*, manus ad-moverint, tamen, aut de Saxoniciis rebus pauca narrant, aut, dum ab adventu Regis Gustavi suas historias auspicantur, exponere distinctè negligunt, quomodo ad ipsum usque Balthicum mare devenerit: quæ quidem ex Actis publicis, Conventibus Circuli Saxonici, & Fœdere Lauenburgico supplenda sunt. Reliqua, quæ deinde in belli progressu in Saxonia acta sunt, plenius à modo dictis celeberrimis Viris explicata sunt. Mutationes vero, quæ deinde, pace impetrata, circa territoria Principum in Saxonia facta sunt, ex ipsis Pacis publicæ tabulis discere licet, quibus ut addatur *Historia Pacis Westfalicæ*, ab eruditissimo Viro Scripta, operæ pretium est.

Cum autem Civilis Historia non rectè intelligi possit, ratione successionis imprimis in Principatibus, Comitatusque, nisi Genealogiæ illustrium rectè exponantur, de iis adhuc aliquid dicendum est, cum in Saxoniæ quoque historia præclarissimi viri illarum ad se curam pertinere judicaverint. Quamvis autem illi, qui in genere omnium Principum & Illustrium Genealogias adomarunt, Saxo-nicas

nicae non neglegant, tamen de iis nunc tantum dicam, qui Saxonicae seorsim exposuerunt. Ubi in Principio illud monendum est, superstitum quidem familiarum & adhuc florentium Genealogias majorem habere usum, insignem tamen etiam emortuarum, cum, quomodo in Dominiis hæc illi successerit, sciri debeat, nec plena historia citra illam cognitionem haberi possit. Egerunt id diligenter *Brotrufius*, *Hoppenrodius*, *Albinus*, *Spangenbergius* in libris de nobilitate, & Laur. *Peccenstein* in *Theatro Saxonico*. Extat *Hermanni Hamelmanni* liber de vetustis titulis & nominibus Principum, Comitum, Heroum atque illustrium familiarum, quæ olim in Inferiore Saxonia, Angraria, & Westfalia extiterunt, quarum Dominia aut in totum aut ex parte translata sunt, ad Episcopos, & Principes, qui plurimum à me augeri posset, si otio abundarem. Antiquæ autem illius Saxoniae, seu Westfaliæ, nobiles familias, tam emortuas, quam superstites, ex Chronicis & Tabulis magna diligentia collegit, ipse antiquo & nobili genere ortus *Johannes à Bersworde in Husten*, qui liber, MSus hactenus, dignus est, qui à pluribus legatur. *Reineccius* vero & *Chytraeus*, & *Avinus meus* nunquam etiam inscriptis suis intermittunt genealogias illustrium familiarum, siue adhuc florentium, siue emortuarum contexere, & ad majorem historiæ claritatem inferere. Facit vero plurimum quoque ad integrum historiæ contextum, & translatorum ab uno ad alium dominiorum, certitudinem, *Insignium* notitia, ideoque etiam Heraldici Scriptores evolvendi sunt. Et vero, qui nuperrime *Historiam Insignium Illustrium* edidit Vir muneris dignitate, pietate & doctrina maximè conspicuus, *Philippus Jacobus Spenerus*, in enumerandis quoque Saxoniae Principum Insignibus, & ex historia illustrandis, laudabilem operam præstitit. Usus autem est, ubi de Insignibus Serenissimæ Domus Brunsvicensis agit, opera

*Joh.*



*Job. Henrici Hofmanni*, qui magnum opus jussu Serenissimi Domini sui sub titulo *Ehrenkreuz* conscripsit, in quo maximam suam Historiam Saxonica & Brunsvicensis imprimis peritiam ostendit, quam etiam aliis operibus suis *Rerum Hildesensium libris XV. Rerum Hohenstadiensium libris III. Monasteriologia*, aliisque, omnibus, qui ea viderunt & legerunt, approbavit, quamvis ultimam manum iis imponere non potuerit, Vir longiore vita dignissimus, Archivorum, quibus praeerat, peritissimus, & penè sine exemplo, scrutator. In cujus mihi amicissimi Viri memoria hanc in Historiam Saxonica Introductionem, seu *prooemium* finio.

---

Corrigenda.

p. 19. l. 23. pro *de Probo* scribe *acclamatum Probo*.

p. 59. l. 13. pro *Daleminci à Dalemineciis* scribe *Daleminci à Daleminis*.



5664575

K 1730.012

enissi-  
n quo  
mpri-  
s Re-  
III.  
unt &  
s im-  
Ar-  
e ex-  
e-

uon.











da 005644575 a 005644588





